

APOLOGIA

R. P.

3

IO. BAPT. RICCIOLII

Societatis IESV

PRO ARGVMENTO

Phyficomathematico

CONTRA SYSTEMA COPERNICANVM

Adiecto contra illud nouo Argumento ex Reflexo
motu Grauium Decidentium.



VENETIIS, M. DC. LXIX.

Apud Franciscum Salerni, & Ioannem Cagnolini.

SVPERIORVM PERMISSV.

1150.109A

11

1150.109A

1150.109A

1150.109A

1150.109A

1150.109A

1150.109A

1150.109A

1150.109A

1150.109A

1150.109A

1150.109A

1150.109A

1150.109A

1150.109A

1150.109A

1150.109A



Clarissimis, & Excellentissimis DD.
Philosophis, ac Medicis

CAROLO HIARCHÆ,
E T
FLORIO BERNARDO

Orbe, & Vrbe Venetiarum celeberrimis

Io: Baptista Ricciolius Societatis IBSV
Sal. ac Felic. Plur.



*A*Esculapij filios Machaonem, ac Podalirium Medicæ artis peritissimos, non sola Græcia toto illo decennio, quo hæsit in obsidione Troiæ; sed omnis Asia Europaque regio admirata est, ad quam Ilias, & Homericæ tubæ clangor peruenit. Vestram pariter Excellentissimi DD. eximiam in Medicina Theoria simul, & praxi scientiam, fortunatissimamque virtutem; non Veneta solùm

Ciuitas, vicinæque regiones agnoscunt, suspiciunt, prædicant; sed ad exterâs quoque nationes, earumque literatissimos viros; Fama ipsa celeberrimo sua tubæ sonitu propagauit, adeo, vt Vestrum nomenque decusque in Angliam usque peruasferit,

Et penitus toto diuisos orbe Britannos:

Me ritò sanè tanta vobis celebritas debebatur, quorum ingenium & industriam Hippocrates Cuius & Cuius Medicorum, Aphorismo illo suo: Ars longa vita brevis &c. sic exacuit, vt exhausta tam abstrusa artis profunditate, in Vobis astimari possit aut Ars brevis, aut Vita longa, cum eò proneffi sitis, quò multi longè longiore vita vix peruenirent. Quòd si Aesculapio Galium ac Serpentem sacrauit antiquitas, ob peculiarem in medendo vigilantiam etque prudentiam; ne Vestram quidem vigilantiam Occasio præceps elusit; nec Iudicium difficile prudentiam aut fessellit, aut implicuit: Non denique consultiissimam Vestram praxim Experimentum periculosum in discrimen-
addu-

adduxit, quorum Empiricam dexteram, direxit Ratio, ac Theoria Dogmatica oculus dexter.

Has profectò prerogativas, profundamque ac multiplicem eruditionem penitus introspectis augustissimus Venetorum Senatus: cum publicum Medicam Artem Venetijs docendi munus quàm honorificè contulit D. Carolo Hiarchæ: ac Florio Bernardo Anatomen prælegendam eiusdem Senatus auctoritate tradidit DD. Philosophorum, & Medicorum Collegium. In quo Munere dum uterque summa animi contentione parè m omninò operam, & studium collocavit; eam unusquisque de se non modò fovit sed auxit opinionem, ut iure habeantur ab omnibus Medici verè Philosophi, quos cæteris longè præstantiores Homerus deprædicanit, Hippocrates Deo similes fecit, Aristoteles omnibus elegantissimos dixit, & Galenus univèrsæ Philosophiæ partibus instructissimos esse voluit.

Ego verò in Vobis amò præterea & admiror Mediçinæ, ac Matheseos nobile consortiùm in summis olim & postea Archiatris conspicuùm. Apollinem certè Aesculapij patrem utriusque huius scientiæ Principem venerata est antiquitas; Eudoxum Cnidium, Philistionis Siculi discipulùm, non minus insignem Medicum, quàm Astronomum fuisse refert 8 libro Diogenes Laërtius. At Mediçæ facultatis, non dixerim (quod non nemo dicere ausus est) Numen, Galenus, sed Lumen ac Sol; non modo Niconis egregij Geometra & Architecti filius fuit sed ipsemet, Gesnero teste, Mathematices, ac totius Philosophiæ consultissimus evasit. Avicenna Sarracenarum Galenus, Mathesi non minus, quàm Iatricæ suos in admirationem Arabas, Nicolao Massa referente, pertraxit. Utriusque istius scientiæ, vidit commendavitque, in Ioanne Fernelio Ambianensi Gallia; in Gemma Frisio Belgium, in Taddæo Hagecio, Ioanne de Saxonia multisque alijs Protomedicis Germania, & in duobus Hieronymis, Cardano & Fracastorio Italia.

Istinc igitur mihi, & nata occasio, & oborta mens, Vobis, Excellentissimi Viri, meam hanc Apologiam dicandi, in qua de Physiæ mathematicis contra Copernicanum Telluris motum argumentis: præsertim cùm mihi compertum sit, Libros meos, videlicet Almagestum Novum, Geographiam Reformatam, & Astronomiam Reformatam non displicuisse Vobis, imò non indignos lectu, tot inter graviorès curas, visos fuisse. Huc accessit singularis illa benevolentia, qua Societatis nostræ viros complexi estis, ut hoc solo nomine; si cætera deferrent, testatam erga Vos profiteri oportuerit grati animi nostri, hoc qualicumque pignore agnitionem pariter, confessionemque publicam. Cæterum, quoniam Facultates inter tres Mediçæ Artis, Curatrici, ac Restauratrici, præcellit tum tempore, tum astimatione Præservatrix; Vestrum erit meam hanc Apologiam, auctoritate, qua polletis, ab alienæ interpretationis contagio præservare. Valete, atque ut capistis, Nos vestro amore, & ope prosequi pergitote.

Ego

E Go Io: Iacobus Vicecomes Soc. I. s. v. in Prouincia Veneta
Præpositus Prouincialis potestate ad id mihi facta à P. N.
Io: Paulo Oliua Præposito Generali facultatem facio, vt
Liber inscriptus, Apologia pro argumento Physicomathe-
matico contra Systema Copernicanum adiecto contra illud
nouo argumento ex reflexo motu grauium decidentium Au-
thore P. Io: Baptista Ricciolio Societatis nostræ Sacerdote,
& eiusdem Societatis grauium, & Doctorum hominum iudi-
cio approbatus, typis mandetur, si ijs, ad quos pertinet ita vi-
debitur.

In quorum fidem has literas manu mea firmatas, & sigillo
muneris mei signatas dedi. Bononiæ 7. Februarij 1669.

Io: Iacobus Vicecomes.

Noi Reformatori dello Studio di Padoua .

HAuendo veduto per fede del Padre
Inquisitore nel Libro intitolato
Apologia del P. Gio: Battista Riccioli
della Compagnia di Giesù non esserui
cosa alcuna contro la Santa Fede Cat-
tolica , e parimente per attestato del
Segretario nostro niente contro Pren-
cipi, e buoni costumi, concedemo li-
cenza à Francesco Salerni, e Giouan-
ni Cagnolini di poterlo stampare; of-
feruando gl'ordini &c.

Dat. à 7. Giugno 1669.

(*Aluise Contarini K. P. Ref.*

(*Andrea Pisani K. P. Ref.*

(*Battista Nani K. P. Ref.*

Angelo Nicolosi Seg.

CAPVT PRIMVM.

*De Controuersia huius celebritate, ac gravitate apud Astronomos,
Physicos, & Theologos, deque Occasione iterum,
ac sapins de illa differendi nobis
oblata.*



Merito inter nobiles de Natura quæstiones Seneca, libro 7. cap. 2. hanc in primis scitu dignissimam censuit, cum dixit: *Illò quoque pertinebit hoc excussisse, vt sciamus vtrum Mundus, Terrà stante, circumeat; an Mundo stante, Terra vertatur? Fuerunt enim qui dicerent, nos esse quos rerum natura nescientes ferat, nec cali motu fieri Ortus, & Occasus. sed ipsos nos oriri, & occidere. Digna res est contemplatione, vt sciamus, in quo rerum statu simus; pigerrimam sortiti, an velocissimam sedem? circa nos Deus omnia, an nos agat? Quandoquidem diurnam horarum 24. reuolutionem, Telluri circa sui centrum, & axem vertigine continua Orientem versus circumuehenti adscripserant olim Heraclides Ponticus, Ecphantus Pythagoricus, & Nicetas Syracusanus, vt referunt Cicero lib. 2. Academ. qq. & lib. 1. Tusculanar. ac Plutarchus lib. 3. de Placitis Philos. cap. 13. Præter diurnum autem; annuum quoque motum, quo centrum Telluris circa Solem in Mundi centro quiescentem circumferatur diebus 365. & ferè diei quadrante, inuexerunt Aristarchus Samius, & Philolaus vterque Pythagoricus attestante id Archimede in Arenario, Plutarcho 3. de Placitis cap. 11. Ptolemæo lib. 1. magnæ constitutionis cap. 5. & 7. & indicante Aristotele 2. de Cœlo textu 72. Horum opinamenta, postquam Nicolaus Copernicus Toronensis, & Canonicus Ecclesiæ Vuarmiensis, veluti ex diuturno somno excitauit, nouisq; hypotesibus subtrixit; mirum est quàm multos, nouitate, ac pulchritudine simplicioris in speciem Scystematis Mundani in suam sententiam pellexerit. Horum nos præcipua capita recensuimus lib. 9. Almagesti noui sect. 4. cap. 1. 2. & 3. vbi Platonem pro Terræ immobilitate stetisse, contra nonnullos secus de illo scribentes, docuimus. Euasit porro huiusmodi controuersia in tantam celebritatem, vt Astronomicis, Physicis, ac Theologicis argumentis vtrinque acerrimè agitata, pendere adhuc videatur lis tanta penes illorum iudicium, qui circumscripta Sacræ Scripturæ & S. Congregationis Inquisit. autoritate, Rationis tantummodo naturalis momentis libranda hæc censent.*

²
ASTRONOMIS certè incumbit exponere, qua ratione in Mundⁱ Systemate Planetæ omnes, ipsaque Inerrantia sidera, duplici continuè, sed contrario motu videantur circumferri, vno ab Ort^u Occasum versus diurna horarum 24. reuolutione; altero ab Occasu in Ortum diuersis mensium annorumue periodis; hanc enim contrarietatem conciliari solidis Eccentricorum, & Epicyclorum sphaëris minimè posse, iam nostro & præcedenti seculo patuit, saluis Martis, Veneris, ac Mercurij circa Solem circumlationibus, & ijs, quæ de illorum illuminationibus, & de Cometarum traiectionibus prodidere Telescopia, & instrumenta paralactica. Multis etiam inconcinna visa est inconstantia illa motus proprii, quo quinque minores Planetæ modò Directi, modò Stationarij, modò Retrogradi apparent. Superest ergo deliberandum, an melius hæc phænomena explicentur per Diurnum, & Annuum Telluris motum; aut si hoc absolute asserere Ratio, & Autoritas vetat, aliam hypothesim vtrique motui commodam idoneamque excogitent Astronomi; si minus illis placuerit nostra de motu spirali circa conum sententia, lib. 1. Astronomiæ Reformatæ cap. 18. exposita.

PHYSICORVM porrò interest magnopere disquirere, num per Telluris motæ hypothesim vnice, aut congruentius reddatur ratio apparentis accelerationis Grauium naturaliter descendentium, & Marini ætus & auræ Occasum versus intra Zonam Torridam perpetuò flantis, & cæterorum huiusmodi. Sed illud in primis, ne contra alterutrum Systematum Terræ scilicet stantis, aut euntis, plumbea vibrent argumenta, quod à multis hætenus, quantumuis doctis viris factum ostendimus libro illo 9. Almagesti Noui sect. 4. vbi à cap. 5. ad 34. produximus quadraginta nouem Argumenta pro Telluris diurno & Annuo motu, Solisque quiete in centro Vniuersi, subiunctis tamen eorum solutionibus. Pro immobilitate autem Telluris, protulimus septuaginta septem Argumenta, quorum plurima ad euidentiam Physicam, nedum ad Mathematicam minimè pertingunt; iterumque redactis in formam syllogisticam, & compendariam iisdem argumentis, cum suis solutionibus, breuitate perspicua Lectoris tædio consulimus.

THEOLOGIS demum hic sedulo inuigilandum est, sicut fuit Sacris Censoribus, vt partim per se, partim per alios rerum harum peritos certiores fiant, vtrum ea quæ in Scriptura Diuina de Terræ immobilitate, Solisque motu asseruntur, possint, salua celestium phænomenon apparentia, saluisque quas in Terraquo Globo

Globo experimur vicissitudinibus, intelligi ad litteram, iuxta verborum sensum planum, & obuium; an è contratio intercedat necessitas, illa detorquendi ad alienum figuratumue sensum. Ne alioquin semel patefacto aditu ad Sacri Codicis interpretationem à literali sensu, absque necessitate recedentem, omnia Fidei Catholicæ dogmata in sensu literali fundata, subuersioni obnoxia permittantur, nutetque Dei Verbum scriptum in tanto culmine authoritatis diuinitus constitutum, & conseruatum.

Ego verò, cum post Philosophiæ, ac Theologiæ professionem, imò & antea me ad Astronomiam contulissem, videremque à Copernicanis perstringi, non solos Peripateticos, ac Ptolemaici Systematis sectatores, tanquam vulgaris Phylosophiæ rudimentis nimis affixos, nec ad sublimiores Mundani Ordinis, & constitutionis Ideas, causasque motuum cælestium ex Archetypo desumptas, assurgentes; Sed Theologos insuper, librorumque Sacrorum, vel Interpretes, vel Censores, perinde ac si ob imperitiâ recon ditionis Astronomiæ, aut penitioris Phylosophiæ neglectum, aut scrupulosam potius timidamque diuinarum literarum interpretationem, Censuris Ecclesiasticis assertores motus Terræ perculissent: statui totis ingenij, ac iudicij mei viribus, absque villo præiudicio, aut studio partium, Rationes, & Authoritates, pro vtroque Systemate diu multumque expendere; & Rationes quidem attuli lib. 9. Almag. Noui sect. 4. totis capitibus 35. Authoritates autem a cap. 36. ad 40.

Inter alia itaque argumenta contra Systema Terræ motæ, illud mihi Physicomathematicè visum est euidens, quod deduxi ex reali percussionis validitate maiori, & maiori, quo ex maiori altitudine Grauiam naturaliter descendunt, quæ validitas cæteris paribus, reale, ac notabile incrementum impetus per motum acquisiti supponit, adeoque realem accelerationem Grauium descendendum: At in hypothesi motus Telluris accelerationem illam merè apparentem forè, & absolūtè falsam; aut physicè tam exiguâ demonstratur, vt nullius sit considerationis, respectu validitatis, qua fit percussio; siue descensus Grauium fingatur fieri per lineam circularem à Galilæo designatam, siue per aliam speciem curuilinei tramitis, puta parabolicam, spiralem, aut helicoidem; Proinde illud argumentum prius contra Galilæum retorquendum duxi lib. 9. Almag. Noui sect. 4. cap. 19. assumpra ex ipso via circulari, esto illam talem non esse in progressu, nec vniuersaliter, ostendissem cap. 17. postea verò in Astronomiæ Reformatae lib. 1. Appendice 2. Illud argumentum instauravi supposita

quacunque via descensus curuilineæ Copernicanæ hypothesi congruenti.

Verùm non defuere Viri doctissimi, & acutissimo ingenio præditi, qui argumenti huius mei cùm enervare, conati sint qua verbis coràm, quàm scriptis ad me litteris vel dissertationibus, aut opusculis in lucem editis. Aliqui autem dubia nonnulla mihi soluenda proposuere. Hos inter præcipui fuere Excellentiss. DD. Franciscus Hyacinthus de Simiana Planitiarum Marchio, de cuius insigni pietate, multiplicique & profunda doctrina, in Dedicatoria meæ Geographiæ Reformatæ per pauca, sed præ inuita ipsius modestia multa dixi: qui tamen postea mei argumenti vim agnouit probauitque, Eodem verò tempore Excell. D. Doctor Philosophiæ, Medicinæ, Matheseos, Iuris, & Græcarum litterarum consultissimus D. Iulius Turrinus Nicæ in Provincia natus, plenissimam subtilitatis dissertationem ad me scripsit & sic inscripsit.

N I C E T A S O R T H O D O X V S

*Sen de Controuerso Mundi Systemate
Sensus Christiano Philosopho dignus.*

*In P. Io. B. Riccioli sectionem quartam Libri noni tom. I. Almagesti
Noui. Diatribe I. T. M., N. M. T.*

CVINS Diatribe, post quinque Conclusiones, vnica tandem Conclusionem hac terminatur. *Solem Diurno, & Annuo motibus circumuolui, Terram quiescere firmè teneo, infallibiliter credo, & aperte profiteor, non Physicis, non Mathematicis ad id impulsus Rationibus, sed mero imperio fidei, Auctoritate Scripturæ, & nutu Romæ Sedis, cuius effata distante Spiritu veritatis, ut vniversos decet, mihi iurata sunt.* Et post meam Responzionem Apologeticam, rursus insurrexit *Duplica* ad me scripta, adhæsitque pristinæ suæ opinioni. Postea verò de hoc argumento mihi non semel disceptatio fuit cum amicissimis, & Excellentiss. Matheseos professoribus in Bononiensi Gymnasio, D. Io. Dominico Cassino, & D. Geminiano Montanario, Operibus in lucem editis iam in Italia, & extra notissimis, sed mihi & familiaribus colloquijs longè notissimis, & æstimatissimis. Subinde autem Excellen-

tis. D. Io. Alphonsus Borellus in Patria Messanenſi, & de-
inde in Piſana Academia Mathematicarum Profeſſor, primum
ſcripto, & poſtmodum euulgato Libro de Vi Percuſſionis,
Propoſitione LVIII. meum argumentum contra Telluris mo-
tum extenuare conatus eſt. Nouiſſimè denique R. Fr. Ste-
phanus de Angelis in Patauino Gymnaſio Mathematicarum
Profeſſor, duplici dialogo vtramque Argumenti mei formam
inefficacem eſſe contendit; cumque illi meo conſenſu reſpon-
diſſet D. Michael Manfredus; iterum Fr. Stephanus contra
hanc reſponſionem inſurrexit, & D. Adrianus Naſut Gallus in
ſuis obſervationibus pag. 49. Hinc factum eſt, vt veritatis di-
ſcernendæ ſtudio, ſedulo, & accuratius hoc negotium aggreſſus
ſim, & ex multis ea ſelegerim, quæ controuerſiæ huic deciden-
dæ mihi viſa ſunt opportuna.

C A P V T S E C V N D V M.

*De Acceleratione Motus Grauium Corporum Natura-
liter descendantium, iuxta veram
Terra immobilis Hy-
potheſim.*

Opiniones de Grauium deſcenſu libero ac naturali per medium
iſtis leuius verſus centrum Terræ, quas reperire haſtenus
potui, ſunt quæ ſequuntur.

1. *Prima* eſt, Grauii reuera in Hypotheſi quoque Terræ immo-
bilis vniſormiter deſcendere, conſiciendo æqualibus tem-
poribus ſpatia æqualia, ſi per Aërem, aut Aquam liberè di-
mittantur. Ita ſed dubitando Simplicius 1. de Cœlo tex. 88.
Comm. 86. Aſſertiue autem Rodericus Arriaga diſputat. 4.
de Generat. ſect. 5. ſubeſt. 3. vir alioquin peracuti inge-
nij, ſed experimentorum incuria in hunc errorem lap-
ſus.
2. *Secunda* eſt communis Philoſophorum cum Ariſtotele 1.
de Cœlo textu 88. vbi graue omne cuiuſmodi eſt corpus ter-
reſtre, eo velocius ferri verſus medium Mundi, quo fit
ei propinquius, leue verò, qualis eſt ignis, eò velocius
ſurſum tendere, quo fit propius ſuperioribus Mundi par-
tibus,

tibus, id que pro certo supponit dicens: *Terram quidem quanto propinquior fuerit medio, velocius ferri, ignem autem quanto ei, quod est sursum. Id ipsum confirmat discrimine motus violenti, & motus naturalis grauium, & leuium; violentus enim est in fine tardior, at naturalis in fine velocior: vnde probat grauia, & leuia ab intrinseca grauitate, aut leuitate moueri; non verò ab extrinseca extrusione: verba eius textu 89. sunt. At verò neque ab alio hoc quidem ipso sursum fertur, hoc autem deorsum, neque vi (quemadmodum quidam dicunt) per extrusionem: tardius enim moueretur maior ignis sursum, & maior terra deorsum: nunc autem è contrario semper maior ignis velocius fertur, & maior terra in suum locum. Neque velocius vti que prope finem ferrentur, si vi & extrusione mouerentur: Omnia enim ab eo, quod vim attulit, longius existentia, tardius feruntur. Et vnde vi, illuc feruntur non vi. Constat autem veritas huius sententiæ, innumerabilibus experimentis, & manifestis, quibus etiam minime Philosophantes agnoscunt corpora grauia, quo ex maiori altitudine dimittuntur, eò vâliore idu percutere alterum corpus suppositum, & antea immotum, maiori scilicet sono, fragore, fractura, contusione, aut percussione, aut repercussu, & reflexo resultu, aut eleuatione maioris ponderis. Idque ipsum naturali sagacitate nouit aquila illa, quæ arreptam vnguibus testudinem, alius extulit, vt inde dimissa velociusque ruens supra laxum (quale putauit esse caluam capitis cutem subtereuantis Aeschyli) frangeretur; vnde mors Aeschylø inexpectata. Denique super hac certa notione fundatur morale illud Poetæ nobilis: *Tolluntur in altum, vt lapsu grauiore ruant*. Etenim si Grauia vniformiter, ac motu semper æquali delaberentur, nullo maiore impetu subiectum corpus percuterent ex maiori, quàm ex minori altitudine dimissa. Non explicant tamen multi, qua proportionem Grauia in descensu accelerentur.*

3 Tertia opinio est, accelerari quidem Grauia, quo magis accedunt ad suum terminum versùs centrum Terræ, sed dubitat num hæc acceleratio fiat vniformiter difformiter, an verò difformiter absque vniformitate incrementi. Ita se ancipitem fatetur P. Nicolaus Cabæus lib. 1. Meteor. tex. 17. sub finem quæstionis 3. alludens ad triangulum, quo Galilæus explicat vniformem difformitatem huius descensus.

4 Quarta opinio est Scipionis Claramontij lib. 12. de Vniuerso cap. 28. qui timens ne incrementum huius velocitatis tenderet in infinitum, dixit eam tandem ita decrescere, vt reducatur ad equalitatem.


Etatem: quod experimento ait se comprobasse; sed quàm lubrico, & in spatio nimis breui, & per mensuram temporis nimis fallacem constare potest ex dictis de hoc à nobis tom. 2. Almag. Noui pag. 383.

- 5 *Quinta* opinio est, Grauium prædictorum accelerationem crescere secundum progressionem Arithmeticam, ita vt si primo tempore transeant spatium vnus decempedæ, secundo tempore æquali seorsim transeat 2. & tertio seorsim 3. & quarto seorsim 4. ita vt in fine quarti temporum æqualium confecerint decempedas non plus 10. sic innominati quidam apud Mersennium in Reflectionibus Physicomathematicis cap. 15. quos ait refutatos à Clariss. viro D. Tenneurio. Eandem progressionem probabiliorem purarunt. D. Io. Bapt. Balianus Patritius Genuensis Opusculo de motu naturali grauium lib. 4. pag. 110. & P. Nicolaus Cabaus 1. Meteoror. tex. 17. q. 3. idque ex suppositione, quòd accelerentur vniformiter difformiter. Se hæc opinio est manifestè falsa, quia si in primo secundo horario dum Graue descendat per 15. pedes in fine quarti secundi deberet absoluisse tantum pedes 150. cum experimentis nostris absoluerit 240.

- 6 *Sexta* opinio fuit. P. Petri Cazrei Societatis Iesv Collegij Metensis Rectoris, qui vt refert Petrus Gassendus tomo 3. suorum Operum à pag. 564. tribus Epistolis ad totidem epistolas P. Cazrei primò asseruit in Grauium descensu velocitatis Gradus se habere inter se, vt spatia potiùs quàm vt tempora, deinde asseruit, & conclusit spatia temporibus æqualibus decursa crescere in Ratione continuè dupla, videlicet si primo æqualium temporum decurrit vnâ decempedam, in secundo decurrere seorsim duas; in tertio seorsim 4. in quarto seorsim 8. &c. Quàm opinionem refutauit egregiè Gassendus in prædictis Epistolis; & mihi ex meis experimentis satis falsam esse constat; si quidem Globus argillaceus vnciarum num. 8. qui primo secundo horario decurrit pedes Romanos antiquos 15. debuisset in fine quarti secundi absoluisse pedes 225. cum tamen non absoluerit nisi pedes 240. ex suis etiam experimentis refellit illum Mersennius in Ballisticis prop. 18.

- 7 *Septima* opinio est quorundam innominatorum apud Mersennium in Phænomenis Ballisticis proposit. 18. dicentium accelerationem Grauium crescere ea ratione, qua crescunt Sinus versi inter æquales circumferentiæ partes intercepti. Est o enim Terræ globus


globus A F O L. cuius
peripheria diuifa fit in
arcus æquales AI. AK.
IH. KM. HG. MN.
GF. & NL. ad quarum
diuifionum puncta du-
cantur chordæ KI.
MH. NG. LF. & à
puncto A. ducta dia-
metro AO. notentur
finus Verfi AB. AC.
AD. AE. dicunt eadē
ratione crefcere acce-
lerationem Grauium,
qua finus prædicti fe-
superant. Quàm ratio-
nem Mersennius ait
magis ad experientia



veritatem accedere, & ferè coincidere cum octaua opinione,
mox referenda, quæ incrementum hoc exponit secundum nu-
meros seorsim 1. 3. 5. 7. 9. hac enim proximè ratione crefcunt fi-
nus verfi, ita vt AB. ad BC. fit vt 1. ad 3. & totus finus AC. ad
AB. vt 4. ad 1. &c. Quamquam si Geometricè loquamur finus
verfi sint inter se, vt subtenfarum quadrata. hoc est vt AB. ad BC.
ita quadratum subtenfæ AI. ad quadratum subtenfæ AH. & vt
Sinus AE ad Sinum AD. ita quadratum subtenfæ AF. ad quadra-
tum subtenfæ AG.

3. *Octaua* demum, eaque omnium veriffima opinio est, Grauium
naturaliter defcendentia per medium liquidum ipsis leuius, con-
tinuè accelerari æqualibus velocitatis incrementis, secundum
numeros pariter impares ab vnitatem: ita vt si in primo æqua-
lium temporum decurrant vnā decempedam in secundo
seorsim decurrant 3. in tertio 5. in quarto 7. in quinto 9. & ita
deinceps, vnde fit, vt spatia ab initio decursa, & composita
compositis temporibus respondentia, sint inter se in duplicata
ratione, seu vt Quadrata temporum. Duo enim prima spa-
tia 1. & 3. componunt spatium 4. qui est numerus quadratus
binarij, nempe secundi temporis, seu duorum temporum,
& tria spatia 1. 3. 5. efficiunt 9. qui est numerus quadratus ter-
tij temporis; & quatuor spatia 1. 3. 5. 7. componunt spatium
16. qui est quadratus numerus quarti temporis, & quinque
spatia

spatia seorsim decursa 1. 3. 5. 7. 9. si simul consentur efficiunt totum spatium 25. qui est numerus quadratus quinarij seu quinti temporis. Quod incrementum vniformiter difforme representatur eximie per Triangulum quodlibet Isosceles puta A B C. cuius latera AB. & AC. diuidantur in quinque partes æquales, & Basis B C. in quinque partes suas æquales; nam si per puncta diuisionum lateralium, agantur rectæ DE, FG, HI, KL. & ab iisdem ad puncta diuisionaria Basis agantur parallelæ rectæ DP. FM. HN. KO. inde autem EO. GN. IM. LP. nascentur hinc æqualia 25. parua Triangula Aequiangula toti Triangulo A B C. sed ita vt primum Triangulum A D E, representet quantitatem spatij primo tempore confecti; at secundum Triangulum A F G, representet spatium confectum in fine secundi temporis æqualis, quod spatium constat ex triangulo ADE, & tribus æqualibus DFQ. DOE. EQG. secundo seorsim tempore respondentibus; Tertium AHI. tertij temporis representat spatia 9. triangulorum æqualium confecta & ita deinceps.



9 Hanc sententiam & pulcherrimam proportionem primus ex proprijs experimentis elicit, & in lucem protulit Galilæus Dialogo 2. de Mundi Systemate pag. 119. Italicæ editionis, & Dialogo 3. de motu naturaliter accelerato Theoremate 2. eandemque approbarunt non solum eius alumni P. Bonauentura Caualerius, P. Benedictus Castellus, & Euangelista Torricellus promotor huius doctrinæ, sed alij plurimi, & in primis Petrus Gassendus in tribus Epistolis de Grauium acceleratione ad P. Petrum. Cazreum, quæ vt iam dixi, extant in 3. tomo Operum Gassendii à pag. 564. Et Epistola 2. de Motu impresso à motore translato, vbi asserit experimentis constare, si in primo tempore decurrant vnam orgiam, in fine secundi decursas esse 4. in fine tertij 9. in fine quarti 16. &c. eandemque proportionem seruari in numero vibrationum Penduli, quatenus chor-

B dæ,

de, quibus appendantur, sunt quoad longitudinem sicut quadrata temporum. Idem affirmant clarissimi viri D. Tennenurus, & D. Hobbeus apud Mersennium & Mersennius ipse ex pluribus suis experimentis, multis in locis: videlicet lib. 2. Harmoniæ Gallicæ prop. 11. & in Hydraulicis propos. 3. vbi similiter docet, aquam in tubo cylindrico inclusam ex inferno foramine exire, & in Mechanicis proposit. 23. vbi ait lapidem reuera cadere iuxta numeros impares 1. 3. 5. 7. Sibi que assentientem laudat D. Hobbeum, & in Ballisticis à proposit. 12. vsque ad 18. Propositione enim 12. ait: *Cumque proprijs observationibus insistam, constat experientia centies repetita, corpora graua, qualis est globus plumbeus, aureus, lapideus, ligneus, quibus experti sumus, hanc in sui casus velocitate proportionem obseruare, vt cum primo secundo primum interuallum percurrerit, sequente tempore secundo tria spatia percursurus sit, tertio tempore quinque, quarto tempore septem &c. quo fieri nequit nisi spatia fuerint in ratione temporum duplicata, seu quod idem est, vt quadrata temporum.* Addit sambuccinæ medullæ globum quinque secundis horarijs percurrisse 48. pedes Parisinos, quos ligneus globus pertransijt duobus secundis; & proposit. 15. confirmat grauium cadentium velocitatem in ratione duplicata temporum augeri ex pendulis circulariter motis, & adiungit graua perpendiculari motu 12. solummodo pedes spatio vnus secundi conficere loquitur de pedibus Parisinis, & proposit. 17. monito 1. ait Grauium per plana inclinata cadentium velocitatem esse in ratione duplicata temporum, perinde, ac quando perpendiculariter descendunt. At proposit. 18. de hac acceleratione loquens inquit: *Litet illam accelerationis rationem, de qua hactenus, reliquis rationibus veriore, & si non exactam, exacta tamen admodum vicinam existimem &c.* Denique in Reflectionibus Physicomathematicis capit. 9. refert experimentum penduli factum à se Romæ in Basilica S. Petri, cuius Tholi hemisphaerici altitudo est 300. pedum Parisinorum, appenso ad funem plumbo 5. librarum, eius enim vnica simplex vibratio absoluebatur tempore 10. secundorum; quia verò pluries obseruauerat penduli tripedalis altitudinis vibrationem vnicam simplicem absolui vnico Secundo horario, conclusit, vibrationes funependuli esse in ratione altitudinum subduplicata. Addit se ex eadem altitudine pedum 300. dimisisse globum plumbeum perpendiculariter, illumque cecidisse in pauimentum tempore Secundorum $5\frac{1}{2}$ cum iuxta rationem temporum duplicatam descen-

descendere debuisset secundis 5, præcisè, siquidem iuxta alias observationes globus plumbeus, vnico secundo descendit per 12. pedes. Pergit autem dicens: *Porro lapilluli, nuces, & istiusmodi corpora maius tempus insumpserunt in illo spatio decurrèdo, puta 7. aut 8. secunda: quæ testantur non semper eam seruari rationem in magnis, ac in paruis altitudinibus; sed oportebat exprimere pondus plurabei globi demissi, & causam tardioris motus referre ad minorem grauitatem, quæ tarditas magis apparet, quando ex maiori altitudine dimittuntur: Quoniam verò in his experimentis sensus ex sono, qui fit in tempore, & percussione pavimenti facta à graui cadente non semper exactissimè distinguit, an vibratio perpendiculi fuerit completa, ideo prudentissimè monet ratione corrigendum, quod deest sensui dicens. *Caveat igitur vltus mortalium, ne suis sensibus exactum se fuisse affectum credat, soloque propinquo contentus, quod semper & semper propinquius esse possit; principatum intellectui tribuat, cedantque materialia, seu corporea, spiritualibus seu intellectualibus: Et paulo post confirmat quàm iure dicatur sensuum errores ab intellectu emendandos; vel potius minores observationes ex maioribus sape, non tamen semper, dijudicandas. Sic Ptolemæus in suis Harmonicis pronunciat: *Sensus dat propinquum, Ratio autem exactum;* quæ si considerasset Fr. Stephanus de Angelis ob exigua quædam discrimina in nostris experimentis reperta, non ea reuocasset in dubium; quanquam in vtroque opusculo contra nos admittit tandem eam proportionem in lapsu Grauium, quàm à Galilæistis comprobantur norat. Esto igitur sequens Propositio**

I. PROPOSITIO.

Grauium Corporum naturaliter per Aërem descendentium Acceleratio talis ac tanta est, vt spatia temporibus aequalibus pertransita singillatim sint maiora, & maiora secundum incrementum numerorum pariter imparium ab vnitatem initorum, cuiusmodi sunt 1. 3. 5. 7. 9. 11. &c. spatia verò composita, & ab initio ad finem temporum aequalium pertransita, sint inter se vt sunt Quadrati temporum numeri; atque adeo sint in duplicata ratione temporum.

- 10 **N**on limitauimus Propositionem hanc, nec restrinximus ad Grauium determinatam molem, aut grauitatem specificam, vel indiuidualem, neque ad regionem certam super terram, neque ad aërem nostratensem, neque ad certam altitudinem terminari

à quo dimitti possint. Quia vidi eandem proportionem repertam in diuersis regionibus, nempe in Hetruria, à Galilæo, Romæ, & in Gallia à Mariennio & Gassendo, & Bononiæ à nobis, eamque in globis, aut lapillis diuersæ speciei & in globis eiusdem quidem speciei, sed in indiuiduo diuersi ponderis; esto nos sæpius vsi. si-
mus ad iteranda experimenta globo argillaceo ponderis vncia-
rum 8. sequendo enim iudicium Rationis, iuxta dicta sub finem
num. 9. agnoscendum est hanc proportionem seruari à natura,
in lapsu quoruncunque Grauium, vndecunque, & per qualem-
cunque aërem dimittantur, cum hoc tamen discrimine, vt pri-
mo secundo horario maius spatium pertranseant, quæ sunt gra-
uiora in specie simul, & in indiuiduo, cuiusmodi est globus
plumbeus æqualis in mole globo ligneo; & quæ minoris sunt
molis cæteris paribus ob faciliorem aëris subiecti submotio-
nem; & quæ per aërem, aut auram ætheriam puriorem leuio-
remque descendant, quàm quæ per aërem crassiores circa ter-
ram, vel in puteis profundioribus. Et ita video vniuersaliter hanc
proportionem assertam ab Auctoribus numero 9. productis. Po-
stremo sicut in alijs multis casibus experimenta in aliquibus lo-
cis facta eo nos adducunt, vt vbique valere illa censeamus quan-
diu ratio aliqua in contrarium & causa non per accidens assera-
tur, & ita dicimus: *Omne Graue deorsum tendere; item, omnem ignem,
esse combustiuum, item, omnia perpendiculara tendere directè versus
centrum Terræ; item omnem motum vel illuminationem per lineam
reflexam fieri seruata æqualitate inter angulos incidentiæ, & refle-
xionis.* Licet hæc nemo vbique locorum expertus sit. Idem ergo
& hic dicendum, quia nulla ratio ex causa per se adduci potest,
ob quam sensibiliter natura grauium ab ea proportionem rece-
dat, quam tot experimentis in tam diuersis locis compertam ha-
bemus. Quod si Graue esset ferreum, & dimitteretur supra fo-
dinam magneticam, variatio accelerationis esset ex causa per
accidens, de qua non est curandum. Quod autem Fr. Stephanns
de Angelis obijcit de Magneticæ acus diuersa in diuersis locis
declinatione, ac de diuersis vicissitudinibus Aëstus maritimi,
non est ad rem; tum quia nondum à viris cordatis probatum est
pronunciatum quoddam vniuersale de proportionem seruata in
declinatione Magnetica, Aëstusue marini; tum quia harum di-
uersitatum causa assignabilis est, videlicet diuersæ declinationis
Magneticæ, diuersitas tractuum Telluris in quibus lateant ma-
gnetici lapidis fodinæ, aut diuersa ferraamenta non procul sita;
Aëstus autem marini diuersæ Marium *currentes* vt vocant, &
impulsus

impulsus à fluminibus, & figura atque capacitas sinuum, littorum, fretorum, & ex subterraneis ignibus exaltatio, & alia huiusmodi, motum illum diuersificantia. Quòd si Tellus moueretur diurno, aut annuo motu (quamuis in hoc capite de hoc non agamus,) Grauiam motu in gyrum mouerentur velocius quidem in plano Aequatoris, quàm in Parallelis, sed non propterea apparentem descensum in eadem, perpendiculari alia proportionem absoluerent; cum pro hac stet possessio apud experimentorum Auctores; quandiu contrarium non euincatur: tanto magis, quod eadem proportio reperta est in descensu grauium per plana inclinata, in quibus maior difficultas poterat fingi.

- 11 Probatio itaque Propositionis nostræ fundatur non in auctoritate sola numero 9. adducta, sed in experimentis ibidem indicatis, & præcipue in euidencia Physica per nos ipsos plurimis experimentis acquisita. Pro quibus prima diligentia fuit in mensura temporum breuissimorum sensu distinguibilium: neque enim fidebamus aquæ ex clepsydra defluentis, & ponderatæ, ob viscositatem eius, neque arteriæ humanæ quantumvis sanæ pulsibus: idcirco cum iterum, ac sæpe per reuolutionem eiusdem fixæ stellæ ad eundem meridianum deprehendissim, perpendiculum illud vnica simplici vibratione vnus secundus horarij tempus exactè metiri, cuius sphaera aurichalcica cum catenula est proximè vnciarum nostrarum 24. altitudo autem à centro sphaeræ ad centrum circuli à vibrationibus descripti est Romanorum pedum antiquorum 3. vnciarum 2. & $\frac{67}{100}$ exactè inquam, licet exactissimè deprehenderim vibrationem vniam respondere Tertijs horarijs 59. & quartis 36. prout fusiùs narraui lib. 2. Almag. Noui cap. 20. vbi etiam tradidi modum, quo reperi propositione 13. perpendiculum illud vnica sui vibratione simplici metiri exactè decem Tertia horaria, seu sextam secundi partem, cuius sphaerula aurichalcica sit drachmarum 4. & altitudo à centro sphaerulæ ad centrum motus vnus vnciæ pedis Romani antiqui, & præterea $\frac{25}{100}$ cuius vibratione vnica per decadas numerandis diu multumque nos, & Socios nostros assuefecimus, prout narratum fuit lib. 9. Almag. Noui sectione 4. cap. 16. à num. 8. vbi etiam descripsimus Bononiensem Turrim Asinellam ad hæc experimenta peridoneam, quæ tota est alta pedes Romanos 312. sed à rostris superioribus ad patimentum inferiorum pedes 280. hæc enim frequentissimè vti sumus, licet vti simus non semel aliarum Turrium altitudinibus nempe

nempe Basilicæ S. Petri Bononiæ, quæ alta est pedes 208. & S. Petronij, quæ pedes 200. & S. Iacobi quæ pedes 189. & S. Francisci, quæ pedes 150. adhibendo quasdam fenestellas earum; & fenestras Collegij nostri, prout altitudo optata exigebat. Esto autem plures globos diuersæ materiæ, & ponderis dimiserimus ex diuersis altitudinibus, prout eodem cap. 16. retulimus; frequentius tamen vsi sumus globis argillaceis vnciarum 8. in pondere, quorum prægrandem cophinum ad iterandas obseruationes præparatum habuimus, & vt in pauca contrahantur, quæ capite illo 16. prolixius tradita sunt, prætermisiss alijs experimentorum seriebus vnicam quæ nobis frequentius, & euidentius satisfecit exhibebimus.

*Specimen experimentorum Globo argillaceo
vnciarum 8. factorum.*

Vibrationes simplices Perpendiculari altitudinis Vnciam $1\frac{15}{16}$	Tempora horaria mensurata à Vibrationibus.	Quadrati numeri Vibrationum.	Spatia trā sita in fine temporum à Globo argillaceo.	Spatia seorsim trā sita singulis temporibus æqualibus.	Proportio composita.	Accelerationis Simplex proportio
Vibr. Simp.	Sec. Ter.	Quadrata	Ped. Rom.	Ped. Rom.	in num.	ianum.
6	1 0	36	15	15	1	1
12	2 0	144	60	45	4	3
18	3 0	324	135	75	9	5
24	4 0	576	240	105	16	7
26	4 20	676	280	140		

11 Debit quidem Vibrationi 26. respondere spatium pedum fere 282. si quidem, vt sex vibrationum quadratum 36. ad quadratum 676. ita pedes 15. ad pedes 281. $\frac{34}{35}$ Sed spatium commodum in Turri Asinella non habuimus quod excederet pedes 280. à termino consueto & commodo dimissionis globorum. Quoniam verò spatia confecta in fine temporum æqualium sunt inter se, vt quadrata temporum facile inueniemus spatia singulis vibrationibus prædictis confecta, & ex his emendabimus obseruationes alias haud ita exactè exhibentes prædictam proportionem.

Quod

Quod autem Merfennius, ut narraui
 num. 9. obseruauit plumbeum glo-
 bum vnico secundo decurrisse pe-
 des Parisinos 12. idest Romanos
 $13\frac{1}{2}$ minimè miror, cum alio glo-
 bo vsus sit, & in mensura perpen-
 diculorum non fuerit constans, ut
 patet ex ipsius confessione in Re-
 flectionibus Physicomathematicis
 cap. 9. vbi incertum se ait, an pro
 vno secundo horario adhibendum
 sit perpendicularum altum pedes 3.
 an pedes $3\frac{1}{2}$ Magis mirandum est
 Galilæum, ut refertur dialogo 2. de
 Mundi Systemate pag. Italicæ edi-
 tionis 219. obseruasse globum fer-
 reum librarum 100. quinque se-
 cundis horarijs descendisse ad ter-
 ram absoluedo cubitos centum:
 vna enim, seu cubitus Florentinus
 ex dictis lib. 2. Geographiæ Reformatæ,
 continet Pedem Romanum
 antiquum semel, & insuper pedis
 illius vncias 11. $\frac{20}{32}$ ergo cubiti 100.
 pedes 193 $\frac{1}{3}$. At nobis globus va-
 ciarum tantummodo 8. absoluit
 tempore secundorum 4. pedes
 240. sed cessabit admiratio si ad-
 uertatur ipsum tempora hæc mi-
 nora mensurasse lapsu aquæ pon-
 deratæ, quæ ob sui viscositatem
 haud ita accuratè potest tempora
 metiri, sicut vibrationes perpendi-
 culi nostri, quo si vsus esset vidisset
 illum descensum absolui citius
 quàm 4. secundis horarijs, conse-
 quenter tamen vtendo sua tem-
 poris mensura proportionē eandē,
 quā nos, postea reperit. Magnitudo
 quoq; globi ferrei, potuit maioris
 aeris resistentia non nihil retardari.

Vibr. Simp	Temp. 11 111	Quadrata Vibratio- num.	Spacia Pedes va- ciæ.
1	0 10	1	0 5
2	0 20	4	1 8
3	0 30	9	3 9
4	0 40	16	6 8
5	0 50	25	10 5
6	1 0	36	15 9
7	1 10	49	20 5
8	1 20	64	26 8
9	1 30	81	33 9
10	1 40	100	41 8
11	1 50	121	50 5
12	2 0	144	60 0
13	2 10	169	66 8
14	2 20	196	81 8
15	2 30	225	93 9
16	2 40	256	106 8
17	2 50	289	120 5
18	3 0	324	135 0
19	3 10	361	150 5
20	3 20	400	166 8
21	3 30	441	183 9
22	3 40	484	201 8
23	3 50	529	220 5
24	4 0	576	240 0
25	4 10	625	260 5
26	4 20	676	281 8
27	4 30	729	303 9
28	4 40	784	326 8
29	4 50	841	350 5
30	5 0	900	375 0
60	10 0	3600	1500
120	20 0	14400	6000
180	30 0	32400	13500
240	40 0	57600	24000
300	50 0	90000	37500
360	60 0	129600	54000

II. PROPOSITIO

Ploblematica.

Dato spatio pertransito in dato tempore à dato Grani, inuenire tempus, quo idem Grane per eiusdem leuitatis medium pertransiret alterum datum spatium, vel inuenire spatium; quod pertransiret altero dato tempore.

- 13 **C**um iam satis constet spatia pertransita à Graui naturaliter descendente, esse inter se vt quadrata temporum ex 1. Propositione: si fiat vt spatium datum, & pertransitum ad spatium pertranseundum, ita quadratum temporis dati ad aliud, prodibit in Quoriente quadratus numerus, cuius radix Quadrata dabit tempus quæsitum. Vicissim si fiat vt temporis dati Quadratum ad alterius temporis quadratum, ita spatium pertransitum ad aliud; prodibit spatium in dato tempore pertransibile; dummodo vt dixi medium puta Aër, sit vtrobique eiusdem leuitatis. Exemplis præceptum declarabitur: Noster Globus argillaceus vnciarum 8. ex præcedenti Tabella in Aëre nostrate pertransiret pedes 54000. hoc est passus 10800 tempore 60. secundorum, quæritur quanto tempore pertransiret Semidiametrum Terræ per aërem putei eo vique effossi, idest passus Romanos 4673493 $\frac{5}{8}$ iuxta dicta in Geographia Reformata ad finem libri sexti. Fiat igitur vt passus 10800. ad passus 4673494. ita Minuti 1. Quadratum 1. ad aliud, & prodibit numerus quadratus 433. cuius Radix proxima est 20. $\frac{1}{2}$. igitur talis globus descenderet per medium dictum ad centrum Terræ Minutis horarijs 20. $\frac{1}{2}$. quam proximè.

At si quæras quantum spatium prædictus globus, pertransisset hora 1. idest minutis 60. si quidem minuto 1. pertransisset passus 10800. fac vt quadratum minuti 1. ad Quadratum Minutorum 60. quod est 3600. ita passus 10800. ad aliud, & prodibunt passus 38880000. vni horæ debiti.

Globus Argillaceus Vnicarum 8. si Aer vel Aura Aetherea essent eiusdem lenitatis, cuius noster Aer circa Terram, & Mediocris distantia Lunæ, Solis, ac Saturni esset, quanta determinata fuit in Astronomia Reformata; suo descensu absolueret distantiam Luna à Terra Horis 2. & Minutis 22 $\frac{1}{2}$. Solis autem horis 31. & minut. 7 $\frac{1}{2}$. Saturni denique horis 91. & minut. 5 $\frac{1}{2}$.

14 **I**Am in exemplo numeri 13. repertum est talem Globum pertransiturum vnam Telluris semidiametrum Minutis proximè 20 $\frac{1}{2}$. seu illis quorum Radix quadrata est 433. In Astronomia autem Reformata determinauimus mediocrem Lunæ distantiam à Terra Semidiametrorum terrestrium 61 $\frac{1}{2}$. Solis autè 7300. & demum Saturni 69500. proximè. Primò igitur per Regulam n. 13. traditam vt 1. Semidiameter Terræ ad Lunarè à centro Terræ distantiam semid. 61 $\frac{1}{2}$. ita quadratum 433. ad quadratum 26486. cuius Radix proxima dat minuta horaria 163. idest horas 2. & minuta 43. quibus si demas minut. 20 $\frac{1}{2}$. debita descensui à superficie Telluris ad centrū, restant horæ 2. minut. 22 $\frac{1}{2}$. pro descensu à Lunæ media in copulis distātia vsq; ad superficiē Terræ. *Secundò* vt 1. ad 7300. ita 433. ad 3160900. cuius Radix quadrata proximè 1778. minorum, seu horarum 29. minut. 38. ergo prædictus globus perueniret ad centrum Terræ die 1. hor. 5. min. 38. ad superficiem autem die 1. hor. 5. m. 7 $\frac{1}{2}$. *Tertiò* vt 1. ad 69500. ita 433. ad 300. 93500. cuius quadrata Radix proxima est minut. 5486. hoc est horarum 91. minut. 26. Ergo Globus prædictus mediocrem Saturni distantiam à centro Terræ absolueret diebus 3. horis 19. & minut. 26. à superficie autè diebus 3. hor. 19. m. 5 $\frac{1}{2}$. quæ placet in sequenti laterculo subijcere oculis.

Globus argillaceus vnicarum 8. à media distantia	Tempus Dies H. M.	Interualla transitus.
Superficie Terræ ad eius centrū	0. 0. 20 $\frac{1}{2}$.	Pass. Rom. 4673494.
Lunæ in Copulis ad centrū terræ	0. 2. 43.	Semid. Terræ. 61 $\frac{1}{2}$.
ad superficiem	0. 2. 22 $\frac{1}{2}$.	Semid. Terræ. 60 $\frac{1}{2}$.
Solis ad centrum Terræ	1. 5. 38.	Semid. Terræ. 7300.
ad superficiem Terræ	1. 5. 7 $\frac{1}{2}$.	Semid. Terræ. 7299.
Saturni ad centrum Terræ	3. 19. 26.	Semid. Terræ. 69500.
ad superficiem Terræ.	3. 19. 5 $\frac{1}{2}$.	Semid. Terræ. 69499.

C

Quid

Quid autem dicendum sit de Grauibus per aquam descendantibus patet ex dict. lib. 9. Almag. Nou. sect. 8. c. 16. à n. 15. ad 19. & n. 24.

IV. PROPOSITIO.

Causa verior accelerationis Grauium naturaliter per medium leuius descendantium, est nouus, ac nouus impetus continuè ab eorum grauitate productus, & præcedenti superadditus.

15 **S**upponimus hoc loco ex dictis à Nobis in Physicis, potentiam localiter motiuam, ita esse adductiuam mobilis de loco ad locum, vt sit productiua impetus illius, à quo immediatè mobile transfertur de loco ad locum, siue illa potentia sit grauitas in grauibus sine leuitas in leuibus. siue anima mediantibus organis, & spiritibus animalibus in animantibus. Nam de reali productione impetus licet inuisibilis, nimis multa indicia, & argumenta habemus; Certè cum deorsum per montis decliue currimus, tantum aliquando impetum, vel inuiti experimur, vt illum cohibere, & cursum inhibere, vt vellemus, non possimus: & felles, vt maiore excursione maiorem impetum lucrentur ad saltum altiore, quo auiculas, in arboribus residentes capient, longiore intervallo præcurrunt, antequam assultu sursum se agant: nos ipsi vt fossas, aut riuulos securiore saltu transiliamus, longiore processu impetum maiorem concitamus: Et funditores pluribus gyris, ac reuolutionibus concitatis impetum maiorem fundæ ac lapidi imprimunt, vt lapidem longius, ac validiore ictu eiacularentur, & alijs innumerabilibus experimentis certi sumus de impetu prærequisito ad motum localem, qui medium, quid est inter potentiam ipsam motiuam, & effectum motus localis: non est autem impetus substantia quædam, sed accidens, quod nequit ad aliud prædicamentum referri, quàm ad Qualitatem, & proinde rectè definitur. Qualitas translatiua de loco ad locum, seu de spatio ad spatium. Estio Gallendus tom. 3. pag. 499. impetum cum motu confundat.

His suppositis, dico veriolem causam Accelerationis Grauium, non vi, sed naturaliter descendantium per medium ipsis leuius, esse, nouos gradus impetus à Grauitate ipsorum productos subiinde, & præcedentibus continuè supperadditos per hanc enim intentionem impetus omnia experimenta huiusmodi descensus, naturalius saluantur, quod non fit per causas, ab aliquibus confictas. Nam si grauitas productum semel impetum conseruaret absque noui impetus productione, non acceleraretur motus, quod

quod est contra experimenta, & grauius longius posita nimis tarde per vniformem motum peruenirent ad locum sibi debitum, in quo conseruantur. Vt igitur celerius eò peruenirent, congruum fuit, vt in quouis instanti, in quo sunt extra suum locum, nouum impetum præcedenti perseveranti adderent, ideoque semper celerius, ac celerius properarent ad suum locum. quanto autem maior sit impetus in fine temporis dati productus, in impetu iam producto in fine dimidij prioris temporis ex ipso experimento habemus neque enim proportionem huius accelerationis debemus ex nostro placito, & idea determinare, sed ex effectibus naturæ, & indicijs ab ea proditis, ex quibus iam nobis constat si in primo tempore, impetus exprimat per vnitatem gradus, in secundo tempore duos tales gradus produci, qui proinde vincti pristino sint tres ideoque apti ad velocitatem triplo maiorem, seu ad spatium secundo tempore æquali seorsim sumpto triplo maius percurrendum. Tertio autem tempore duos item gradus nouos impetus produci, qui vincti tribus præcedentibus efficiant gradus quinque ideoque tertio seorsim tempore percurri spatium quintuplo maius primo, & ita deinceps duos semper novos gradus in quouis æqualium temporum gigni, qui præcedentibus additi tanto maius spatium absoluant, quanto plures fuerint gradus impetus respectu primi. Hinc porrò sequitur, vt subdiuidendo ipsum primum tempus in duas partes æquales, Graue in secundo dimidio temporis triplo plures partes vnus gradus habuerit, quam in priori medietate temporis. Atque hinc pariter colligitur rectè Galilæum motum hunc æquabiliter, seu continuè, ac vniformiter acceleratum definuisse, cum dixit esse illum: *Qui à quiete recedens temporibus æqualibus, æqualia celeritatis momenta, seu augmenta acquirit*: potius quàm cum, *Qui æqualibus spatijs, æqualia celeritatis argumenta acquirit*. Vt contra P. Cazeum pluribus edisserit. Gassendus Epist. 1. in 3. Tomo Operum ipsius à pag. 565. qui etiam optimè explicat ordinem graduum velocitatis huius sicut & Merfennius in Ballisticis proponit. 17. & in Reflectionibus Physicomathematicis cap. 16. præter ea, quæ nos attulimus lib. 9. Almagesti Noui sect. 4. cap. 18. Assignando itaque pro causâ huius accelerationis prædictum impetus augmentum à gravitate intrinseca factum satisficere experimentis, & nihil non consonum naturæ affertur, imo tale est, vt nihil connaturalius afferti possit, vt ab exclusione causarum, quas alij confinxerunt, magis patebit.

¶ *Primo enim si dicas cum Alexandro apud Simplicium 1. de Cælo*

Cælo tex. 88. comm. 86. grauia accelerari; quia minus, & minus alterantur à qualitibus contrarijs, quo propius accedunt ad suum locum; hoc certè non militat in globo ferreo, aut vitreo, aut osseo dimisso per aërem à quo non magis alterantur in principio descensus, quàm sub finem. Deinde tunc magis fugere deberent concitatore motu, quando plus alterarentur à suis contrarijs.

Secundò si cum Iamblico & Sirennio eodem textu 88. dicas ideo accelerari, quia minor & minor est resistentia medij summouendi vt pote minus, ac minus profundioris, seu minorem, ac minorem distantiam à terra, contra est quia possunt duo Grauia eiusdem speciei, ponderis, & figuræ æqualem aëris profunditatem seu distantiam à terra pertransire inæquali celeritate, si exempli gratia, globus vnus dimittatur ex distantia pedum 15. eo instanti quo alter globus dimissus antea ex distantia pedum 240. peruenit ad distantiam à terra pedum 15. hic enim longè citius ad terram perueniet, quàm dimissus ex pedibus 15. vtiq; non alia de causa, quàm ob conceptum maiorem impetum. Et noster quidem globus argillaceus vnciarum 8. ex altitudine aëris pedum 15. eos pertransiuit vnico præcisè secundo horario, & alter illi omnino æqualis dimissus ex altitudine pedum 240. primis tribus secundis pertransiuit pedes 135. & ultimo, seu quarto secundo reliquos pedes 105. ergo pedes 15. vltimos septuplo minori tempore, videlicet octo circiter tertijs horarijs. Præterea idem globus aut æqualis pertransit æquali tempore totidem pedes, siue infra illos sit maior, siue minor distantia à terra, ita vt globus argillaceus vnciarum 8. siue dimittatur ex altitudine 240. siue ex altitudine pedum 105. primos pedes 15. vtroque in casu absoluat vnico secundo horario, etiam si in priori superfit superanda profunditas pedum 240. in posteriori autem 105.

Tertiò si cum Contareno lib. 1. de Elementis, & Burlæo 8. Physicorum textu 76. asseras causam accelerationis esse aërem à tergo accurrentem ad implendum vacuum, & sic postica parte vrgentem deorsum graue, præsertim interueniente ex motu rarefactione aëris; in contrarium est, quod prius est moueri deorsum graue, quàm aërem accurrere ad vacuum implendum, & reddenda superest ratio, ob quam aër non accurrat, nec vrgeat vniformi motu, sed celeriore, acceleriore; neque apparet solida ratio, ob quam
rare-

rarefieri potius debeat aër superior graui quàm inferior, qui sub-
mouetur, & potius arriteritur à graui, ideoque hic potius de-
beret rarefieri, & rarefactus, quoquouerſum occupare maio-
rem locum, ac ſurſum dilatatus retardare deſcenſum grauis.
Deinde ſacula accenſa, vel lignum ſumigans deſcendit ere-
cta adhuc flamma, vel fumo, ergo non premitur ab aëre ſuper-
nè.

Quarto ſi cum Durando in 2. diſt. 14. q. 1. recurras ad aërem eo craſ-
ſiorem, quò propior eſt Terræ, ideoque minus leuitantem ſur-
ſum, & ſic minus reſiſtentem deſcenſui globi grauioris deor-
ſum, contra eſt, quia aër non leuitat ſurſum actu & craſſior aër
ob maiorem denſitatem, & grauitatem deberet potius retarda-
re motum deſcendentis per eum, ſicut aqua retardat deſcen-
ſum illius grauis, quod in aëre ciſius deſcendebat. Poſtre-
mò contra rationem hanc militat caſus contra ſecundam
opinionem adductus, de duobus grauibz æqualibus dimiſſis,
vno in illo inſtanti in quo alter dimiſſis ex maiori altitudine
peruenit ad eandem diſtantiã, ex qua poſterior dimitti-
tur.

Quinto ſi cum Zabarella lib. 1. de motu grauium, & leuium cap. 6.
Pererio lib. 4. Phyſic. cap. 13. & Dandino lib. 2. de anima digreſ-
ſione de hoc motu, dixeris, cauſam accelerationis eſſe aërem,
non à tergo accurrentem (eſto is adiuuet) ſed anteriorem
iam motum, & diſſipatum verſus eam partem, verſus quam
cœpit moueri graue deorſum, vel leue ſurſum, velocius
enim moueri mobile per aërem iam motum, ſicut mouetur
velocius nauis in flumine deorſum, quàm in ſtagno; in-
oppositum eſt, quia aër anterior antecedenter ad motum
grauium, aut leuium non eſt per ſe in motu deorſum aut
ſurſum, ſicut aqua fluminis antecedenter ad motum nauis
deſcendit deorſum, ſed è contrario, ideo mouetur deorſum
quia à grauiori corpore deorſum pellitur, & eius diſſipa-
tio celerior præſupponit accelerationem Grauis deorſum
trudentis aërem; poſtremò ventus tranſuerſè aërem diſ-
ſipans non variat motum corporis valdè grauis deor-
ſum.

ſexto ſi cum Themiſtio 8. Phyſic. textu 76. Keplero in introdu-
ctione ad Commentarios Martii, Petro Gaſſendo Episto-
la ad Petrum Puteanum de motu impreſſo à Motore transla-
to à numer. 12. & Episto-
la 3. ad P. Cazreum à numer. 11.
ſiſtentes accelerari Grauia non ab intrinſeca grauitate,
cuius

cuius existentia nondum demonstrata est, sed quia alliciuntur ac trahuntur eo fortius & celerius à tota terra, quæ est magnus Magnes, quo illi propiora sunt corpora terrestria, attrahuntur in quam, siue qualitate tractiua per medium diffusa, siue atomis, & corpusculis quoquoersum tanquam hamulis, & catenulis per radios eo magis diuergentes, at minus vnitos, quo plus distant à Terra, ita vt tandem detur tanta distantia, ex qua nequeant attrahere: Inter corpora autem terrestria numerat Gassendus non solum lapides, glebas, ligna, metalla, sed etiam aquam, quæ est velut sanguis terræ, & vapores ipsos, niues grandinem &c. Si hoc in quam affirmes stat contra te illud experimentum, de quo dixi contra secundam opinionem globus enim argillaceus distans à Terra 15. pedes, & inde dimissus deberet æquè cito attrahi à Tellure ac alter globus argillaceus eiusdem molis quando post dimissionem ex maiori altitudine peruenit ad distantiam pedum 15. in eo enim tractu æqualiter diffusa esset vis magnetica. Certè non potest reddi solida ratio, ob quam Tellus non attrahat ad fundum aquæ subereos, vel ligneos globos illos, qui aquæ supernatant, cum sint, vt ita dicam terrestrioris naturæ, quàm ipsa aqua, nec huiusmodi Auctores agnoscant in corporibus hisce grauitatem, aut leuitatem, sed meram inclinationem ad vñionem sui cum suis totis aut vim passiuam, qua putant attrahi à suis totis; quare ergo, Terra non attrahit ligna omnia, suberes, paleas, folia, bractæas metallicas, & cœtera huiusmodi quæ insiduat in liquoribus! Postremò quando manu sustinemus aliquod ponderosum, puta globum ferreum 10. librarum & tellus non attrahit nostram manum deorsum, ac proinde nec globum, non deberemus sentire illius pondus, nec conatum attractionis, sicut non sentimus manum extensam attrahi; at pondus sentimus, ergo manifesta est nobis, qualitas ista quam communiter nominemus grauitatem, qua posita, frustra est ad abstrusas causas huius motus confugere.

Septimò itaque, & melius ad incrementum impetus à Grauitate producti, & nouos eius gradus pristinis superadditos refertur acceleratio Grauium, idque pro causa eius agnoscunt plures Peripatetici cum Aristotele 1. de Cœlo textu 88. S. Thomas & Albertus de Saxonia, quos cum alijs adducunt, & sequuntur Bonamicius lib. de motu cap. 37. Conimbricenses 2. de Cœlo cap. 6. q. 1. Cabæus 1. Meteoror. tex. 17. q. 3. Claramontius lib. 12. de Vniuerso cap. 30. Balianus lib. 4. de motu Grauium, esto quem communiter vocamus impetum, aliqui vocent grauitationem, vel

vel additionem gravitatis, quia æquivaleret gravitati auctæ, nec omnes illam proportionem agnoscant, quam nos in acceleratione hac.

C A P V T T E R T I V M.

De vi Percussionis eo validiore, quo Gravia ex maiori altitudine descendunt eiusque veris causis mensuris, ac proportionibus in Hypothesi Terræ immobilis.

LVce Meridiana clarius est, Gravia corpora per medium levis ulus dimissa, eo validiore ictu subiectum corpus percutere, quo altior est locus, unde dimissa sunt, seu quo diutius pergunt moveri deorsum. Nomine autem percussionis adæquatè summatæ cum omnibus eius effectibus intelligimus sonum, percussionem corporis liquidi, aut mollioris, fractionem, flexionem, concussionem, impulsu deorsum, depressionem hinc inde, eleuationem ponderis, aut (si nec perfodi, nec frangi nec flecti, nec impelli, aut de primi possit subiectum corpus) reflexum resiliu Gravis ipsius, ex repercussione passivè recepta à corpore percusso, & quantitatem lineæ reflectionis, ac durationem motus reflexi. Quod valde notandum est, quia nonnulli quantitatem percussionis ex vno tantum alterove effectu metiuntur, nec luertunt, quando impetus totus non potest à percutiente imprimi cum motu corpori percusso directè, ut pote duritiæ suæ resistenti, tunc magnam partem reimprimi corpori percutienti, et hoc repercussum resilit per lineam reflexionis tanto longior, quanto minus de impetu priore receptum fuit, & retentum corpore percusso, atque ita diffundi per aliam viam. Hinc fit ut et ex obliquiore incidentia percutientis supra percussu corporis sequatur cæteris paribus minor sonus, minor aut nulla fractione, percussio, flexio, impulsio deorsum, & eleuatio ponderis, idcirco non sit argumentum minoris impetus quo corpus percussoris veloci motu incidit in percussu, si reflexa via resiliat deorsum, & quos effectus non potuit directa linea causare in corpore percusso, alios æquivalentes causet per lineam reflectionis. Hæc videlicet causa est, ut quando lapillos planos quasi horizontali ictu projicimus supra superficiem aquæ stagnantis, et leniter fluentis; illi aquam directè non perfodiant, sed resiliunt, & iterum (gravitate cum impetu ab extrinseco impresso

luctantur.

luctante) deorsum oblique recidentes, iterum tamen altero resultu attollantur, & ita alternatim, donec vincente gravitate, & extincto impetu à manu nostra impresso, deorsum rectà tendant ad fundum aquæ. Simile, & insigne experimentum est, quod ex D. Petro Petito refert Merfennius in *Phænomenis Ballisticis* Propos. 25. his verbis: *Culverina (Ital. Colubrina) ferrea pedes decem longa, cuius globus diametrum habuit fere quatuor digitorum, horizontaliter directus, & novem hexapedis superficiei maris superextans, tria duntaxat secunda insumpsit in suo iactu horizontali; post quem quinquies reflexa super Oceanum, quatuor alia secunda consumpsit.* Nemo autem prudens æstimator dixerit in his casibus minorem fuisse impetum impressum, quàm si perpendiculariter proiectus fuisset lapis aut globus bombardicus in aquam, ex eo quod illam oblique proiectus, non perfoderit directè: si quidem magna pars impetus duravit, & per alias aliasque lineas reflexas suum effectum propagavit. Hinc demum (quod pro infra dicendis prænotatum hic volumus) est ut in eleuandis ponderibus in vna lancium positis, à globo perpendiculariter in lancis alterius meditullium dimisso, maior excessus altitudinum requiratur, quando altitudines tantæ sunt, ut globus sensibili resultu resiliat; quia scilicet plus impetus deperditur, & per viam reflexam, reueniendo globum, minore sui parte deprimit lancem, ideoque maior altitudo requiritur, ut pars illa impetus, quæ non seruit reflexo motui, sit sufficiens ad deprimentam lancem, & eleuandum pondus alterius lancis. Idcirco non seruetur semper eadem proportio in paruis, & in magnis altitudinibus, quod miratus est Merfennius in *Reflectionibus Physicomathematicis* cap. 8. ubi obscurioribus verbis indicauit hanc causam. Nam cum narrasset æneum globum vncialem, cuius diameter vix erat vnius digiti, ex altitudine vnius talis diametri cadendo in centrum bilancis, eleuasse in altera lancium vncias 8. & ex quatuor diametrorum altitudine eleuasse vncias 16. indeque concludisset. *Adeo ut altitudines, ex quibus cadit globus esse debeant in ratione duplicata iæctuum seu percussionum;* pergit tamen & narrat, non potuisse globum illum ex sexdecupla sui diametro cadentem, quadruplum primi ponderis tollere, hoc est vncias 32. nec ex 25. sui diametris quintuplum idest vncias 40. attollere, imo nec 32. An igitur, inquit Merfennius, *falsum est maiorem effectum à potentiori causa, & maiorem iæctum à maiori altitudine produci?* Sed postea quædam minus mihi satisfaciencia subiungit. *Non igitur sufficit virtus ex parte cause, sed corpus, in quo producendus est effectus illius virtutis certo,*

certo, & à natura determinato tempore capax esse debet, iuxta vulgatum axioma: quidquid ab agente excipitur per modum recipientis recipitur. Itaque lanx non potuit tantam in se cadentis globi à 25. diametris velocitatem excipere; hoc est istus velocitatem sequi; ea-que propter globus resilijs, eoque magis resiliet, quo cadet altius, quod lanx sit minus tanta velocitati obeditura. Clarius id explicasset, si dixisset eo plus de impetu per lineam reflexam sursum impendi, ideoque minus deorsum lancem deprimi, quo ex altiore loco cadit globus. Est igitur sequens propositio.

V. P R O P O S I T I O

Gravium corporum naturaliter per medium levius perpendiculariter descendentium supra corpus ipsis subsistens, tantò validior est percussio ceteris paribus, quanto ex altiore loco dimissa fuerint, adeoque quantò velocior fuerit eorum descensus.

18 **D**ixi cœteris paribus, quia in altitudine æquali, vnde cadant corpora gravia, potest diversificari percussio eiusque aliquis effectus, si diversa fuerit gravitas cadentis specifica, vel individualis cuiusque figura, aut levitas medij, aut corporis percutiendi figura, moles, durities, ac resistentia, densitas, immobilitas, aut inæqualis fuga &c. Veritas porò huius propositionis patet experientis, quæ obvia sunt, & mechanicis omnibus comperta ex effectibus num. 17. indicatis: ita vt loco Axiomatis, aut certissimæ suppositionis habeatur ab Auctoribus, qui de vi percussione tractarunt, & quia ex dictis pro I. Propositione, Gravia accelerantur magis magisque quo ex altiore loco dimittuntur, ideo percussio maior, cœteris paribus est argumentum maioris velocitatis, quia Graue descendit ante illud instans, in quo subiectum corpus suo contractu percussit. Sic Galilæus in Dialogis de Motu Italicè editis Leidæ anno 1638. pag. 160. dixit. *Et perche l'effetto della percossa si regola dalla velocità del medesimo percutiente*, chi vorrà dubitare &c. Et pagin. 164. *Essendo il percutiente il medesimo non può determinarsi la differenza, e momento delle percosse, se non dalla differenza della velocità*. Et P. Marinus Mercennius in Phænomenis Mechanicis proposit. 25. *Cum autem certum sit, & in eo conveniant omnes, eò percussione esse maiorem quo motus est velocior, eo instanti quo fit percussio; & paucis inter-Actis. Percussione generalem, sine sursum, sine deorsum,*
D sine

siue lateraliter fiat considero, quam suppono æqualem dummodo fiat æquali velocitate, idque eodem, vel equali percutiente, & in idem, vel æquale passum eodem modo dispositum; Idipsum inculcat Io: Alphonsus Borellus lib. de Vi percussionis propos. 26. dicens: Si duo corpora inter se æqualia perpendiculariter incidant super alterius corporis omnino stabilis superficiem, fuerintque hæc corpora dura, & inflexibilia, vires percussionum proportionales erunt velocitatibus eorundem incidentium corporum. Audiamus, & Petrum Gassendum in Epistolis de Proportione, qua grauius decidentia accelerantur: in prima enim num. 18. approbat hanc P. Cazrei assertionem: Indubitatum est, quod ipsemet Galilæus passim agnoscit, tantam præcisè percutientis corporis esse velocitatem, quantus impetus, quantaque ipsa percussio fuerit. Loquitur de impetu, qui præuio motu imprimitur corpori percusso, subiungit quippe: Impetus enim omnis, & percussio ex velocitate est, imò impetus ipse velocitas est, nulloque hæc ab inuicem discrimine dirimuntur, ut merito proinde qua ratione accrescit velocitas, eadem impetus, & percussio augeantur: Sed dies me, & charta deficeret, si huc vellem plurimorum aliorum autoritates congerere, qui pro exploratissimo habent, percussionis validitatem sequi semper ex motu velociore, ita ut ex percussionis gradibus nunquam pauciores, sed aut pares aut plures gradus velocitatis præsupponendi sint; Intelligendi autem sunt cæteris paribus, ut expressè Mersennius, & alij interpretatiuè; si enim inuariato impetu, & velocitate varietur percussio; aliunde aliqua dispar causa, vel conditio variatam illam efficit.

*Idem Graue supra idem corpus perpendiculariter descendens si
 aquabili velocitate, & vniformi motu descenderet, &
 cetera omnia essent paria, nibilo validius percuter-
 et corpus ipsi subiectum si ex magna,
 quàm si ex parua altitudine
 descenderet.*

19 **S**equitur hæc propositio ex Propositione 5. nam, si cæteris paribus validior percussio maiorem velocitatem prærequirit, vtique ex velocitate æquali, & vniformi non potest sequi validior, percussio, sed æqualis tantum, & ratio est quia percussio est effectus ipsius impetus, aut igitur graue descendit cum incremento noui, & noui impetus, & hinc prius ac per se sequitur maior velocitas, aut sine incremento impetus, sed eodem semper impetu pergit moueri. quo ab initio cœpit descendere, nec aliunde dispar causa, vel conditio variat vim percutiendi, & ita sicut non mouetur velocius, ita nec potest percutere validius: velocitas enim est intrinseca, & per se propria passio impetus; percussio autem per accidens se habet, & ab extrinseca positione corporis subiecti tanquam materia, supra quam, pender; quare si ob impetus solam identitatem, & vniformitatem non causatur velocitas maior, multo minus effici potest validior percussio. Confirmari potest experimento si globus ferreus funiculo appensus ita dimittatur modò ex parua, modò ex magna altitudine, sed tali moderamine, vt in vtroque descensu semper vniformiter labatur, & æqualibus temporibus perpendiculo numeratis, æqualia spatia pertranseat: nibilo enim profundius eodem tempore aquam perfodiet, aut nibilo plus ponderis eleuabit ex altiore loco, quàm ex humiliore dimissus; Idcirco licet contrapondus maius horologij descendat continuè non tamen efficit maiorem sonum, aut longiorem horam vltimam quàm primam, quia vi dentatarum rotularum &c. detinetur in vniformi descensu.

20 Occasione V. & VI. Propositionis aduerti volumus quanta vel obliuione vel dissimulatione D. Io. Alphonfus Borellus in secunda parte Responsionis ad Illustriss. & Doctiss. D. Michaelem Angelum Riccium, edita Messinæ 29. Februarij anno 1668. silentio suppresserit limitatiuam clausulam illam: *cæteris paribus, vel si cetera omnia sint paria*, quam expresse adhibuimus in.

Astronomia Reformata pagina 85. columna 1. tum in Propositione III. tum in eius declaratione num. 17. eandemque clausulam expresse usurpauit D. Michael Manfredus in confirmatione mei Argumenti edita Bononiæ 10. Ianuarij 1668. pag. 74. num. 48. Nostra enim assertio, de qua in propositionibus prædictis, & alijs locuti sumus est, *Percussionem maiorem nunquam fieri, si cætera sint paria nisi præcedat maioris impetus incrementum atque adeo velocior motus cæteris paribus, indicium euidens physice est maioris velocitatis præcedentis*. Quis enim tam hebes est, vt non agnoscat, posse absque incremento impetus, & velocitatis, diuersificari percussionem, si cætera sint disparia, & aliunde proueniat illa disparitas? Vel pueri sciunt pari impetu posse profundius perforari lutum aut butyrum, quam lignum, aut plumbum; vt omittam alias disparitates causarum, vel conditionum, ob quas fieri potest diuersa percussio. At D. Borellus non dubitauit pag. 25. dictæ Responsionis de meo Argumento hæc verba proferre: *Che non solo all'argomento del P. Riccioli non conuenga il nome di dimostrazione, & euidenza fisicomatematica, ma che era assolutamente paralogismo, assumendo per vera vna propositione, la quale io hò dimostrato esser falsa, & è che la validità, o energia della percossa d'un corpo graue debba sempre mai misurarsi dal grado dell' impeto reale, e fisico col quale il detto graue viene ad incontrare il corpo che riceue la percossa, e questo l'asserma il detto Padre vniuersalmente senza niuna eccezione, come si vede nel suo Almagesto nuouo, nella sua Astronomia Riformata, & in questa risposta del Manfredi*. Et similes oppositiones factas ait pagin. 111. operis de vi percussionis. Deinde affert varios casus, in quibus accidere possunt multæ varietates, à quibus poterat abstinere, quia iam transfertur status quæstionis à casu in quo cætera paria supponuntur, ad casus in quibus cætera aliqua disparia sunt. Falsum est autem nos *sempre mai, & vniuersalmente senza niuna eccezione* dixisse validitatem percussionis mensurandam esse ab impetu reali, & physico corporis grauis incidentis in corpus aliud percussum: Id enim diximus cum limitatione expressa, & exceptiua illa clausula: *cæteris paribus* cui æquiualeat illa non semel adhibita pag. 410. Tomi 2. Almagesti Noui videlicet; *sublatis impedimentis*. Nec solum Auctores supra adducti pro V. Propositione, sed ipsemet Borellus dixit: *Vires percussionum proportionales esse velocitatibus eorundem incidentium corporum, si nimirum corpora sint æqualia &c.* Iam verò in controuersia nostra


nostra de argumento contra Systema Copernicanum ostendimus, & ostendemus cætera omnia esse physicè paria, siue ex parua, siue ex magna altitudine dimittatur idem graue; modò altitudo non excedat pedes Romanos 240. in hypothefi Copernicana; accelerationem scilicet esse physicè insensibilem; diuersitatem Inclinationis, & Incidentiæ item physicè nullam; aut contemptibilem; fugam quoque pauimenti percussu Orientem versus insensibiliter diuersam esse in pauimento distante à Turris vertice pedes 15. & in pauimento inde distante pedes 60. aut etiam 240. Quare cum omnia hæc in descensu utroque sint physicè paria, nec alia causa sufficiens ac probabilis tam diuersæ percussionis asserri possit, scitè conclusimus eam prouenire ex notabili acquisitione impetus atque adeo præcessisse notabilem accelerationem in descensu physicam, ac realem; quæ tamen in Systemate Copernicano saluari verè, ac realiter non potest, vt inferius luculenter ostendemus. Interim præmittenda sunt experimenta quibus nos, vel alij conati sunt metiri validitatem percussionis factæ à corpore Graui deorsum descendente supra corpus, quod in hypothefi Terræ stantis supponitur immotum.

Modi præcipui mensurandi validitatem Percussionis factæ à corpore graui cadente ex diuersis altitudinibus supra alterum corpus sub eo quiescens, & inde impetus incrementum præcedens Percussioni.

- 21 Primus modus traditus est à Mersennio in Phænomenis Hydraulicis prop. 3. & à Gassendo in 1. Epistola trium de proportionibus, qua Grauiadecidentia accelerantur. Aiunt hi, si tubus, seu vas cylindricum erectum perpendiculariter ad horizontem impleatur aqua, apertoque foramine ad basim, permittatur aqua, effluere, & notentur in tubo aquæ decremента æqualibus temporibus facta, fore vt si in principio primi temporis altitudo tota sit pedum 16. initio secundi temporis sit pedum 9. & initio tertij temporis pedum 4. & initio quarti temporis pedis vnus: Hinc deducunt velocitatem duplo maiorem fieri non ex dupla, sed ex quadrupla altitudine, & triplo maiorem ex noncupla, & quadruplo maiorem ex sexdecupla altitudine: censent enim, aquam eodem impetu premere inferiores sui partes, qua moueretur, si ex altitudine tanta, quanta est in tubo, caderet: Sed quando inclusa est tubo, maiorem resistentiã patitur ab aqua inferiori, quam pateretur ab aëre, & obstat effluxui angustia foraminis, quod

quod potest esse diversæ amplitudinis . Quidquid sit de hac opinione, paulo aliter tentauimus experimentum cum PP. Iosepho Ferroneo Matheſeos profefſore, & Felice Vecchio, quorum alter perpendiculari numerant tempora; alter digito adpreſſo in fine temporum æqualium ſiſtebat effluxum aquæ interim dum ego regula metirer altitudinem tubi aqua vacuam, deinde remoto digito permittebat aquam effluere. Tubus ex lamina ferrea ſtanno ſuperlito cylindricus fuit cuius diameter A B. digitorum, ſeu vnciarum erat 4. qualium pes Romanus antiquiſſimus eſt 12. altitudo verò A C. digitorum 40. capiebatque aquæ putealis vncias 264. quæ tota effluxit per foraminis epiſtomium grani piperis capax, tempore ſecundorum horariorum 200. Quod tempus in quinque partes æquales diuiſum ſeu quadragena ſecunda ſingillatim adhibuimus, & repleto aqua tubo in fine primorum 40. ſecundorum tubi portio vacua fuit B E. longa ſcilicet digitos 14. cui reſponderant aquæ vnciæ 92. in fine autem alterorum ſecundorum 40. aqua decreuerat uſque ad ſectionem F. & altitudo tota B F. fuit digitorum 25. $\frac{1}{3}$. quare E F. fuit digitorum 11 $\frac{1}{3}$. eique congruunt aquæ vnciæ 77. porro in fine tertij temporis ſecundorum 40. aqua decreuit uſque ad ſectionem G. fuitque B G. digitorum 32. $\frac{2}{3}$. & F G. digitorum 7 $\frac{1}{3}$. vnciarumque 48. capax, & ſimili methodo reperta eſt in fine quarti temporis portio G H. & H D. cum menſuris in figura notatis . Placuit autem aliter experiri effluxum aquæ abſque epiſtomio per liberum foramen I. & diuidere tempus in quatuor partes æquales, nempe in ſecunda 135. quia per tale foramen aqua effluxit tota tempore ſecundorum 540. Itaque in fine primi temporis, altitudo vacua fuit digitorum 16 $\frac{1}{2}$. in fine ſecundi fuit digitorum 28 $\frac{1}{2}$. in fine tertij digitorum 35 $\frac{1}{2}$. Proinde interualla ſingillatim euacuata fuerunt ordinatim digitorum 16 $\frac{1}{2}$. 11 $\frac{1}{2}$. & digit. 4 $\frac{1}{2}$.

Sed neutro modo reperta eſt exacta illa proportio quam quærebamus, ideoque hinc tantummodo didicimus decreſcere quidam



dem velocitates, decreſcente aquæ mole, ac pondere comprimeant inferiores partes, ſed ad noſtrum argumentum opus eſt alijs experimentis.

- 22 *Secundus* modus conſiſtit in eleuatione maioris ponderis in vna lancium poſiti, quo altior eſt terminus, à quo dimittitur idem globus in centrum, ſeu meditullium alterius lancis: Hoc experimento uſi ſumus olim, vt narrauimus in *Almageſto* Nouo lib. 9. pag. 393. & 394. & in *Aſtronomia Reformata* pag. 82. Sed diuerſas proportionem naſti ſumus, & incoſtantes, præſertim in maioribus altitudinibus. Poſtea verò tentantes ſimile experimentum coram Illuſt. & Reu. Abbate Carolo Antonio de Sancto Petro, & Excell. D. Geminiano Montanario, ac P. Iosepho Ferronio, eandem incoſtantiam obſeruauimus, ortam ex tremore ac flexu haſtilis bilancium, & ex reflexione globi reſilientis ex magna altitudine, ob quam impetus in reflexo aſcenſu, non ſeruiebat attollendo ponderi in altera lancium poſito (quod valde notandum eſt) & denique quo altior eſt terminus dimiſſi globi eo difficilius cadit perpendiculariter in ipſum meditullium lancis. Sed neque Merſennio in *Reſlectionibus Phyſicomathematicis* cap. 8. neque Gaſſendo in *Epistoſola prima* ad P. Gazreum ſucceſſit inuenire proportionem theoricè expectatam. Nam vt duplo maius pondus eleuaretur, oportuit dimittere eundem globum æneum ex quadruplo maiori altitudine, & ad eleuandum pondus triplo maius, opus fuit altitudine noncupla, adeo vt altitudines hæcenus fuerint in ratione duplicata iſtuum, ſeu ponderum, præter victoriam æquilibrij eleuatorum; at hæc proportio turbata deinceps cœpit; Siquidem ad eleuandum pondus quadruplo maius non ſufficit ſexdecupla altitudo, ſed opus fuit altitudine 18. vicibus maiore: *Quia*, inquit Merſennius, *lanx non potuit tantam iſtus velocitatem ſequi, ideoque globus reſiluit, eoque magis reſiliet, quo cadet altius.* Vtinam & nos olim agnouiſſemus in reſultu hoc diſperdi, ſeu impendi magnam partem illius impetus, qui alioquin idoneus fuiſſet ad attollendum maius pondus; non enim fruſtra laboraſſemus in inueſtiganda per hanc lubricam methodum, validitate percuſſionis eiſque exacta proportionem. Interim tamen ex huiusmodi experimentis collegimus maiorem fuiſſe impetum, quem acquiſiuit Graue cadendo ex altiore loco, quam qui colligitur ex eleuatione ponderis, quia non totum illud incrementum impenſum fuit ponderi attollendo, ſed alioſum impenſum eſt. Quare ſi in fine vnius ſecundi horarij cadens globus ex altitudine pedum 15. eleauit pondus vncia-

vnciarum 24. deinde ex maiori sed ignota altitudine eleuauit pondus duplo maius nempe vnciarum 48. seu librarum 4. certum esse videtur altitudinem posteriorem fuisse quadruplo (ad minimum) maiorem priori, atque adeo non minorem 60. pedibus, & tantum impetum acquisiuisse, vt in posteriori duorum temporum æqualium, confecerit spatium triplo maius, idest pedum 45. & potius plus, quàm minus: Proinde ex eleuatione ponderis notabili notabilem, ac realem accelerationem Grauium colligere debemus, quotiescumque *cetera sunt paria*, nec aliunde quàm ab impetus incremento proueniat vis validioris percussionis, & eleuatio maioris ponderis.

- 23 *Tertius* modus exercetur dimittendo ex diuersis altitudinibus supra vas aqua plenum, globum ligneum, qui æqualis sit ponderis cum altera tanta mole aquæ, ac proinde quiescens innatare possit aquæ: obseruandum est autem ad quantam profunditatem descendat ob impetum conceptum ex casu ab altiore loco: quod euidentius obseruatur si vas fuerit vitreum, sed vt retuli in *Almagesto* Nouo lib. 9. pag. 394. experimentum infidum est, quia aqua semel perfoffa agitatur in vortices, qui non sinunt globum recto tramite deorsum descendere, sed spiratim, aut serpentino tramite illum detorquent, adeo vt multo minus descendat, quam oporteret.

- 24 *Quartus* modus indiget corpore non fluido, vt est liquor, sed ramen molli ac perfoffili, seu perforabili, cuiusmodi est cera, sebum, cretaceum lutum, butyrum concretum, & his similia; Nam si supra horum planam superficiem erigatur stylus infernè acutus, & cylindraceus in reliqua parte, qui stylus infixus sit orthogonaliter scaphio, & supra scaphium ex altitudine determinata, cadat globus scaphicæ concunitati suo hemisphærio æqualis, sed cadat exactè ad perpendiculum; notari poterunt, quot particulæ styli ingressæ fuerint ceram, vel sebum; & variatis altitudinibus adnotari quanto ex altiori loco, profundior fiat styli ingressus in eadem materiam

Altitudo Casus.	Partes Sebo ex Globi istū infixæ.
Digit.	
8	40
32	113
72	196
128	278

homogeneam. Adhibuimus itaque diuersos tubos metallicos æqualis altitudinis, & crassitie, plenos sebo prius liquefacto, ac deinde congelato, seu concreto, & Globum ligneum nucinum vncias 6 appendentem dimisimus supra scaphium prædictum

ex quatuor altitudinibus, & notauimus infixas fuisse styli partes, vi impetus impressi à Globo, quas in laterculo vides; videlicet ex altitudine digitorum, seu vnciarum Romanarum 8. partes ingressas 40. qualium vncia pedis Romani est 100. &c. non est autem mirum ex altitudine quadruplo maiori seu digitorum 32. non ingressas fuisse partes styli quadruplo plures idest 160. sed solum 115. & deinceps semper pauciores, quam videbatur requirere maior altitudo, quia ad profundiorum ingressum requiritur commotio plurium partium, quæ debent cedere locum stylo, & dum ad latera recedunt, debent vincere compressionem ac pondus & molem plurium partium superiorum eiusdem Sebi. Interim tamen hinc quoque (quod notatu dignum est) colligitur maiorem fuisse impetum, quam qui ex comparatione partium ingressarum nudè sumpta deducitur, quia effectum totalem impetus acquisiti, impedit resistentia plurium partium, quæ cedere debent locum stylo: atque adeò rigorosè loquendo *cetera non sunt paria.*

- 25 Quoniam verò non pauci existimant *ceteris paribus* validissimum esse ictum, ac percussione orthogonallyter, seu perpendiculariter factam; reliquas verò eo validiores esse, quo magis accedunt ad perpendicularem, seu ab ea minus inclinantur, ac maiori angulo incidentiæ incurrant in corpus percussum: placuit id quoque occasione præcedentis experimenti explorare adhibito prius scaphio cera pleno & deinde capsula semitorunda cum cera terebintho mixta, vt mollior esset, sed vniformi mistura ad ignem attemperata, & fulcro stabili infixa: cuius ceræ plana superficies collocata fuit æquidistans horizonti, & supra illam erectus stylus scaphiolo ligneo suprema sui parte infixus orthogonallyter; quod scaphiolum inter quatuor bracteolas ita leniter suspensum erat, vt detineret stylum in orthogonally situ supra ceræ planitiem, citra contactum tamen ceræ, sed illi proximum, & absque vlla resistentia physica deorsum trudi posset à globo ex determinata altitudine pedum 6. dimisso: vi cuius stylus infixus fuit ceræ & partes ceram recta via ingressæ fuerunt 54. qualium vncia Romani pedis est 100. Repleto autem foramine eadem materia, & inclinata capsulæ superficie ad horizontem per gradus 45: styloque eodem citra contactum, & aliquantulo citra pristinum foramen erecto orthogonallyter ad horizontem, cetera vt supra præstitimus, & partes styli infixæ in ceram fuere 55. Mutato verò stylo & reliquis, vt supra peractis repetitoque ter experimento partes styli ceram
- E. ingref-

ingressæ, tam ceræ plano æquidistante horizonti, quàm inclinato ad gradus 45. fuere 40. qualium vncia pedis Romani est 100. mirantibus testibus, & adiutoribus nostris PP. Io: Macrino, Iosepho Ferronio, & Felice Vecchio; Vt autem possit quilibet id vel ali-


quid simile experiri: placet schemate iuuare imaginationem Lectoris. Capsula hemisphærica sit A B C. plena cera & terebinto liquatis, ac deinde concretis, super fulero stabili locata, ita tamen, vt possit eius plana superficies A C. constitui modò æquidistans horizonti, modò ad illum inclinari quocunque gradu; electa est autem hæc figura, vt punctum percussiois F. quoquo uersum æqualiter distans à fundo scaphij æqualem resistantiam nancisceretur; scaphiolum G H I. leniter bracteo-
lis K L. vtrunque suspensum minimo ictu labile, habebat, in fundi medietullio orthogonaliter infixum stylum chalibeum H F. cuius mucro F. non tangebatur ceræ superficiem, sed, illi proximus erat, folio papyraceo tantummodo intercedente, sed ante ictum substracto. Ex foramine M. demisso perpendiculo collocata fuerunt scaphia, ita vt in eadem Perpendiculari M B. essent exactè centrum scaphicoli O. styli caput H. & mucro F. & medium planitie cereæ. Tandem suspensus per filum globus ligneus N. de foramine M. vbi ab omni titubatione quieuerat, dimittebatur supra scaphiolum G H I. qui cum esset congruentissimus concauitati scaphioli, percutiens caput H. stylum in cera profundum infigebat rectissimo ad horizontem ictu. Inclinata deinde superficie A F C. ad horizontem gradibus ferè 45. & reliquis vt supra seruatis: reperimus mulroties, tantundem styli infixum ceræ in ictu orthogonaliter ad ceram, quantum in obliquo. Fingere autem ceræ particulas constare ex atomis figuratis, ita vt stylus semper incurrat in aliquas ad angulos rectos, est confugere ad ignotiora, & ex hac doctrina sequeretur,



ne Aduersarios quidem posse, tali experimento explorare, an-

vali-

validior sit percussio recta, & perpendicularis, quàm obliqua: si quidem omnes essent rectæ ad facieculas partium vel atomorum. Multo minus expedit id experiri casu aut explosione globorum, quia cætera non sunt paria & in obliquo ictu non est idem punctum aut pars globi percutientis, nec eadem linea per quam imprimitur.



impetus corpori percusso. Fac enim recto casu Globum A. perpendiculari casu percussisse planum CD. sui puncto B, & lineam directionis imperus fuisse E A B. si postmodum obliquo casu idẽ Globus A. dirigatur versus planitiem CD. non percutiet eam. sui puncto B. sed puncto F. & non eo impetu, qui diffunditur per lineam EAB, sed per parallelam GF. ideoque minor erit ictus. Proinde euentior, & simplicior modus est, quo utimur corpore acuminato & percussivo. Nam & Gladiatoris artis magistri experti sunt, tantumdem ingredi tabulam ligneam eandem gladium eundem, siue recto siue obliquo iactu projiciatur in illam. Quare cæteris paribus nihil facit in acuto ictu rectitudo, aut obliquitas, sed totidem partes styli vtriusque situ ingrediuntur corpus semimolle, ac semidurum.

- 26 *Quintus* modus & ipse simplicissimus, ac euentissimus, sed præcedenti planè contrarius est; quo Globus aptus ad reflexum resultum, dimittitur supra planum corporis stabilis, ac durissimi, nullamque sui contusionem flexumque, nedum perfossionem, admittentis; idque modo orthogonali ad planitiem corporis duricasi, modo oblique inclinato prius corpore percutiendo per aliquos gradus ad horizontem: Nam si exactè obseruetur longitudo linearum rectarum, per quas Globus dimissus ex diuersis altitudinibus reflectitur, antequam absolūta reflexione deorsum relabatur; constabit longè maiorem esse lineam reflexionis si longè maior sit altitudo, ynde dimissus est globus; & cæteris paribus longiorem obliquam, quàm rectam; ob minorem resistentiam quam facit grauitas salienti globo oblique, quàm rectè. Omnis potè experimentis alias relatis adductus tria recentiora.

saliter aut plerumque verum esse: voluit id in nostri Collegij atrio rustico experiri, dimissis globis ex eadem semper altitudine pedum 31. Ego vt pote tunc pharmaco sumpto decumbens in lectulo non interfui, sed pro me interfuere aliqui ex nostris præcipue P. Iosephus Ferronius, & cum D. Hadriano Illustris. Senator Vastauihanus, & Excellentis. DD. Malpiga & Montanarius & experimentum mihi in charta relatum fuit vt infra; marmoris planities adhibita fuit, & prius horizonti æquidistans, deinde inclinata.

Altitudo Pedum 31.	BI. Reflexio Recta	Inclinatio ABF Grad. 80.	Inclinatio ABF. Grad. 71.
Globi dimissi	seu eleuatio vnciarum	Eleuatio KG vnciarum	Eleuatio KG vnciarum
Pomulum arancium siccum	80	65	54
Globus Eburneus minor	102	94	72
Globus Eburneus maior	103	103	72
Pomum Indicum siccum	123	102	85

Agnouit D. Hadrianus in Reflexione obliqua, longè minus eleuari hos globos supra eandem planitiem horizontalem, quàm in Reflexione ad planitiem, & horizontem perpendiculari; sed dixit, se non acquiescere omnino huic experimento. Proinde decreui post valetudinem, & commoditatem maiorem deuenire ad tertium experimentum accuratè. Quod factum est d. 16. Octobris anni 1668 Sed iam D. Hadrianus Florentiam iuerat; Testes tamen, & Adiutores fuere aliqui ex nostris & præcipue PP. Iosephus Ferronius. & Hyacinthus Micholus, & tres mensuræ captae vt infra, obliquata planitie maioris marmoris politissimi, seu inclinata angulo Graduum 10. post casus perpendiculares.

BL Reflexio Recta Angulus FBH. Grad. 10. ABF. Grad. 80.									
Altitudines AB Pedum	15	30	50	AB. Altit. Ped. 15.	AB. Altit. Ped. 30.	AB. Altit. ped. 50.			
Globi di- missi.	vnc.	vnc.	vnc.	Reflexio Bk. vnc.	Elevatio Kg. vnc.	Reflexio Bk. vnc.	Elevatio Kg. vnc.	Reflexio Bk. vnc.	Elevatio Kg. vnc.
Pila coria- cca.	31	60	90	45	28	78	48	97	74
Globus Buxiaus	50	88	112	55	33	91	71	135	102
Globulus Eburneus	92	176	288	110	81	189	135	314	231
Follis lase- rius inflat.	102	186	296						

Confirmatur itaque hoc experimento Reflexionis obliquæ lineam longiorem esse lineâ Reflexionis orthogonalis, quia illi minus reluctatur grauitas, quàm huic, nec tantus impetus in obliqua impressus est marmori, quantus in recta. ideoque plusculum impetus impenditur in obliquam lineam. At è contrario confirmatur minorem esse elevationem supra horizontem in Reflexione Obliqua, quam in Recta, & tandem confirmatur percussione ex Reflexione æstimatam, non esse maiorem in casu perpendiculari, quam in obliquo; imo si nesciremus minorem resisten-
tiam grauitatis, videretur maior percussio fieri in casu obliquo, quàm in recto. Inter omnes prædictos globos elegimus eburneum ut pote homogeneæ materiæ, & temperamento duritiei cum grauitate mediocri aptissimum ad Reflexionem iustam; ideoque illum eundem postea dimisimus ex fornice Ecclesiæ nostræ nouæ eiusque fenestella rotunda, alta pedes paulo plusquam 60. fuitque Reflexio recta vnciarum 340 proximè, sed pauimentum Ecclesiæ non est marmoreum, lateritium autem minus idoneum est ad repercussionem. Interea si Reflexio vnciarum 91. est argumentum altitudinis pedum 15. quos globus absoluit vno fere secundo horatio; Vtique Reflexio vnciarum 340. est argumentum impetus acquisiti ex Altitudine pedum circiter 60. quos globus absoluit duobus proximè secundis horarijs. Et hoc ut simplicissimo, & euidentissimo experimento deinceps utemur; Quandoquidem nimis difficile fuerit percussiones metiri ex Altitudine Turris Asinellæ, & interuallo pedum, quos globus noster pertransi,

transiit tempore 7. Secundorum Horariorum: Sed præmittenda sunt aliæ propositiones.

VII. PROPOSITIO

- 27 *Ex percussorum differentia, quæ sunt à Grani decedente, supra aliud corpus apparenter immotum, quo ex altiore loco dimittuntur, Si cætera sunt paria colligitur aut æqualis, aut maior differentia Altitudinum, quam sit differentia percussorum.*

Idem probatum manet ex dictis sub finem numer 22. in experimento ponderis eleuati; & sub finem numeri 24. in stylo sebum perforante, & sub finem numeri 26. in Reflexionum lineis: & ratio vniuersalis est quia in percussione non apparet semper totus ille impetus, qui acquisitus est à graui ex altiore loco decedente, sed non minima pars eius aliorum impenditur, & pars diffunditur per poros ac partes corporis percussi; pars autem refunditur in corpus, quod reflectitur; aut plurium partium lateraliter, aut supernè obstitentium moles impedit maiorem alioquin futuram percussorem. Pro nostro autem Argumento sufficit nobis experimentum Globo Eburneo factum: Quia enim ex altitudine pedum 15. reflexe resultauit vsque ad vncias 92. postea verò resultauit vsque ad vncias 340. etiam si nesciremus, ex qua altitudine postea dimissus fuit, argumentari liceret eam Altitudinem fuisse quadruplo circiter maiorem id est pedum 60. Esto huic exactè debeat reflexio vnciarum 368. quod enim huic deficit, impensum fuit aliorum, & defuit durities marmorea vt narraui ad finem numeri 26.

VIII. PROPOSITIO

- 28 *Neque in descensu Granium, neque in alijs percussoribus sola inclinatio minor efficit maiorem percussorem ad æquatè sumptam cum omnibus suis effectibus. Quando autem sit validior percussio non sunt cætera omnino paria, sed præter diuersitatem angulorum Inclinatio- nis, aliqua alia diuersitas causa, vel conditionis intermiscetur, quæ percussoris validitatem diuersificat.*

Hæc Propositio primo aspectu videbitur contra Communem Opinionem Ballisticorum, & Mechanicorum, quibus persuasum est, & experimento comprobatum, eo validiorem esse ictum, quo

quo fit per lineam magis perpendiculariter ductam ad corpus percutiendum, & maximum omnium ictum esse illum, qui fit per lineam perpendiculararem; minimum verò imò nullum, qui fit per lineam parallelam corpori alteri. Nemo sanè Bombardarius non affirmabit maximam fracturam muri fieri, si bombardæ iactus dirigatur perpendiculariter aduersus murum: nemo item faber negauerit in terebrando ligno, aut ferro citius, & facilius illud perforari recta ac perpendiculari via; & sic de innumerabilibus. Hisce igitur fundamentis Fr. Stephanus de Angelis in suis primis Considerationibus Venetijs editis anno 1668. Aug. 12. pag. 119. & D. Io: Alphonsus Borellus in Responsione ad D. Michaelem Angelum Riccium pag. 34. ad 37. ex sola diuersitate Angulorum Inclinationis asserunt fieri percussiones magis minusue validas.

His non obstantibus hanc doctrinam limitandam agnouimus. Primo quia cæteris paribus experti sumus, æqualem fieri perfossionem ab eodem Graui ex eadem altitudine dimisso in eandem ceream planitiem, tam æquidistantem horizonti & excipientem ictum perpendiculariter, quàm inclinatam pluribus gradibus ad ipsum, & excipientem ictum obliquum, ut narrauimus num. 25. Item experti sumus cæteris paribus non esse minorem, imò maiorem lineam motus reflexi dimisso eodem globo supra marmoream planitiem inclinatam horizonti gradus 10. aut 20. ferè; quàm cum ex eadem altitudine dimissus est supra eandem planitiem horizonti æquidistantem, & excipientem ictum perpendiculararem sibi, ut narrauimus à num. 26 ex quibus extremis modis perfossione & reflexione, sed simplicissimis, & euidentissimis deprehendimus, diuersam inclinationem lineæ per quam imprimitur, ac dirigitur impetus, quo percutiendum est alterum corpus, per se nihil conferre ad maiorem, vel minorem percussionem. Sicut autem recta linea cadens supra alteram rectam lineam, facit duos angulos hinc inde aut rectos, aut duobus rectis æquales; ita si cuspis styli a graui decidente intrusa in materiam semiduram, & perfossilem, & hemisphærica figura deorsum terminatam, in recto quidem casu inuenit resistantiam vtrinque æqualem partium quæ debent cedere locum stylo intranti; in obliquo autem casu, minor resistantia, quæ in vna parte inuenitur, nempe in depresso infra horizontem; compensatur maiori resistantia partium plurium superstantium, ex altera plaga partibus cedentibus locum stylo: ideoque æqualis vtrobiue fit perfossio.

Secundo

41

Secundo animaduertimus in casibus, in quibus obliquus ictus est aut videtur minor, non esse cætera omnino paria; sed aut corpus percutiens vel percussum ob figuram, obtuso ictu facto non imprimere impetum per viam directi iactus, nec eo puncto contactus, sed alio vt figura indicauimus sub finem num. 25. Vel certè interuenit materia percussa heterogenea, vel pluribus ac densioribus partibus compacta; vel ipsa figura corporis percussi plures partes obiectas habet ictui obliquo, quàm rectò: facilius quippe perforatur lignum cuius crassities sit digiti vnus, quàm si versùs eam plagam perforetur, in qua obsistit crassities digito vno maior: Si porrò idem globus supra planum inclinatum dimittatur contra planum subiectum, & diuersæ fuerint inclinationes, non erit idem ictus, quia maiore impetu graue decurret per planum minus inclinatum, quàm per magis inclinatum; & sic cætera non erunt paria. Sicut nec in alijs casibus diuersæ percussione; sed præter diuersam inclinationem reperietur ab exquisitè philosophante aliqua diuersa causa vel conditio concurrens ad diuersitatem percussione adæquatè sumptæ. Aliquando enim obliqua percussio, quod deficit in vna parte percussi, compensat in alijs corporibus reflexo tramite percussis, si ibi existant; aut prolixione sibilo compensat sonum, qui factus fuerit recta percussione. Est si vnicus, aut præcipuè intentus, vel obuius cognitioni effectus percussione consideretur, maior sit vel appareat in percussione rectiori: sed tamen semper aliqua disparitas ad id concurrat, præter disparem inclinationem.

Hæc si considerassent prædicti Auctores, & experimentis comprobassent, non fuissent decepti ex vulgari illa doctrina. Nec D. Borrellus linearum abstractarum proportionem ac mensuram per sinus angulorum vsus, putasset se demonstrasse vniuersaliter, quæ demonstrata à se dicitur: Natura enim, aut ars, non semper operatur secundum proportionem linearum Geometricè consideratas, & certè vt supra dixi, malè de nobis meritis est cum dissimulauit nostram clausulam:

Cæteris paribus, toties à nobis expressam: & attulit diuersos casus, aut disparitatibus alijs affectos, aut sine experimento expresso comprobatos.

CAPVT QVARTVM.

De Linea, quam Graue descendens in hypothesi de Telluris motu diurno, & Annuo à Copernico supposito describeret in spatio Mundano & de mensura talis lineæ, atque Angulorum Inclinationis, quos in descensu officeret illa lineæ cum perpendiculari ad horizontem Telluris.

- 29 **S**upponimus hic Graue aliquod, videlicet Globum argillaceum vnciarum 8. vel eburneum semiunciale, dimissum per aërem nostratem ex altitudine pedum Romanorum 15. eos confecisse tempore vnius secundi horarij, perpendiculo brevissimo dimensi, eundemque ex altitudine pedum 60. dimissum, peruenisse ad pavementum absolutis exactè duobus secundis horarijs, idem quem omnino obseruaturum oculum constitutum supra terram; si Tellus, vt vult Copernicus, moueretur tum diurno circa sui centrum motu; tum Annuo circa Solem.

Esto hypothesis talis descensus sit improbabilis, & contra finem naturalem Grauium, vt postea docebimus.

Supponimus præterea hunc descensum futurum in eodem physicè plano paralleli Bononienfis, in quo fecimus experimenta; quia, intra duo secunda horaria non deuiaret ab hoc

plano plusquam vnciam pedis, vt ostendimus lib. 9. Almagesti Noui cap. 18. num. 7. sit iam

- 31 Ostendendum iam est fieri posse, vt in descensu Grauium aliquorum primis duobus, aut quatuor secundis horarijs, spatia pertransita sint sicut quadrata temporum: quod facile ostenditur: Nam ex modo dictis, Arcus CS. primo secundo horario pertransitus est secundorum 30. & complementum eius SKA. Graduum 179. minutorum 59. & secundorum 30. cuius sinus duplicatus, seu chorda AS. est partium 19999999947. qualium tota chorda AC. sit 20,000,000.000. ideoque FS. partium talium 53. deinde arcus CT. est secundorum 60. seu minuti vnus, & complementum TKA. Graduum 179. minutorumque 59. cuius chorda AT. talium partium 19999999788. ideoque GT. partium 212. Porro arcus CV. qui est sesquiminuti, complementum VKA, est Grad. 179. minut. 58. secund. 30. huiusque chorda est partium 19999999524. ideoque VH. partium 477. Denique Arcus CK. est duum minutorum, & complementum AK Grad 179. min. 58. cuius chorda est 19999999154. ideoque IK. partium 848.

Quadrata autem Temporum quatuor priorum in minimis numeris sunt 1.49.16. eademque est proportio inter hos numeros ordinatim: quos ex residuis chordæ talis collegimus vt videre est in adiecto laterculo: ergo potest de-

Interualla.		Proportio in minimis num.
FS	53	1
GT	212	4
HV	477	9
IK	848	16

scensus aliquorum Grauium fieri in principio per circularem lineam à Galilæo descriptam, salua proportionem reperta inter spatia pertransita, & quadrata temporum. Hac methodo vsi, vt ad hominem argumentaremur contra Galilæum, qui abstractè locutus erat, non descendendo ad vllum casum particularem; dedimus occasionem remotam P. Stephano de Angelis existimandi, etiam in casu globi ex Asinellæ Turris vertice dimissi, qui primis quatuor secundis horarijs confecit ordinatim pedes 15. 60. 135. 240. globum hunc descendisse per circularem lineam Galilæi, quod minimè expressimus, & in Astronomia Reformata lineam illam deseruimus. Non oportebat ergo doctrinam illam, quæ generaliter, & abstractè sumpta vera est, & vt mox docebo, possibilis, applicare ad casum, in quo non verificatur sicut fecit pag. 19. nempe ad casum, in quo globus noster ex rostris superioribus Asinellæ Turris dimissus confecit primo secundo horario pedes 15. & in fine duorum secundorum pedes 60. & hoc enim experimento vsi sumus ad comprobandam proportionem ipsa-

spatiorum decursorum talem, qualis est inter quadrata temporum, non autem ad comprobendam viam circularem. Sed dimittamus hanc litem, quæ nihil ferè facit ad nostra Argumenta contra Systema Copernicanum.

X. PROPOSITIO

Graua aliqua in hypothefi diurni motus Terræ possent descendere in prioribus secundis horarijs per lineam circularem à Galilæo descriptam: salua proportionē inter spatia pertransita apparenter, & Quadrata Temporum siue dimitterentur ex tanta altitudine quanta est Turris Asinellæ siue non.

32 **I**Am enim pro præcedenti propositione ostensum est posse coniungi hæc duo nimirum; vt Graue descendat per lineam circularem à Galilæo designatam, & interim salua sit proportio spatiorum cum quadratis temporum, si videlicet internalia decursa ordinati sint FS. partium 53. & GT. 212. &c. Hoc autem non abstractè tantum considerabile est, sed physicè possibile tribus modis: nempe obleuitatem Globi dimissi ex altitudine Asinellæ, vel ob longè maiorem altitudinem, ex qua alius grauior Globus dimitteretur; vel denique si semidiameter Terræ diuinitus augetur.

Primo enim assumpta ex Geographiæ Reformatæ lib. 5. cap. 35. Telluris semidiametro pedum Romanorum 23367468. & ex lib. 6. altitudine rostrorum superiorum Asinellæ Turris supra superficiem Adriatici Maris pedum 490. euadit in præcedenti figura, tota AC. 23367958. pedum. Fiat ergo vt A F. partium 20,000,000 000. ad eandem AF. pedum 23367958. ita FS. partium 53 ad I S. pedum 0. $\frac{4940}{200000}$. Nam si Globus aliquis adeò parum grauis sit, vt primo secundo horario non pertranseat suo apparenti nobis descensu plusquam vigesimam partem Romani pedis, seu paulò plusquam semiunciam; erit FS. partium 53. quælium AC. sit 20,000,000,000. Rursus si fiat vt A G. part. 20,000 000,000 ad A G. pedum 23367958 ita GT. partium 212. ad GT. pedum 0. $\frac{4940}{200000}$ esset GT. spatium quadruplo maius spatium FS. & sic salua esset proportio prædicta.

Secundo varietur iam altitudo, eligaturque globus, qui primo secundo horario pertranseat vnum pedem Romanum, & in fine duorum secundorum pedes 4. fiatq; vt FS. partium 53. ad FS. pedis 1. ita AF. partium 20,000,000,000. ad eandem AF. pedum 37735849 quibus

quibus subtrahe nostram Terræ semidiametrum pedū 23367468 remanebit Altitudo supra Mare Adriaticum pedū 353991023. idest milliarium Romanorum 70798. ex qua deberet dimitti talis globus. Vel retenta altitudine Asinellæ augenda esset semidiameter Terræ. Sed placet exhibere Lectori Altitudines ex quibus dimittendi essent Globi, qui primo secundo horario transirent apparenter pedes 1. vel 2. &c. vsque ad 15.

<i>VT FS partium 53. ad AF partium 20,000,000,000.</i>			
<i>Ita FS</i> Pedum	<i>AD AF</i> Pedum	<i>Seu</i> Milliarium.	<i>Seu Semidiametrorum.</i> Terrestrium.
1	377358491	71571	16
2	754716981	143143	32
3	1132077472	214714	48
4	1509433962	286286	64
5	1886792453	357857	80
6	2264750943	429424	96
7	2641509434	500995	112
8	3018867924	572572	128
9	3396226415	644143	144
10	3773584917	715714	160
11	4150943408	787285	176
12	4528301898	858848	192
13	4905660388	930410	208
14	5283019879	1001990	224
15	5660377358	1073560	240

Cum ergo Lunæ mediocris distantia à centro Terræ sit terrestrium semidiametrorum circiter 60. Globus transiens primo secundo horario pedem vnum, dimittendus esset ex altitudine quadruplo ferè minori, quàm est distantia Lunæ; si verò transiret pedes 15. dimittendus esset ex quadruplo maiori altitudine, idest ex 240. semidiamentris terrestribus; sed tunc tenuitas auræ ætheriæ celeriores motum Globi permittet.

XI. PROPOSITIO

Errarunt, qui vniuersaliter negarunt descensum Grauium in hypothesi Diurni motus Terræ, esse posse per lineam circularem; aut asseruerunt vniuersaliter futurum per lineam Parabolicam, vel specialem, seu Helicoidem, vel per curuam aliam à circulari diuersam.

33 **I**N præcedentienim propositione manifestum factum est, posse descensum Grauium aliquot in hypothesi solius diurni motus Terræ idque in prioribus secundis horarijs. Nam in progressu iam lib. 9. Almag. Noui sect. 4. cap. 17. num. 14. constructa Tabula ad binos gradus semicirculi demonstrauius, globum illum seruando continuè proportionem spatiorum, & quadratorum temporis magis magisque recessurum à circulari, & quidem introrsum, si salua esset dicta proportio. Nam exempli gratia in figura num. 30. exposta, si globus conficeret Arcum C F. Graduum 10. esset Chorda A S. partium 199238. qualium A T. 200000. & F S. 762. cum proportio quadratorum requirat 775. sed vide ibi Tabulam, & discursum nostrum:

Porro alij putarunt descensum hunc esse aut fore ex circularibus compositum, vt Bullialdus cap. 4. sui Philolai, quem lib. 9. Almagesti sect. 4. cap. 17. exposui, & impugnaui. At Petrus Gassendus Epistola 2. de Motu impresso à Motore translato docet, huius descensionis lineam esse parabolicam, prout fusius retuli eadem sectione cap. 4. in Scholijs, in quibus retuli opinionem Kepleri de linea quasi spirali; Galilæus quoque in 2. dialogo de System. mundi pag. Italica 157. dixit, si Grauium motus versus centrum Terræ nobis appareret vniformis, posita Telluris vertigine vniformi, fore motum Grauium per vnā ex spiraliibus, quas Archimedes libro de spiraliibus definiuit. At quia Grauium motus nobis apparet difformis, & acceleratus, licet circa initium descensus esset per lineam circularem, postea tamen recessurum à peripheria circuli. Alij apud Claramontium lib. 12. de Vniuerso cap. 21. putarunt esse similem Quadratici Nicomedis. Scheinerus in Disquisitionibus pag. 31. Spiralem in Aeq. & extra spiralem circa conum spiralem fore pronunciauit: Postremo Fr. Stephanus de Angelis in Primis Considerationibus super meo Argumento, à pag. 26. asserit hæc: *Nell' Equatore col solo moto diurno continuato sino al centro sarebbe vna linea spirale.* Idemque

Fr. Steph.
de Angelis
notatus.

© Borellus

que repetit pag. 34. & 85. & 114. vbi absque limitatione alia pronuntiat: *Se per impossibile la Terra si mouesse, in questo caso dico assolutamente, che quella linea sarebbe la spirale da noi descritta, & in Opusculo de Infinitis spirahibus Prop. 5. Scholio 3. vbi designata linea spirali subiungit pag. 17. Huius generis esset linea illa, que describeretur à grani naturaliter cadente versus centrum Telluris, in falsa hypothesis Copernicana, vel Semicopernicana in plano Aequatoris. At iam ostensum est. posse hunc descensum in multis casibus esse circulem; Ergo malè Fr Stephanus de Angelis vniuersaliter asseruit fore spiralem in Aequatore. At D. Io. Alphonsus Borellus libro de vi percussione proposit. 57. in cuius probatione hæc habet: *Occasio postulat, vt aliquid innuamus de motu mixto ex transuersali circulari aquabili, & ex perpendiculari descensu uniformiter accelerato versus centrum eiusdem circuli; qui motus neque per circuli peripheriam fit, neque per parabolam, neque per helicem peculiarem eius naturæ, quam aliqui recentiores putarunt. Idemque in Responsione ad D. Michaellem Angelum, pag. 9 & negat vniuersaliter de linea spirali; existimat enim Græue, quando descendit per circulos inferiores tardius moueri, & debere tamen in fine temporis descripsisse arcum æqualem arcui Aequatoris ducto per verticem turris, seu initium descensus, at hoc falsum est, debet enim describere, seu reperiri in fine Arcus similis non autem Aequalis ita vt sit tot secundorum quot requirit tempus diurnæ reuolutionis; sed præterea malè negat, descensum hunc esse circulem, cum possit esse, vt supra ostendimus.**

XII. PROPOSITIO.

In Hypothesi Diurni motus Terræ graue decidens posset descendere per lineam curuam designandam aliquando intra, & infra, aliquando extra, & supra lineam circulem à Galileo descriptam.

- 34 **H**æc propositio est contra Fr. Stephanum de Angelis; quatenus vniuersaliter ait descensus huius lineam spiralem casuram extra, & supra peripheriam descriptam per initium descensus, vsque ad centrum Terræ: Estò aliquando dicat casuram intra, & infra, & in hoc videatur inconstanter loqui. Repetatur hac figura numero 30. exposita, per quam num 32. often-

ostendimus, vt linea descensus grauium sit circularis, qualis est CK, salua proportionē spatiorum cum quadeatē temporum, requiri, ac sufficere vt Graue in fine primi secundi horarij conficiat apparenter spatium FS. partium 53. & in fine subsequētis secundi spatium GT. partiū 212. qualium tota AF sit 20,000.000,000. At potest dari casus in quo Graue aliquod duobus dictis secundis pertranseat partes pauciores quam 53. in FS. & 212. in GT. atq; adeo linea descensus transeat inter Arcum CI. & circumferentiam CK. ideog; supra & extra circulem CKA. sit enim globus adeo leuis, vt primo secundo horatio non conficiat apparenti descensu, nisi semunciam, seu partem

24. pedis Romanirefoluaturq; tota AC. (quam num. 32. diximus
esse pedum Romanorum 23367958.) in semiuncias 560830992.
& fiat vt A F. semiunciarum 560830992. ad eandem partium
20,000,000,000. Ita semiuncia vna, ad aliud, & euadet linea mi-
nor quam FS, nempe partium 35. $\frac{37}{58}$. Quia verò in fine subse-
quentis secundi supponitur talis Globus quadruplo maius spa-
tium pertransisse, idest quatuor semiuncias pedis, inuenietur ea-
dem methodo spatium inter G, & T, partium 142. $\frac{36}{58}$. quæ debe-
rent esse 212. si pertingerent lineam circulearem.

G fuma


sum reperit Fr. Stephanus de Angelis in suis secundis Considerationibus pag. 39. Sed nunquam nos diximus in eo casu in quo Graue conficit pedes 15. conficere partes 53. qualium tota AC. sit binarius cum 10. cyphris, vt nobis imponit dictus Fr. Stephanus ibi, & in primis considerationibus. Interim tamen admissio hoc experimento, de pedibus 15. & 60. &c. in primis considerationibus à pag. 17. ad 20. deducit partes maiores quam FS. & GT. nempe 11596. & 46385. ex quibus manifestè sequitur descensum fore per curuam multo infra circulem CKA. idque ipsemet Fr. Stephanus expressè fatetur in suis Considerationibus pag. 32. vbi cum Offredus adduxisset partes FS. &c. 11596⁷/₁₀. Mathematicus Patavinus subiungit; *Ma acciò che fosse nella circonferenza del Circolo bisognarebbe, che fosse solo 53. Adunque è tanto più bassa E, adunque falsissimo che ne anco nel principio del moto camini il mobile per la circonferenza CTX. mà per vna spirale, che caderebbe tanto più dentro del circolo, come hò fatto vedere in quel trattatello che hò publicato di queste spirali.* Et pag. 39. Cum FS. &c. nactus esset partium 12838. subiungit: *Tanto adunque, che lo spatio passato è tanto più maggiore del FS di quello che lo poneuamo, e cade più giù verso A. di 1242. di quelle particole.* Agnouit ergo Fr. Stephanus Globum, qui primo secundo apparenter transeat pedes 15. in hypothesi diurni motus Terræ descensurum per lineam spiralem descriptam intra, & infra circumferentiam CKA. id enim cantant expressè verba illa. *E tanto più bassa, & illa caderebbe tanto più dentro del circolo, & illa; cade più giù verso A.* Nec potest dici cum loqui ex hypothesi mera nostri experimenti illud enim tandem admisit in primis considerationibus, præsertim pag. 72. nec potuit dubitare, nos adeo pingui Minerua expertos esse casum grauium, vt globus argillaceus, visus sit primo secundo horario transire pedes 15. & tamen aut ne vnum quidem, aut plures quam 15. pertransierit, nam facta hac quoque suppositione, si vnum saltem pedem pertransiuit; euasit FS. multo maior quam partium 53. nempe 855³⁰/₃₃. vt supra supputauimus. Si verò plures pedes pertransijt, semper euadit illud interuallum maius & maius, & linea spiralis interior, ac inferior cadit citra circulem CKA.

36. At è contrario idem Fr. Stephanus de Angelis parum sibi constans & hypothesi falsæ innixus asserit vniuersaliter, Grauiam naturaliter descendentia, in Systemate motus diurni Terræ descriptura lineam spiralem cadentem extra & supra circumferentiam.

sentiam circularem C K A In primis enim Considerationibus pag. 24. ait expressè de hac linea contra me: *Credo sbagli in ciò che dice, che la semità del moto caderebbe dentro la circonferenza, perche io sono di opinione, che caderebbe fuori, & pag. 26. post falsam (vt mox docebo) demonstrationem, concludit: Adunque la via del mobile caderebbe sopra la circonferenza, & pag. 28. La spirale caderebbe fuori della circonferenza del semi-circolo.* Et in secundis Considerationibus à pag. 43. ad 46. & in Opusculo de Infinitis Spiralibus pag. 18. persistit in eadem opinione. At eandem spiralem fore *extra & supra* circularem C K A. vt in his locis asserit; & fore *infra & intra* eandem circularem, vt idem dixit locis supra relatis. est manifesta repugnantia, quæ aliter nequit excusari, nisi dicendo eum diuersas hypotheses secutum esse. Videndum igitur quæ nam sit vera aut verior. Dico itaque veram hypothesin esse illam quæ experimento facto nritur videlicet dari multa graui, quæ in primo secundo horario descendant apparenter vnum, aut plures Romanos pedes, & Globum argillaceum à nobis tories adhibitum, primo secundo horario confecisse pedes 15. & in fine subsequentis secundi pedes 60. hoc est tanto maius spatium, quanto quadratum secundi temporis superat quadratum primi temporis, quam proportionem repertam à Galilæo, Turicello, Gassendo, Merfennio, Borello, & alijs, admittit ipsemet Fr. Stephanus de Angelis & in primis Considerationibus pag. 27. ex hac proportionem colligit tempus, quo dictus globus perueniret ad centrum A C. ex Almagesto pedum 25870240. illudque reducit ad horaria minuta 21. sect. 43. Verba ipsius sunt: *La proportion che hà 15. piedi spatio passato in vn I. secondo à 25870240. l'hà l quadrato d'vn secondo à 1724682. che sarà quadrato del tempo di tutta la discesa sino al centro la di cui radice quadrata prossima 1303. sarebbe il numero delli secondi di hora, che consumarebbe ad' arriuarui, che sarebbero minuti 21. secondi 43. prossimamente.* Nos autem supra numer. 14. supputauimus dictum globum ex vertice A sinellæ perueni-
rurum, si nil obstarer, ad centrum Terræ minut. horarijs 21. seù 43.

- 37 Quando autem idem Fr. Stephanus conatur demonstrare lineam spiralem Grauium in prædicta hypothesi casuram, extra & supra circularem assumit quædam, quæ sunt examinanda, præmissa figura ad eius, & nostram mentem explican-

dam, in qua ex centro Terræ
A, vsque ad C. verticem Turris
vnde graue dimittitur, erigatur
recta AC. eiusq; intervallo de-
scribatur quadrans CDA. & di-
uisa A'C. bifariam in E. descri-
batur per C A, semicirculus
CSA: per quem initio descen-
sus aliquod graue iuxta Gali-
læum in hypothesi motus diur-
ni Telluris descenderet, confe-
cto apparenter spatio FS. sitq;



spiralis, quam adstruit F. Stephanus linea COBA. Spiralis autem,
quæ plerumque iuxta nos vsuueniret, sit CQA. Nos vero lib. 9.
Almagesti Noui sect. 4. cap. 17. ostendimus Grauia, si in descensu
seruarent proportionem spatiorum apparentium cum quadratis
temporum, recessura tandem à circulari CSTA: introrsus, & itu-
ra per curuam CQP. quod ex Tabulis Sinuum probauimus. Nam
si CF. sit arcus vnius gradus erit CS. grad. 2. in Tabula Sinuum
chorda AS. complementi STA. est partium 199969. qualium .
AC. sit 200000. quia Sinus semicomplementi, idest graduum 89.
est 99984. $\frac{77}{100}$. qui duplicatus dat chordam AS. rotundè partium
199969. hæc autem subtrahæta tori AF. partium 200,000. relinquit
FS. partium 31. sit iam CG. arcus graduum 2. & CT. Graduum 4.
& complementum TA. grad. 176. chorda eius seu duplicatus sem-
micomplementi Sinus erit AT. partium 199878. & residuum
TG. partium 122. At si spatium FS. partium 31. assumatur vt pri-
mum confectum tempore 4. minutorum horariorum, & spatium
in fine secundi temporis, idest minutorum 8. debet esse quadru-
plo maius, vt requirit proportio spatiorum cum quadratis tem-
poris 1. quod est 1. & temporis 2: quod est 4. debet secundam
spatium esse partium quadruplo maius quam 31. idest partium
124. at sistendo in peripheria circuli ATA. spatium GT. est tan-
tummodo partium 122. ergo, vt seruetur proportio Quadrato-
rum &c. necesse est, vt Graue huiusmodi conficiat spatium ma-
ius puta GP. partium 124. & sic curua linea recedat introrsus, &
intra semicirculum, sitque exempli gratia CPA. & tanto magis,
quanto magis accedit ad centrum A. Construximus autem ta-
bulam ad binos quosque gradus Quadrantis, in qua arcui semi-
circuli graduum 90. respondet, spatium partium tantummodo
58579. quæ iuxta proportionem Quadratorum temporum de-
berent

berent esse 61775. Vnde conclusimus in progressu Grauia recessura à semicirculari linea sed introrsus. Esto in principio descensus fuerint in circulari aut aliqua supra circulem iuxta dicta num. 34. Methodus autem nostra fundatur in Tabulis Sinuum iam demonstratis à plurimis Geometris, & communiter receptis, neque est *geometrica* eo quod pro exemplo determinauerimus CF. gradus 1. & CG. grad. 2.

38 Audiamus iam quid pro hac methodo dicat Fr. Stephanus, & quomodo hinc suppetet non FS. partium 31. sed FO. 24. ut graue incedat per CO. extra & supra circulem. In primis Considerationibus pag. 23. fideliter refert meam prædictam methodum, & tamen pag. 24. ait: *Io sono di opinione che caderebbe fuori, quod mox demonstrare conatur sic. Supponeremo che C D. sij quadrante, supponiamo parimenti che C F. sij arco d'un grado, e che in tal caso come bene deduce l'Autore dalla Tavola delli Seni. la FS. sij 31. di quelle parti delle quali C A. è 200,000: & perche in spatio d'hore 6. il punto C: con il moto diurno farebbe il quadrante C D. e il Graue arrivarebbe al centro A. & il moto del punto C. che si muoue con la revolutione diurna per il quadrante, è equabile, sarà tutto il quadrante C D. passato in 6. hore all' arco C F. di un grado passato in 4. minuti horarij, come il tempo al tempo. Adunque anco come il quadrato del tempo al quadrato del tempo, così sarà il quadrato del quadrante D C. al quadrato dell' arco C F. d'un grado. Ma il quadrato del quadrante C D. di gradi 90. è 8100. & il quadrato di C F. di un grado è 1. Adunque la proportion di 8100. ad 1. l'hà il quadrato del tempo di 6. hore. al quadrato del tempo di 4. minuti. Ma come il quadrato del tempo di 6. hore al quadrato del tempo di 4. minuti, così è il spatio A C. passato in 6. hore dal graue all'ingiù, al spatio passato in 4. minuti; Adunque come 8100. ad 1. così la C A. ouero F A. à questo spatio. Ma se, supponiamo che F A. sij 200,000. la proportion di 8100. ad 1. l'hà 200,000. à $24\frac{1600}{8175}$. Adunque tanto farebbe il spatio passato in 4. minuti. Ma F S. è di queste 31. Adunque il spatio passato è minore di F S. così dimostreremo di qual si sia spatio. Adunque la via del mobile caderebbe sopra la circonferenza. Loquitur ergo vniversaliter, & tamen ex ipsius calculis adduximus num. 35. viam mobilis casuram infra & intra circumferentiam CTA.*

39 Iam porrò Fr. Stephanus de Angelis supponit Graue, dum arcus CF. gradus vnus transiret minutis 4. horarijs & C D. quadrans transiret horis 6. peruenturum ad Centrum A. horis 6.

At

At hic casus nec vniversalis est, nec nisi rarissimè possibilis ; Graua enim pleraque longè citius peruenirent ad centrum. Terræ & illud, quod primo secundo horario pertransiret pedes 15, perueniret ad terræ centrum. minutis horarijs proximè 21. ex dictis num. 36. ipso Fr. Stephano supputante, descenderetque multo infr. FS. intra circulem. Imò si Graue primo secundo temporis conficeret vnicum pedem, fiat que vt pes vnus ad secundi vnus quadratum I, ita tota A C. pedum 23367958. ad aliud erit hoc quadratum temporis requisiti. ad totam A C. absoluendam, nempe 23367958. cuius Radix quadrata proxima est 4833. secundorum horariorum seu minutorum 80.³³ horariorum, quibus talis globus perueniret ad centrum. Terræ ; At si fiat vt partes 31. ipsius FS. ad 4. minutorum horariorum quadratum 16. ita pedes 23367958. totius A C. ad quadratum 12031731. eius radix proxima est 3469. Minutorum idest horariorum 57.¹⁹. Vicissim, vt Minutorum 3469. quadratum 12031731. ad 4. minutorum quadratum 16. ita totius A C. Pedes 23367958. ad pedes 55609. Non potest igitur applicari calculus Fr. Stephani ad casus, in quibus Graue pauciores, aut plures quam 6. horas insumeret descendendo ad centrum A. nec verum est vniversaliter ipsius assertum. Denique hoc ipso quod ex tabulis Sinuum rectè, vt ipse confessus est, deduximus F S. post arcum.

CI. gradus. i. esse partium 31. qualium A T. sit 100,000.

suspecta est aliqua ex illis proportionibus ex quibus

tandem nanciscitur F S. partium 24. At quia ni-

hil hæc controuersia obest, aut prodest

nostris Argumentis contra Sy-

stema Copernicanum,

non est operæ

pretium

in;

ea diutius Immo-

rati.

Ex magno autem canone Bartholonæi Pitisci, chorda 15. secundorum continet partes 72667265. qualium Radius est vnitas cum duodecim cyphris, ergo qualium Radius A E. est pedum 23367468. talium chorda G. est pedum 1698. $\frac{5}{1000}$. in plano Aequatoris. Pro Parallelo autem Bononiensi, fiat vt 1699 $\frac{1}{2}$ ad 1698. $\frac{5}{1000}$. ita pedes 1211. arcui debiti ad pedes chordæ G. debitos proximè 1210.

Fiat iam in Aequatore, vt AE. pedum 23367468. ad Isoscelis basim, seu chordam G. pedum 1698. $\frac{5}{1000}$. ita AC. pedum 23367958. ad aliud & prodibit chorda F. pedum 1698. $\frac{8}{1000}$. similique methodo in parallelo Bononiensi, inuenta est chorda F. pedum 1610. $\frac{6}{1000}$. Quæ placet in Synopsi sequenti repræsentare, electa IHK. media inter extremas.

In Isoscele BAC. Arcus BC. & DE. Secundorum 15.

Crura Ped. Rom.	Pedes in Aequatore	Pedes in Parall. Bon.
AD. & AE. 23367468	Arcus DE Chordæ.	Arcus Chordæ.
AI. & AK. 23367718	1699 $\frac{1}{2}$.	DE F 1210 $\frac{6}{100}$
AB. & AC. 23367958	G. 1698 $\frac{5}{1000}$	G 1210
	H. 1698 $\frac{6}{1000}$	H 1210 $\frac{8}{100}$
	E. 1698 $\frac{8}{1000}$	



XIV. PROPOSITIO

Problematica.

Determinare quantitatem curvarum linearum, quas in hypothesi diurni motus Terræ, describeret graue primo secundo horario pertransiens apparenter in perpendiculari pedes 15. & altero secundo pedes 45. & Angulos inclinationis factos à dictis lineis.

41 **I**N proximo Schemate AC.

est distantia Centri Terræ A.

à rostris, seu quasi vertice C.

Turris Asinellæ, quam numero

præcedenti statuimus Pedum

Romanor. 23367958. & Arcus

FC. secundorum 15. debitorum

reuelutioni diurnæ vnus secun-

di horarij, cui æqualis est Arcus

FG. altero secundo horario de-

bitus. Chorda autem FG. ex

dictis eodem numero 40. est in

Aequatore pedum Romanor.

1698. relictis fractionibus. &

chorda similis arcus DE. in su-

perficie Maris Hadriatici non est

integrali pede minor, sed & ipsa

est rotunde pedum 1698. multo

minus ergo chorda SO. similis ar-

cus discrepat a chorda FC. & est ipsa quoque pedum 1698. At

in Parallelo Bononiensi Chordæ FC. & SO. sunt pedum 1210.

Quoniam verò curua punctis designata, quam graue prædictum,

descensu suo describeret, non potest esse maior proportionaliter

sua chorda, quam sit arcus FC. sua chorda, ex quantitate chordæ

CS. coniecturam faciemus de quantitate curuæ CS. & ex quan-

titate chordæ TS. de quantitate curuæ TS. id enim satis est ad

propositum nostrum, vt postea videbimus.


Primò itaque in Triangulo Isoscele AFC. datur Angulus A. secun-

dorum 15. ergo singulus angulus ad Basim, vt CFS. est Grad.

89. min. 59. sec. 52. tert. 30. & FS. est pedum 15. & chorda

FC. est pedum 1698. in Aequatore; pedum autem 1210 in Pa-

rallelo Bononiensi: Ergo per canones Trigonometricæ Loga-




rithmicæ chorda CS. euadit pedum 1698. $\frac{4}{100}$. in Aequatore, & pedum 1210. $\frac{11}{100}$. in Parallelo Bononiæ Angulus autem FSC. quo chorda CS. inclinatur à perpendiculari F A. est Graduum 89. min. 30. sec. 21. in Aequatore.

Secundò in Triangulo Ifofcele AOS. datur Angulus alter OAS. Secundorum 15. ergo Angulus A O S. qui est idem cum Angulo TOS. datur graduum 89. min. 59. sec. 52. tert. 30. & chorda OS. pedum 1698. in Aequatore; At pedum 1210 in parall. Bonon. quia verò in altero secundo horario, Graue apparenter fecit spatium OT. pedum 45. ideo in Triangulo TOS. per canones Trigonometriæ Logarithmicæ, euadit chorda TS. pedum 1699. $\frac{10}{100}$. in Aequatore; & pedum 1211. $\frac{18}{100}$. in parall. Bonon. Angulusque inclinationis OTS. Grad. 88. min. 29. sec. 39. patet ergo Graue hoc in curua CST. descensurum vniformiter physice, cum ex chordis eius in secundo æqualium temporum non absoluerit spatium maius præcedenti quam pede 1. & $\frac{6}{100}$. qui excessus, licet in rigore Geometrico acceleratiunculam quandam inferat, physice tamen, & comparatiuè ad pedes 1699. & ad accelerationem percussioni debitam quæ quadruplo ferè maior esse debuit, nulla est, sed contemptibilis, nec vniformitati physicæ, ac sensibili officiens differentia verò angulorum Inclinationis fuit, vt cernis in sequenti Synopsi.

Chordæ Pedes In Aequat.	Romani in Paral Bon	Anguli Inclinationis		Differētia Inclinationū	
		In Aequat.	in Paral. Bon.	In Aequat.	In Paral Bon.
CS 1698 $\frac{4}{100}$	1210 $\frac{11}{100}$	G 18	G 1 11	G. 1 11	G. 1 11
ST 1699 $\frac{10}{100}$	1211 $\frac{18}{100}$	SFC. 89. 30. 21	89. 18 9	1. 0. 42.	1. 25 12
		OTS. 88. 29. 39	87. 52. 57		

Determinare quam, & quantam lineam describeret aliquod Graue naturaliter descendens duobus prioribus secundis, singillatim horarijs, & quoto angulo inclinaretur à perpendiculari in hypothesi motus diurni, simul & Anni Telluris,

42 **V**lſa ſemper eſt abſtruſæ phantaſiæ linea, quam hic inquiremus eni aliquo modo mederi conati ſumus lib. 9. Almageſti Noui ſect. 4. cap. 17. & 19. multis figuris. Nunc autem vnica ſimpliciore figura tantum exhibebimus, quantum ſufficit diſcreto & perito viro, vt iudicare poſſit de qualitate, quantitateque lineæ prædictæ, cuiusque inclinatione à perpendiculari ducta ad centrum Telluris ſed præmittendæ ſunt aliquot ſuppoſitiones, vbi figuram expoſuerimus, ante figuram tamen vna ſuppoſitione opus eſt videlicet Solis radios ab eius centro ad Terram ductos eſſe inter ſe parallelos ad omnem ſenſus ſubtilitatem, vt lib. 3. Almag. Noui cap. 5. num. 6. cum Ptolemæo, Vittellione, Petro Nonio, Villebrordo Snellio, & Bonauentura Cauallerio demonſtrauiſimus, etiam ſi vnus radius duceretur ex Solis centro ad centrum Terræ, alter autem ex Solis centro ad extremum Telluris ab ipſo contractum, nec diſtantia Solis à Terra eſſet tanta quantam nos ponimus.



Esto iam ABC. chorda arcus, quem Telluris centrum percurreret annuo motu in orbe magno, tempore duorum secundorum horariorum, qui arcus ex medio motu Soli attributo, est Tertiorum 50. & Quintorum 42. eiusque dimidium AB. Tertiorum 25. Quartorum 25. Quintorum 21. Huic parallela (sed ingenter plus distans, quam in angustia chartæ huius exhibetur) ducatur, & æqualis DEF. nam Solis diameter minorum fere 32. est multo maior, fiatque parallelogrammum rectangulum ADFCA. sit iam in principio descensus Globi nostri, Telluris centrum in A; Oculus observatoris de die circa meridiem sit in G, vertex autem Turris vnde Globus dimissus fuit, sit H. In fine, autem prioris secundi horarij, Telluris centrum annui motus vi, delatum sit in B. Si Tellus non fuisset mota Ortum versus diurnæ reuolutionis vi, oculus observatoris manens ubi erat, esset in I. & vertex Turris in K. & globus apparet in L; confecto apparenter spatio KL. pedum 15. sed propter motum diurnum, Tellus reuoluta versus Orientem, transulisset Turrim ad Perpendicularem BM. quantum requirit arcus NI. seu angulus NBI. secundorum 15. qui vni secundo horario debentur de diurna reuolutione Telluris circa sui centrum, propterea oculus N. videret globum in O. confectis apparenter in MO. pedibus 15. & via vel chorda viæ à globo descriptæ in spatio mundano esset HO. & vertex Turris esset in M. ducatur porro per K. recta HP. parallela ipsi DEF, & ad illam producat recta BM. vsque ad Q.

Translato iam in fine posterioris secundi horarij Telluris centro de B. in C. Turris erit in perpendiculari CR. confecto, vi diurni motus arcu ST. secundorum 30; quantus quoque erit angulus SCT. oculus autem V. videret globum in X. confecto apparenter spatio ex pedum 60. ducatur ergo ex O. recta altera OX. pro chorda viæ reliquæ à globo confectæ. Tandemque ad punctum X. ducantur rectæ BX. & CX. formata enim erunt 4. Triangula, quorum analysi Problema soluemus, præparatis quantitatibus pedum, quibus indigemus.

43. Suppono secundo. ex Astronomia Reformata, mediocrem distantiam Solis, & centri Terræ semidiametrorum terrestrium 7300 & ex Geographia Reformata Semidiametrum Terræ, esse pedum Romanorum 23367468. quæ ducta per 7300. faciet distantiam Solis à cetro Terræ pedum 170582516400. nempe Semidiametrum Orbis Annui: ex libro autem 1. Almag. noui cap. 4. sicut diameter

ad circumferentiam, ita semidiameter ad semicircumferentiam est vt 100. ad 314. Fiat ergo vt 100. ad 314. ita pedes 170582. 516400. ad aliud, & prodibunt in semicircumferentia orbis Anni quæ est graduum 180. pedes Romani 535639101496. & his diuisis per 180. proueniunt vni *Gradui* Pedes Rom. 297571-7230. $\frac{1}{2}$. Quibus diuisis per 60. proueniunt vni *Minuto* pedes 495-95287 $\frac{1}{2}$. & his rursus per 60. diuisis proueniunt vni *secundo* pedes 826588 $\frac{7}{60}$. & sic per sexagenas subdiuidendo proueniunt vni *Tertio* pedes 13776. $\frac{1}{2}$. & vni *Quarto* pedes 229 $\frac{1}{2}$. & vni *Quinto* pedes 3 $\frac{1}{6}$.

Cum ergo vt supra diximus Arcui chordæ AB, tempore vnus secundi horarij, conueniant de motu annuo *Tertia* 2. *Quarta* 25. & *Quinta* 21. Aggregatis omnibus pedibus, chorda seu arcus AB. continebit pedes Romanos 33373. & tantundem continebit chorda arcus BC. vt videre est in adiecta tabella.

Tert.	Ped.	Tert.	Pedes
1	13776 $\frac{1}{2}$	2	27553
Quart.	229 $\frac{1}{2}$	Quart.	
1		25	5740
Quint.		Quint.	
1	3 $\frac{1}{6}$	21	80
Summa		33373	

- 44 Suppono *Tertio* rectos radios DA.EB.FC. esse ad omnem sensus subtilitatem parallelos, vt dixi paulo post numerum 42. ideoque chordam HK. chordæ AB. esse physice æqualem nec posse esse minorem vno integro passu. Nihilominus ad remouendos scrupulos semidiametro Orbis Anni subtrahemus totam AH. quam num. 40. diximus esse pedum 23367958. & relinquetur semidiameter orbis annui decurtata, terminataque ad H. pedum Rom. 170559148442. qua ducta per 314. & producto diuiso per 100. restant pro Semicircumferentia Orbis eiusque chordæ per HK. descriptæ pedes 535555726108. Et his diuisis per 180. proueniunt vni *Gradui* pedes 2975309589 $\frac{1}{2}$. Subdiuidendo autem per sexagenas proueniunt *Minuto* vni pedes 495884936 $\frac{1}{60}$ & vni *secundo* pedes 826474. $\frac{52}{60}$. Et vni *Tertio* pedes 13774. $\frac{34}{60}$. & vni *Quarto* pedes 229. $\frac{35}{60}$. & vni *Quinto* pedes 3. $\frac{5}{6}$. Quare aggregatis pedibus conuenientibus chordæ, & Arcui HK, sunt pedes 33369. His præparatis, soluenda sunt Quatuor:

Tert.	Pedes	Tert.	Pedes
1	13774 $\frac{34}{60}$	2	27549 $\frac{8}{60}$
Quart.	229 $\frac{35}{60}$	Quart.	5739 $\frac{15}{60}$
1		25	
Quint.		Quint.	80
1	3 $\frac{5}{6}$	21	
Summa		33368 $\frac{53}{60}$	

Quatuor Triangula, sed quia per aliquot dies hemicrania me infestum habuit, P. Iosephus Ferronius pro sua humanitate, ac peritia, illorum solutionem absoluit, & mihi communicauit, vt infra.

45. *Primo* enim in Triangulo BKQ. datis angulo K, recto ob parallelismum radiorum AD. & BE. secantium chordam HB, & angulo QBK, secundorum 15. quantus est arcus NI. confectus à diurna Telluris reuolutione, vno secundo horario; & data ex dictis num. 40. tota BK, pedum Romanorum 23367958. Reperta est BQ, pedum 23367958. $\frac{61}{1000}$ & KQ, pedum 1698. $\frac{310}{1000}$ quam subtrahendo chordæ HK, quæ ex dictis num. 44. est pedum 33368 $\frac{43}{60}$ vel rotundè 33369. remanet HQ, Pedum 31670. $\frac{150}{1000}$.

Secundo in Triangulo HQO. datur HQ. nuperrimè reperta pedum 31670. $\frac{150}{1000}$. & OQ, pedum 15 $\frac{61}{100}$. Tota enim BQ. in primo progressu reperta fuit pedum 23367958. $\frac{61}{1000}$. Est autem BM. quantà BK, pedum 23367958. & OM. pedum 15. quos videretur pertransisse globus, ergo his demptis, restat BO, pedum 23367943. & OQ. pedum 15 $\frac{61}{100}$. Angulus autem HQO. æqualis duobus internis, & oppositis nempe Recto K, & angulo KBQ. secundorum 15. est Graduum 90. min. 0. sec. 15. ex quibus tribus datis, reperta est HO, pedum Rom. 31670. $\frac{114}{1000}$. nempe Chorda viæ, aut via ipsa globi, confecta in spatio mundano à dicto globo, tempore prioris secundi horarij. Angulus autem Inclinationis HQO. repertus est Grad. 89. minut. 58. secund. 5. $\frac{1}{2}$.

Tertiò in Triangulo BCX, datur Angulus BCX. Grad. 89. minut. 59. sec. 30. quia in fine posterioris secundi horarij Tellus confecit arcum VT, secundorum 30. vi diurnæ vertiginis, & Radius FC, cum chorda BC, ob parallelismum efficit BCT, rectum. Datur præterea BC. ex dictis num. 44. pedum 33373. & CX. pedum 23367898. si nimirum toti CR; quæ tanta est quanta BK, pedum 23367958. subtrahas RX, pedum 60. quos in fine posterioris secundi horarij visus esset pertransisse globus, iuxta perpendicularum Turris. Igitur ex tribus his datis reperta fuit recta BX. pedum 23367917. $\frac{37}{1000}$. & Angulus CXB, Grad. 0. min. 4. sec. 54. vnde constitit Angulus CBX, Grad. 89. min. 55. sec. 36.

Quartò in Triangulo OBX, datur BX, nuper reperta pedum 23367917 $\frac{37}{1000}$. & OB. ex secundo progressu reperta fuit pedum 23367943. Angulus autem CBX. repertus est gr. 89. minut. 55. sec. 36. qui demptus recto KBC, relinquit KBX, grad. 0. minut. 4. sec. 24. & huic addendo OBK, secundorum 15 euadit totus OBX, grad. 0. min.

min. 4. sec. 39. Ergo ex his tribus datis, reperta est *chorda* QX , id est via Globi in posteriori secundo horario confecta, vi motus Annui, pedum $31721 \frac{466}{1000}$. & Angulus BXO , grad. 90. min. 0. sec. 30. qui iunctus angulo BXC , per Tertium progressum reperto graduum 0. minut. 4. sec. 54. conflat angulum OXC , grad. 90. minut. 5. sec. 24. & horum summa adempta duobus rectis, relinquit Angulum CXT , grad. 89. min. 45. sec. 36. hic autem æqualis est conuerticali Inclinationis Angulo OXR .

Constat ergo ne motus quidem Annui beneficio, talem globum, physicè acceleratum esse, sed quoad viam transuersalem vni-formiter delatum esse; neque aliter inuenietur, etiam si utamur alia Solis distantia à Terra, aut alia quantitate Semidiametri Terrestris ex his, quæ probabiles consentur nam proportionaliter inuenietur HO , physicè æqualis ipsi OX , neque Arcus harum chordarum (si tamen globus per eos deferretur) inter sese inuenientur sensibilibiter inæquales. His positis, ponemus duas propositiones, & absoluemus hoc caput.

XVI. PROPOSITIO

Neque in hypothesi Diurni motus; neque in hypothesi motus Annui Telluris, Graue aliquod naturaliter descendens duobus secundis horarijs, quoad viam transuersalem per quam in spatio mundano descenderet, acceleraretur physicè; sed vni-formi motu descenderet, absque inæqualitate sensibili, aut contemnenda.

46 **D**Ixi quoad viam transuersalem in spatio mundano; quia sequenti capite expendendum est, an per lineam perpendicularem horizonti terrestris, Graua descenderent, in Systemate Copernicano, & in tali descensu realiter accelerarentur tantum, quantum requirit maior validitas percussionis. Nunc autem loquendo solum de via seu linea transuersali, Propositio probatur, quia spectato solo motu diurno, Globus noster, qui dimissus ex quasi vertice Turris, visus est, pertransisse in priori secundo horario pedes Romanos 15. & in fine posterioris secundi pedes 60. In hypothesi diurni solius motus Telluris transuersaliter in spatio mundano pertransisset prius pedes 1698. $\frac{2}{1000}$. Et posterius pedes 1699.

$\frac{30}{100}$. in Aequatore; in Parallelo autem Bononiensi prius pedes 1211. $\frac{78}{100}$. vt ostendimus nu. 41. At spectato motu Annuo Telluris, idem globus in priore Secundo pertransisset pedes 31670. $\frac{154}{1000}$ in posteriori autem pedes 31721. $\frac{466}{1000}$. vt patet ex calculis numeri 41. Quis autem iudicio physico vsus nō assentiatur in itinere pedum 1699. aut etiā 1211. vnius pedis differentiam perinde habendam ac si nulla esset sicut, & in itinere pedum 31721. vi motus annui pedum 51. differentiam in ordine ad impetum atque accelerationem requisitam ad percussione, quæ sere quadruplo maior reperta est in fine posterioris secundi, quàm in fine prioris secundi, perinde habendam, ac si nulla esset.

XVII. PROPOSITIO.

Neque in Hypothesi Diurni, neque in hypothesi Annui motus Telluris, Grane aliquod descendens transuersaliter duobus secundis horarijs variaret Inclinationem à sua perpendiculari tam physice, ac sensibilibiter, quantum requirit validior percussio.

47 **L**icet enim diuersitas Inclinationis, nihil per se faciat ad validiorem percussione, si cœtera omnia sint paria, vt docuimus propof. 8. à n. 28. Tamen dato quòd faceret aliquid, non sufficeret perexigua diuersitas Inclinationis. Vidimus enim num 26. in 3. experimento opus fuisse Inclinationis differentia graduum 10. vt idem globus ex altitudine pedum 15. dimissus, reflecteretur per lineam digitorum 110. obliquè, qui recto resultu reflexus, fuerat 92. At vi diurni motus, differentia Inclinationis, vt patet ex fine numeri 41. non esset maior Gradu 1. & sec. 42. in Aequatore, vel Grad. 1. min. 25. sec. 12. in nostro parallelo. Vi autem motus Annui differentia illa non excedit min. 12. 30. vt patet ex calculis num. 45. productis.

Neque licet hic recurrere ad Sinus Inclinationum, quia non constat naturam Grauium in descensu transuersali seruataram has Leges, tum quia inter Sinus hosce non est illa proportio quæ requiritur à validiore ictu. Nam ex dictis num. 42. Inclination prior in Aequatore esset grad. 89. min. 30. sec. 21. quorum Sinus est 9999628. qualium sinus totus est 10000000. Inclination verò posterior esset grad. 89. min. 29. sec. 39. quorum Sinus est 9999612: & sic de similibus.

XVIII. PROPOSITIO

*Si ex validiori percussione estimanda est acceleratio, seu maior
velocitas Grauis percutientis, quoad motum transversalem,
nec aliunde haberetur vis validius percutiendi, oportet
ret, ut aliquod Graue triplo ferè maius spatium
pertransiret in posteriori secundo horario
quam in priori, aliquod verò Graue,
ferè quadruplo.*


48 **P**ropositio hæc fundatur in illis experimentis, quibus ex percussione colligitur triplo, aut quadruplo maius spatium adhibendum esse, ut percussio fiat quadruplo, imò minus, quam quadruplo maiori, iuxta dicta num. 27. loquendo de spatio sub nostrum visum cadente. Proinde si aliunde non oritur vis percussio- nis, quam ab impetu acquisito in via transversali cum ma- iori, & maiori velocitate oporteret ut nostrum graue in priori secundo horario, vi diurni motus in parallelo Bononiensi confi- ceret pedes 1210 $\frac{11}{100}$, sed in posteriori seorsim pedes triplo plu- res nempe 3630 $\frac{33}{100}$. Via autem motus annui, in priori secundo pedes 31670 $\frac{154}{1000}$, in posteriori autem pedes 95011, ita ferè exi- gente differentia percussio- num: Et tamen tanta in vtro- que Secundo vni- formitate descenderet, ut sua velo- citate vix excederet velocitatem corporis su- biecti ad eandem partem, vi motus Telluris, translati, ideoque so- lo hoc tantillo excessu velocitatis il- lud percuteret, aut contingeret, ut infra magis ex- plicabi- tur.

CAPVT QVINTVM.

An præter lineam obliquam in spatio Mundano, Graua descensu naturali vi motus Telluris, descenderent physice, verè ac realiter per eandem lineam perpendicularem horizonti terrestri, sicut apparenter descendunt per illam.

49 **H**Oc est potissimum controuersæ punctum. Nam differentia percussionum, quas faciunt graua descendendo ex notabiliter altiore loco, aut accedit ad differentiam altitudinum, aut tanta est, vt prærequirat in Grauium descensu accelerationem magnam, & realem; Graua autem descendendo per viam obliquam non accelerarentur sensibiler in hypothesi motus Telluris, nec percuterent subiectum corpus, quod æquali ferè velocitate fugeret Orientem versùs, nisi exiguo illo velocitatis excessu, quo fugam subiecti corporis superarent, aut ad merum contactum eius peruenirent. Ergo ad saluandum tam notabilem excessum percussionum opus esset, vt Graua per aliam viam realiter descendendo, in illa tantum accelerarentur, quantum nunc videntur accelerari descendendo per eandem apparenter lineam perpendicularem horizonti, & in ea transeundo spatia proportionalia numeris quadratis temporum. Hinc aliqui concepto per phantasiam hoc motu, non dubitarunt asserere, Graua in prædicta hypothesi descensura physice, verè ac realiter per eandem lineam perpendicularem per quam nunc descendunt, cum eadem reali acceleratione, cum qua nunc videntur accelerari. Ita sentit Fr. Stephanus de Angelis in primis super Argumento meo Considerationibus à pag. 85. ad 110. & in secundis Considerationibus à pag. 60. ad 90. & D. Io. Alphonsus Borellus in Opere de Vi percussionis à pag. 110. ad 113. & in Responsione ad D. Michaellem Angelum Riccium pag. 6. Id ipsum multo ante asseruit D. Iulius Turrinus, in suo Niceta Orthodoxo, Duplicaque ad me scripta à pag. 10. & in eandem opinionem propensum video D. Io. Dominicum Cassium: Quorum vt pote virorum doctissimorum, ac profundi iudicij, solame auctoritas commoueret, nisi ratio in oppositum me compelleret; consuluissemque alios multos meæ rationi subscribentes: Anteaquoque DD. Saluiatus, & Sagredus Galilæi sententias repræsentantes in Dialogis de Mundi Systemat. pag. 159. cum dictum esset Graua in hypothesi motus diurni Terræ descensura
per

per circumferentiam circulari proximam D. Sagredus pag. 160:
 subiungit. *Ed considerando vn'altra cosa mirabile, e questa è, che
 stanti queste considerationi, il moto retto vadi del tutto à monte, &
 che la natura mai se ne serua: poiche anco quell'orso, che da principio
 gli si concedette; che si di ridurre à suo luogo le parti dei corpi inte-
 grali, quando fossero dal suo tutto separate, gli vien lenato, & asse-
 gnato al puro moto circolare.* Huic autem Considerationi statim
 D. Saluiatus assensus est dicens. *Questo seguirebbe necessariumen-
 te, quando si fosse concluso il globo terrestre mouersi circularmente.*
 Sensere itaque cum Galilæo ex circulari motu Terræ sequi ne-
 cessario, vt Graui non descenderent per rectam lineam, sed per
 obliquam, seu transversalem circulari proximam: Operæ igitur
 pretium est in medium producere rationes pro hoc motu. Gra-
 uium recto ac perpendiculari secuturo ex Telluris motu, & con-
 tra hunc motum. Quod vi faciliiori imaginatione fiat præmitte-
 mus hoc schema, in quo sit Terræ centrum A: & vertex Turris,
 vnde globus dimissus sit B, qui in fine prioris secundi visus est
 descendere per perpendicularem AB, & cadere in C. confecto
 spatio B. C. pedum 15. intervallo
 itaque AB describatur Arcus BD,
 quem duobus, secundis horarijs
 describeret Globus si maneret in
 puncto B. & Grauitas illum non
 inflesteret deorsum; diuiso que
 hoc arcu bifariam in E. ducantur
 perpendiculares A. D. & A. E. ei-
 dem verò arcui describantur simi-
 les duo arcus, vnus ex C. per F. in
 G. alter ex H. per I. in K. ita vt spa-
 tium in fine posterioris secundi
 pertransitum, nempe DK. sit qua-
 druplum spatij E. F. pertransiti ap-
 parenter in fine prioris secundi
 horarij. Intelligatur præterea cor-
 pus pereutiendum vnà cum per-
 pendulari A. B. transferri pri-
 mum ex C. in F. & oculus obser-
 uatoris ex H. in I. deinde corpus & oculus prope H. transferri in
 K. Globus autem B. descendat in F. per obliquam lineam B. F.,
 quæ excedat tantilla portiuncula FL, arcum CF, & in posteriori
 secundo per obliquam EK, descendat in K, & excessus modicus:



lineæ FK. supra arcum IK. sit KM. Quæritur iam, utrum præter obliquam lineam BFK. Graue descenderet per perpendicularem AB. translata ad AE. & AD; ita ut reipsa descendisset primum per EF. & deinde per GK. an verò solo, & vnico motu per obliquam BFK. reperiretur in diuersis punctis F. & K. perpendicularium AE. & AD. & solum apparenter videretur descendisse per EF; oculo translato in I. & per GK. oculo translato in K.

Rationes pro Affirmatiua descensus perpendicularis, quinque reperi apud eius defensores; duas communes, & reliquas particulariter nostro casui applicandas & sunt hæc. 1. Possibilitas duplicis motus diuersi facti ab aliquo mobili, ex quo resultet tertius motus mixtus. 2. Motus communis composibilitas, cum motu proprio nihil impedito à communi motu 3. Motus Aëris, & eiusdem perpendicularis pariter cum Graui translata, & successiuum esse Grauis in eadem perpendiculari 4. Mensura distantiae à termino à quo, & accessus ad centrum Terræ, non in alia linea æstimanda, quam in perpendiculari ad horizontem Terræ. 5. Percussio à solo motu descensiuo facta; non autem a motu circulari. Has seorsim examinare oportet.

50 *Prima Ratio.* Non est impossibile idem mobile moueri simul duobus motibus continuè diuersis, & ex his resultare motum mixtum ex duobus illis, ergo non est impossibile idem Graue vi motus circularis tendere Orientem versus, & vi grauitatis descendere per eandem perpendicularem, & ex his motibus in spatio Mundano designari lineam transuersalem ex illis mixtam. Si autem hoc est possibile maximè in Grauium descensu in quo hypothesi Copernicana supponit duplicem vim motiuam, vnam circulariter versus Orientem; alteram perpendiculariter, vel quam breuissime motiuam versus centrum Grauium, quod sufficit ad maioris probationem. Maior verò probari posset innumeris exemplis: Sed hæc pauca sufficiant. Spiralis enim linea sic generatur; ait quippe Archimedes Opere de spiralibus: *Si recta linea in plano altero eius termino quiescente, circumferatur, donec ad locum redierit, unde primum cepit moueri, & simul cum hac circumducta linea punctum feratur, & ipsum semper sibi ipsi equali semper velocitate moueatur, secundum ipsam lineam motam, incipiatq; à termino quiescente versus alterum ferri punctum, huiusmodi spiralem lineam in plano describet.* Hinc Fr. Stephanus de Angelis pag. 89 primarum considerationum concludit si formica incedat per eandem rectam lineam, & linea illa physica circūducatur circa vnum sui extremum, fore ut formica describat lineam spiralem resultantem ex duplici motu reali

1 vno formicæ supra eandem rectam lineam, altero eiusdem rectæ
 2 lineæ circa sui extremum circumductæ. Sic dum graue pondus vi
 3 cuius ianua aperta, sponte clauditur, quia pendet ex fune per tro-
 4 chleam tergore ianua affixam, dum ianua circulari motu circa
 5 cardines describit cylindricam superficiem & pondus circa alium
 6 cylindrum describit spiralem cylindroidem; recto tamen descen-
 7 su fertur deorsum per eandem perpendicularem funis eiusdem.
 8 Denique facillimo experimento, si quis globo ligneo aut metal-
 9 lico diametraliter perforato inserat virgam inflexilem longam, &
 10 cylindraceam, sitq; foramen globi aliquantulo maius crassitudine
 11 virgæ; & infimum extremum virgæ affigat pavimento, circa quod
 12 extremum circumducatur virgam in eodem plano vna cum globo,
 13 & interim globum de suprema parte virgæ premas deorsum; vi-
 14 debis duos reales motus vnū virgæ in gyrum actæ, alterum globi
 15 per eandem rectam virgā deorsū protusi, & ex his duobus motibus
 16 resultabit spiralis linea facile intelligibilis, imò & designabilis.

31 *Respondeo.* Distinguendo *Maiorem* propositionem, eamq; conce-
 dendo si sint duo mobilia, quorū vnū per se mouetur suo proprio
 motu, per accidens autem mouetur ad motū alterius realis entis
 mobilis, cui adheret seu insistit aut ipsummet mouet, ideoq; hoc
 aliorum moto, aliorum quoque vehitur, aut trahitur, sicut eue-
 nit in exēplis quibus probata est maior, & in omnibus alijs, quos
 inductione facta examinaui, & in quibus idem mobile per duas
 actū diuersas lineas fertur. Sed nego *Maiorem*, si vnicum, & idem
 sit mobile quantumvis præditum duplici vi motiua in diuersas
 partes, nec moueatur per accidens ad motū alterius rei, cui adhe-
 reat vel insistat; sed per se ac seipsum moueat. Tale enim mobile
 impossibile est naturaliter, vt continuè, ac successiue seipsum to-
 tum, aut eandem sui partē idemue sui punctum moueat actu simul
 per diuersas partes, & motu perfectè intento a singulis virtutibus
 motiuis, seorsim consideratis, & in actu primo id conantibus; sed
 necesse est vt aut scindatur Mobile, & vna eius pars moueatur
 versus vnā Mundi plagā; altera verò versus alteram; aut vt vna
 virtus alteri contemperetur, & concilio quodam, vt sit in mixtis,
 conspirent, & concordent in vnicū motum de vtroq; imperfectè
 participātem, & neutra vis motiua obtineat suū effectū perfectū,
 & adæquatum. Ratio negādi cum tali distinctione *Maiore* à po-
 17 steriiori quidē est inductio facta, quantū circumspicere intellectu
 18 potui, per omnes casus imaginabiles. hactenus enim casū nullum
 19 reperire potui, in quo *Idem, & vnicum Mobile seipsum totum suue*
partem eandem, idemue punctum moueat per se & non ad motū alte-
 20 *rius*

rius ab alio vel à se moti, moveaturque successiue, & continuè per diuersas, & actiue distinctas lineas. Et viceuersa nullum casum sine ab Aduersarijs, siue à nobis excogitatum reperi, in quo non sint duo mobilia realiter distincta quouiescunque vnum mobile mouetur secundum se totum aut eandem sui partem, idemue punctum in diuersas actiue plagas; semper enim motui per se facto à mobili per lineam propriam adiungitur motus alterius mobilis, cui illud alterum insitit, aut adhæret ideoque, aut illud mouet, aut ad motum illius peraccidens mouetur vectiōe aut tractiōe.

Apriori autem ratiocinando per omnes combinationes possibiles duarum facultatum localiter motuarum versùs diuersas partes: Si neutra ob mutuam æqualemque resistantiam mouet, aut si vnica tantum suum motum perfectum efficit altera psorsus impedita, & oriante; aut vtraque conspirat in vnicum motum mixtum, & neutra efficit suum proprium motum perfectè, & adæquatè, & in his tribus casibus, aut nullus, aut vnicus motus fit per vnicam lineam. Si verò vtraque vis motiua mouet actu idem mobile motu perfectò eo adæquatè debito suæ virtuti, independenter ab altera, perinde ac si altera non operaretur; & in hoc casu, aut scinderetur mobile in duas partes, aut simul esset in locis realiter distinctis, quod sine reproductione, aut replicatione diuinitus facta contingere nequit, & sic in figura præmissa; si vis circulariter motiua globi B moueret per eundem arcum BD, qui est motus perfectè debitus virtuti motiue Orientem versùs, & imitatiuæ motus circularis Terræ, in fine posterioris secundi horarij globus fuisset in D. vi autem grauitatis mouentis deorsum per BH. translata in DK. idem globus esset in K. eo momento, quo esset in D. quod naturaliter est impossibile; sicut ob eandem causam non potest moueri idem duobus motibus contrarijs continuè, & successiue; ideoque ad saluanda phænomena motuum cœlestium, qui videntur continuè fieri in contrarias Mundi plagas. Astronomi diuersas hypothesès, ac Theoricas excogitarunt, & ipsemet Copernicus motum Telluris suscitauit. Superest igitur vltimus casus fictus ab aduersarijs, vt vna vis motiua suum perfectum motum operetur independenter ab altera, nec impedita, aut modificata ab hac; altera verò hæc non operetur suum motum perfectum, sed imperfectum tantum, eo quod ab altero impediatur, seu modificetur. Sed hic casus irrationabiliter, & absone fictus est, cum nulla ratio probabilis assignari queat, ob quam vna virtus motiua moueat idem punctum, quod ab altera

tera interim mouetur, & mouendo in diuersam plagam ab ea, in quam altera mouet, non diuersificet alterius motum, imediatque ne perfectè fiat ab altera; concurreret enim, & non concurreret ad eiusdem puncti motum. Dato tamen, & non confesso hoc casu, non potest hic applicari descensionis Grauium, in quibus præualeret notabiliter, iuxta Copernicum vis motiua circulariter Orientem versus Grauitati motiue deorsum, tum quia motus in gyrum esset essentialis corporibus terrestribus, tum quia vis motiua circulariter vnico secundo horario pertransiret in Aequatore pedes Romanos 1698. vi solius motus diurni, vi autem motus annui pedes 31670. ex dictis num. 41. & 45. At vi grauitatis non pertransirentur nisi pedes circiter 15. Nulla igitur ratione aut iudicio physico (quidquid sit de Metaphysica suspitione) debet dici præualituram grauitatem ad motum deorsum per eandem perpendicularem, sed potius præualituram vim circulariter motiuam, ne recta graue deorsum tendat, sed oblique descendat, & in eo prædominetur motus versus Orientem; longè enim sunt plura puncta diuersorum circularum, in quibus reperiretur Graue, quam puncta eiusdem perpendicularis.

- 32 *Secunda Ratio* pro affirmatiua descensus recti per eandem perpendicularem in hypothese Copernicana hæc est. Inductione constat quando aliquod mobile mouetur motu vno communi, altero proprio, proprium non impediri à communi: Sed in hypothese Copernicana motus circularis Orientem versus esset motus communis omnibus corporibus, siue grauib, siue leuib, & siue in suo loco naturali quiescentibus, siue extra suum locum, & male dispositis; motus autem deorsum esset proprius, & solis Grauib extra suum locum positis conueniens. Ergo motus circularis Grauium non impediret motum perfectum deorsum per eandem perpendicularem. *Maiorem* probare conantur diuersis exemplis. Si quis enim curru vectus Bononia Mutinam ferat secum horologium rotularium, Sagitta horatum index describet totum circulum, nihil obstantè communi motu currus. Item si quis in naui eunte versus Orientem, sedens ducat rectam lineam supra chartam versus Mundi polos, cursus naui non impediet ductum illius rectæ lineæ &c.

Respondeo negando *Maiorem* vniuersaliter sumptam, & vbi ea valet negando patitatem in *Minori* suppositam. In multis enim casibus motus communis impedit, aut retardat, aut diuersificat proprium. Horologij arenarij veloci motu gestati segnius delabuntur arenulæ

nula sitque mensura temporis prolixior. Ex curru vel naui velociter curren-
te defiliens aliorum motu impresso, non sine periculo deuoluitur. Si praelongam virgam teretem globo inferas ita ample perterebrato, vt per eam decurrere possit, erectamque perpendiculariter virgam cum globo ex eius summo dimisso velociter currendo gestaueris, videbis globum multo segnius delabi & minori ictu tuam manum percutere, quam si immotus sinas globum aliorum non deuectum deorsum currere. Idipsum experire si per tubum praelongum dimittas perpendiculariter ad horizontem globum, primo immoto tubo, ac deinde velociter delato, sed conseruato in situ perpendiculari; Et sic de innumerabilibus. In casibus autem in quibus motus communis non videtur diuersificare motum proprium semper interueniunt duo mobilia, quorum vnum per se mouetur, per accidens autem alio motu mouetur ad motum alterius rei mobilis, cui insistit, aut adhæret. Nec datur casus in quo idem Mobile seipsum moueat totum, aut idem sui punctum motu duplici continuè, & vis motiua communis non diuersificet motum proprium alterius virtutis; & ideo negauit paritatem in *Minori* propositione suppositam.

- 53 *Tertia Ratio* est, quia moueri physicè, ac realiter per aliquam lineam designabilem in corpore aliquo est repetiri successiuè in diuersis eius partibus & punctis, non per replicationem, aut reproductionem mobilis diuinitus factam, sed vi facultaris loco motiue. At in hypothesi Copernicana Graue per aërem descendens vi gravitatis reperiretur continuè, ac successiuè in diuersis partibus, & punctis eiusdem lineæ perpendicularis in Aëre illo designatæ, qui vi motus diurni pariter cum illo graui moueretur Orientem versus, idcirco enim in eo descenderet, quia Aërem se leuiorem vincere & sursum retrudere conaretur, occuparetq; locum inferiorem. Ergo Graue in tali hypothesi licet in spatio Mundano designaret lineam obliquam BFK. in spatio tamen physico, idest in Cylindro Aëris congruente globi diametro descenderet per eandem rectam lineam perpendicularem ex AB, in AE. & AD, translata.

Respondeo distinguendo *Maiorem* eamque concedendo si vnica sit vis motiua per talem lineam, nec posset mobile repetiri successiuè in diuersis partibus, ac punctis eiusdem lineæ, vi alterius virtutis loco motiue per aliam lineam, aut si mobile per se moueatur per lineam illam, per accidens autem ob motum lineæ ab altera virtute aliorum translata. Nego autem *Maiorem*, si possit

possit idem mobile repetiti successiue in diuersis partibus, & pūctis eiusdem lineæ, vi facultatis alterius loco motiue cum altera conciliatæ ad motum mixtum; aut si mobile non moueatur per se per illam lineam, ab altera facultate eiusdem mobilis translatam. In casu autem nostro ad motum Grauis concurret cum grauitate vis motiua antrorsum versùs Orientem, quæ temperata cum grauitate affectante motum deorsum, moueret Graue per obliquam lineam BFK, & ex hoc solum simplici motu Graue reperiretur successiue in diuersis punctis perpendicularis lineæ, absque eo, quod realiter moueretur per illam. Sicut in iisdem punctis reperiretur, si in graui esset vnica, & simplex vis motiua per lineam solam BFK, imitatrix virtutis duplicis, quæ in Graui à Copernicanis supponitur. Porro corpus graue B, nec secum deferret realem lineam Aeris, per quem dimissus esset; nec ad illius motum moueretur; sed Aer ab intrinseco moueretur versùs Orientem, non secùs ac corpus graue ab intrinseco versùs eandem plagam moueretur, etiam si aeris motus à vento vel alia causa deturbaretur. Proinde existentia Aeris in eadem perpendiculari non est sufficiens, aut rationabilis causa descendendi per eius perpendicularem.

- 34 *Quarta Ratio* est huiusmodi. Distantia, & recessus Grauium descendendum à termino à quo, & accessus ad centrum Terræ, quod est terminus ad quem, mensuratur in sola linea perpendiculari ad horizontem; in figura enim num. 49. distantia Globi B, delati in F, à puncto B, delato in E, est EF, & hæc est portio perpendicularis AF, & accessus ad Centrum A, mensuratur per AF. Sic graue delato in K, distantia à puncto B, delato in D, æstimatur tanta, quanta est DK, portio perpendicularis AD, & distantia à Centro Terræ tanta quanta est AK. Ergo Graue descenderet per eandem perpendicularem, & per eam accederet ad Centrum Terræ.


Respondeo concedendo *Antecedens* de distantia, negando de *accessu* quatenus hoc nomen supra distantiam minorem, significat motum localem; sed nego *Consequentiam*. Nam absque reali motu per lineam perpendicularem mensurari potest in ea linea, imò debet distantia à terminis à quo, & ad quem; sufficit enim per motum in alia linea factum constitui mobile in tali, ac tanta distantia. Sic perpendiculum ipsum, seu Pendulum à perpendiculari situ eleuatum, ac sibi dimissum, accedit seu minus distans fit ab horizonte, nec tamen incedit

K

per

per lineas perpendiculares ad horizontem ductiles, sed per arcum ab ipso designatum. Sic Sol, & alij planetæ propiores fiunt Terræ versùs Perigeum, & eorum distantiam metiuntur Astro-nomi in recta linea ducta per puncta Apogei, & Perigei, nec ta-men supponunt eos incidere per illam lineam; denique distantia cuiusque rei ab altera semper æstimatur per breuissimam li-neam, qualis est perpendicularis; etiam si per illam lineam, nec motus, nec actio vlla fiat.

Quinta Ratio sumitur ex motu Grauium descensiuo, quatenus de-scensiuus est, & tali solo motu percussiuus; potestque formari argumentum tale ex doctrina D. Io. Alphonsi Borelli de Vi per-cussionis propos. 37. & 38. *Per illam lineam* descenderet Graue, in hypothesi motus Telluris, per quam mensurarentur validita-tes percussionum; Sed in ea hypothesi validitates percussionum à Graui factarum mensurarentur in linea perpendiculari; Ergo Graue descenderet per lineam perpendicularem. *Maiores* videtur certa, quia percussionis validitas oritur ex impetu Grauis acqui-sito per motum factum in aliqua determinata linea, ergo si va-liditas mensuratur per illam lineam, per quam acquisitus est im-petus, Graue per illam motum esse supponitur. *Minor* sic astrui-tur, à D. Borello, reposita huc Figura num. 49. *exposita*: cum enim Propositionem 38. hanc statuisset. *Validitates Percussio-num obliquarum mensurantur, non ab impetu physico, & reali facto per viam obliquam, sed à simplici impetu casus, subiungit hanc pro-bationem. Quoniam sint duo cor-pora B. & C. qua transferuntur semper vna cum semidiametro AB atque corpus B. duplici impetu fer-tur, descensiuo nempe BC. & tran-suersali aquabili CF. subiectum, verò corpus C. fertur tantummodo motu aquabili CF. eodem tempore, igitur in occurso eorundem corpo-rum in F. Graue B. virtute motus transversalis, non efficit percussio-nem supra C. propterea quod ambo corpora æquidistanti motu, & fere aq-ue veloci moventur. Igitur remanet tantummodo impetus descen-siuus,*



fiuus, quo corpus B, percutere valet subiectum corpus C, & propterea energia percussionis facta in F, mensuratur, non ab impetu reali per obliquam viam BF, sed tantummodo ab impetu casus per BC. Pari ratione validitas percussionis facta in K super corpus H, eodem translatus, vnà cum B, mensurari debet non ab impetu obliquo, sed ab impetu descensus per BCH.

- 56 Respondeo concessa Maiore, negando Minorem, quia in hypothese motus Telluris accelerationis & impetus mensura per lineam perpendiculararem AB, esset merè apparentis motus oculo ex H. translato in I, & K, vnà cum perpendiculari AB, translata, in AE, & AD, sed non esset mensura veri, ac realis motus per eam facti. Esto autem vi motus circularis præcisè ac seorsim sumpti non fieret percussio, quia villius non fieret descensio & corpus B. transferretur in E, corpus autem C, in F, per arcum CF, æquidistantem, & similem arcui BE & paulo minorem.

Nihilominus, quia vtraque vis motiua conspirarent in vnicum motum mixtum, & grauitate deorsum agente Globum B, vis circumlatrix antrorsum promoueret illud, & hinc oriretur vna simplex ac realis via obliqua BFK, & sicut B, vi grauitatis deorsum delatum, nunquam esset in duobus punctis eiusdem arcus, sed in alijs atque alijs punctis arcuum minorum, & minorum; ita vi facultatis Orientem versùs motricis, Globus B. nunquam esset in duobus punctis eiusdem perpendicularis in spatio mundano designabilis, sed in punctis diuersarum perpendicularium. Esto per accidens, sed sine motu per illam reperiretur in punctis eiusdem perpendicularis Aëris, Orientem versùs translari, iuxta dicta num 53. Neque verò ratio *Descensus*, aut *Descensui motus* infert descensum per rectam lineam, potiùs quàm per aliam. Descendunt flumina obliquo lapsu, & animalia per Decliuia, collum, & planetæ à suo Apogeo per spirales lineas; & penduli pondera per arcus circulares, & puncta totæ circa suum axem euntis, descendunt per lineam circularem, & nos descendimus per diuersas scalas: Et ita Graue in ea hypothese descenderet quasi scalaris descensu de vno in aliud punctum diuersi, & inferioris arcus, sed semper anterioris Orientem versùs. Et quamuis Grauitas in actu primo, ac seorsim spectata, affectaret descensum per breuissimum iter perpendiculare, in actu tamen secundo modificata, & associata cum vi circumlatiua cogeretur descendere per viam transuersalem. Quemadmodum globus bombardæ non descendit perpendiculariter, sed per lineam parabolicam, vi duplicis facultatis motiuae, nempe Grauitatis, & impetus.

impressi ab ignea exhalatione.

*Borelliana
ratiocinium.*

Ad D. Borelli ratiocinium Respondeo in eo quædam incohærenter, quædam non necessaria, ne dicam fallaci illatione deduci. Primo enim si *Percussiones sunt obliquæ*, vt ipse fatetur in propositione sua, quomodo æstimandæ sunt in alia linea recta? aut si mensurandæ sunt in recta linea quare, appellantur obliquæ, & non potius rectæ percussiones? Deinde si impetus per obliquam viam acquisitus, est *physicus ac realis*, & percussiones fiunt obliquæ, Ergo percussionum validitas realis, & physica mensuranda est ab impetu acquisito per viam obliquam; mensura autem facta in perpendiculari est solum validitatis apparentis. Præterea falsum est, *Ambo corpora æquidistanti motu moueri* in hac hypothesi, nam licet corpus C, percussile moueretur per arcum CP, Graue tamen B, non moueretur per arcum BE, sed per curuam BF. Ad hæc negatur corpus B, duplici impetu moueri, ita vt singillatim quilibet suum proprium motum actu distinctum ab alterius motu operetur: id enim impossibile esse docuimus n. 50. moueretur enim vno simplici impetu mixto ex circulari, & descensiuo, ac participante de vtroque imperfectè. Postremo valet quidem hæc illatio: Si corpus B, moueatur per arcum æquidistantem arcui, per quem mouetur corpus C, non percutiet corpus C. At non valet hæc; Si corpus B, eundo per arcum æquidistantem arcui descripto à corpore C, non percutiet corpus C, ergo non percutiet eundo per arcum aut lineam curuam non æquidistantem arcui descripto à corpore C. Sed per rectam lineam. Cum enim possit fieri percussio per obliquum descensum, imo in nostro casu aliter non fieret; nulla imo falsa, consequentia inferitur percussionem factam iri per solum casum BCH. seu per solam perpendicularem. Sed hic Auctor, vt & nonnulli eiusdem farinae, quemadmodum in Graui B, duæ inessent virtutes localiter motiuæ, vna circulariter, altera deorsaliter, ita fingit sibi duos motus actu distinctos ab illis productos, & perfectè ad proprium terminum tendentes: Sed hallucinantur, & non ratiocinantur cohærenter: sicut enim ex vi circumlatiua, seorsim sumpta, non bene inferitur Graue B, per simplicem motum circularem ferri Orientem versùs, vt fieret si ferretur per arcum BED, ita ex Grauitate deorsum latina non bene inferitur Graue B, ferri versùs centrum A, per simplicem casum DCH, sed ex consortio vtriusque virtutis contemperatæ inferri debet motus vnus simplex actu per viam obliquam BFK. Sed mixtus ex duobus potestate tantum, & imperfectè mouens ad terminos

nos

77
nos vtrique virtuti motrici alioquin debitos. Esto validitas percussionis mensuranda esset in illa portiuncula obliquæ viæ, quæ Graue B. excederet fugam corporis C. puta in portiuncula FL, iuxta infra dicenda.

His igitur Rationibus discussis Esto Propositio nostra hæc.

PROPOSITIO

Idem Graue vi motus Telluris Orientem versus, & vi gravitatis deorsum tendens, non descenderet per duas diuersas lineas, duobus motibus actu distinctis, ex quibus resultaret tertia linea motus actu ab illis distincti; sed descenderet per vnicam lineam obliquam, seu transversalem, vnico actualiter motu, licet potentialiter misto ex duplici imperfectè tendente ad terminos singulis virtutibus loco motiuis respondententes. Nec nisi apparenter videretur moveri per eandem perpendicularem, cum qua oculus transferretur Orientem versus.

Hæc propositio iam probata manet, non solum indirectè solutionibus Rationum, & Argumentorum quibus aduersarij conati sunt probare descensum per eandem rectam lineam perpendicularem, sed etiam directè per Rationes à nobis adductas, ob quas negauimus eorum propositiones, aut distinctione adhibita, aut absolute, vt constat ex dictis num. 50. 51. 52. 53. 54. 55.

CAPVT SEXTVM.

In quo afferuntur Argumenta quedam contra Motum Diurnum, & Annuum Telluris.

57 **P**rimum, & præcipuum Argumentum in Almagesto Nouo, & in Astronomia Reformata diuersis formis propositum, nunc denuo ad infra scriptam formam redigimus.

Si posito Telluris motu Diurno solùm, vel Diurno simul, & Annuo, Grauius corpora descendendo per aërem naturaliter, non percutiant Maior. subiectum corpus, eo modo quo percussisse certis experimentis compertum est: Tellus nec diurno solùm, nec diurno simul & Annuo motu moueretur.

Sed posito Telluris motu Diurno solum, vel Diurno simul, & Annuo, Grauius corpora descendendo per Aërem naturaliter, non percuterent Minor. subiectum corpus eo modo, quo percussisse certis experimentis compertum est.

Ergo

Conclusio. Ergo Tellus nec Diurno solum motu nec Diurno simul, & Annua mouetur.

Maior huius Argumenti ad formam Syllogisticam exacti euident est, quia non potest aliquid moueri motu repugnante effectibus, qui certis experimentis re ipsa facti sunt, nec potest existere illud antecedens, ex quo sequitur consequens absurdum, & falsum.

Minor duabus partibus constat *Affirmatiua* scilicet, & *Negatiua*. Modus enim quo compertum est Graue descendisse, ad *Affirmatiuam* pertinet; Impossibilitas autem percutiendi tali modo ad *Negatiuam*. Pro *Affirmatiua* sunt experimenta à num. 18. vsque ad 27. relata; ex quibus collegimus idem Graue tanto circiter maiorem percussione facere, quanto ex altiore loco dimissum fuerit, ita ut percussio duplo maior non solum duplo maiorem, sed triplo, quadruplo, & amplius altitudinem pertransitam prærequirat; atque adeò accelerationem, & reale impetus acquisiti incrementum requirat: exempli gratia Globus eburneus, qui ex altitudine pedum 15. Reflexo resultu ascendit ad digitos seu pedis uncias 92. at ex Altitudine pedum 50. ascendit ad digitos 288. & ex altitudine pedum 60. ascendit digitos 340. (ascensurus ad 368. si supra marmor descendisset) & huiusmodi globos pertransire pedes 15. vno proximè secundo horario; pedes autem 60. duobus secundis horarijs: Vnde conclusimus in fine posterioris æqualium temporum quadruplo maius spatium à Globo pertransitum fuisse, quàm in fine prioris temporis, & tantuplo ferre maiorem fuisse percussione posteriorem priori: præter ea, quæ pro VII. Propositione adduximus. Præterea differentia percussio-num comparata cum differentia altitudinum, non fuit repta inter numeros solum fractos, sed inter numeros integros, sicut & differentia percussio-num; & quidem in his magna, & notabilis, & tandem Reflexio obliqua fuit Orientem versus, quorsum planitiem marmoris inclinaueramus, & linea huius Reflexionis, ita semper fuit maior, quam Reflexionis rectæ ut tamen, angulus Reflexionis, æqualis; Ferè foret angulo incidentiæ, & hoc ad Gradus 10. determinato, angulus Reflexionis factus a perpendiculari, & a linea Reflexionis gradus circiter 10. comprehenderet, essetque linea Reflexionis obliquæ valde vicina lineæ Reflexionis Rectæ: superest itaque ut probemus *Negatiuam* partem Minoris in qua est tota, vel potissima difficultas.

Prima probatio *Minori*, quoad partem *Negatiuam*.

58 Inductione facta per omnes species percussio-num, nunquam corpus vnum percutit alterum corpus stabile validiore ictu, nisi
(si ex-

(si cætera sint paria) velocius motum fuerit à se vel ab alio, eoq;
 validius percutere, quo velociori motu in alterum corpus incide-
 rit, hoc est quo maius spatium æquali tempore pertransierit, vel
 æquale spatium breuiori tempore, & licet non semper eadem sit
 proportio exactè inter duas percussiones, quæ est inter duas ve-
 locitates, quando tamen percussio vna notabiliter excedit alte-
 ram, & exprimitur in integris numeris, valde differentibus, veloci-
 tatem quoque corporis percutientis validiore ictu, excedere velo-
 citatem alteram in numeris integris valde differentibus, nec suffi-
 cere æqualitatem in integris numeris cum differentia numera-
 torum in numeris fractis. Dixi si cætera omnia sint paria quod
 toties dissimulauit Borellus, Idest si aliunde ab alia causa vel con-
 ditione non proueniat validitas maior percussionis. In specie
 autem loquendo de Grauibz naturaliter descendentibus per
 Aerem, euidentissimis, & obuijs experimentis constat, ab
 ipsis subiectum corpus apparenter stabile non percuti validiore
 notabiliter ictu, nisi descendant ex altitudine notabiliter maio-
 ri. Vnde nisi aliunde conuincamur erroris sumus in possessio-
 ne concludendi horum validiorem percussione, quæ realis
 est, prouenire ex reali impetus incremento, ac reali acceleratio-
 ne Grauium. At posito Telluris motu diurno solum vel diurno
 simul & Annuo, multa Grauia naturaliter descendendo, non
 mouerentur ea reali acceleratione, ac differentia velocitatis,
 quam prærequirit differentia percussionum, certis experimentis
 manifesta, & cætera omnia, quæ ad percussionum notabilem
 differentiam concurrerent, essent paria; Ergo Grauia posito
 dicto motu Telluris, non percuterent subiectum corpus eo mo-
 do quo percussisse compertum est. Maior huius probationis
 seu subsyllogismi iam experimentis, aut inductione probata
 est. Minor probatur quia Grauia realiter non descenderent per
 eandem rectam lineam perpendicularem, per quam nobis vi-
 dentur accelerari, sed solum apparenter vt ostensum fuit à
 num. 50. ad 55. atque adeo in illa non acquirerent reale incre-
 mentum impetus prærequisitum ad percussione notabiliter
 maiorem, nec realiter accelerarentur ea acceleratione, quæ
 nobis apparet. In obliqua autem via, per quam solam, vt
 ibidem ostendimus, descenderent; non mouerentur eo veloci-
 tatis incremento, quod prærequiritur à percussionum differen-
 tia, sed vix sensibilibiter, accelerarentur, & physica, si non
 Mathematica vniformitate mouerentur, vt patet ex dictis pro
 XVI. Propositione, quæ hic relegenda est. Et ita demum ni-
 hilo

hilo validiore ad sensum ictu percuterent ex maiori altitudine quam ex minori.

de Angulo
Inclinationis.

59 *Respondebis* in Grauium descensu modo ex minori, modo ex maiori altitudine cætera non esse paria, quia quo propius accederent ad Terram, eo minus linea obliqua descensionis inclinaretur à linea perpendiculari ducta ad horizontem, ac Terræ centrum; ideoque validiore ictu percuterent subiectum corpus ex maiori, quam ex minori altitudine dimissa. Sed Responso hæc insufficiens est, *Primò* quia si cætera alia omnia sint paria, sola diuersitas inclinationis non efficit maiorem percussione, vt contra inaduertentiam aliquorum, & vulgarem suppositionem docuimus num. 28. pro VIII. Propositione ex præmissis experimentis. *Secundò* Differentia Inclinationis esset adeo modica, vt physicè habenda esset tanquam nulla, vel valde improporionalis differentia Inclinationum; in casu enim nostri experimenti duobus secundis horarijs facti differentia Inclinationis non excederet 12. minuta vnius Gradus posito motu Annuo: posito autem motu diurno tantum non excederet Gradum 1. in Aequatore, vel grad. 1. minut. 26. in Parallelo Bononiensi. *Tertiò* daretur casus in quo via Grauium descendantium esset parallela plano corporis subiecti, nullamque percussione faceret; licet alij putent percussione omnem in ea hypothesi factam iri perpendiculariter, vt videtur sentire Fr. Stephanus de Angelis in Secundis Considerationibus pag. 97. iuxta hos nulla inclinatio habet vim percutiendi, sed fit percussio tota quanta fieri potest in eadem perpendiculari.

60 *Respondebis secundò* cum Fr. Stephano de Angelis in Secundis Considerationibus super meo Argumento pag. 88. & 95. *maximam esse iniustitiam*, requirere in hypothesi motus Telluris, vt quanta est differentia percussionum, tanta sit differentia totalium velocitatum. Id enim necessarium esset, si corpus graue percuteret alterum stabile tota sua velocitate, seu toto suo impetu. At cum corpus subiectum æquali ferè velocitate versùs eandem Mundi regionem fugiat ictum, nec percutiatur à Graui nisi eo impetus excessu, quo superatur à motu Grauis; sufficit, vt tanta sit differentia inter duos excessus velocitatum Granis percussoris, & corporis percussi, quanta est inter ipsas percussiones. Et quia ex prioribus nostris supputationibus posito diurno motu Terræ, via Grauis globi in priori secundo horario esset pedum 1700 $\frac{1}{2}$, in Aequatore, in posteriori autem secundo horario eorsum esset pedum 1700 $\frac{1}{2}$. Censet ad quadruplo maiorem percussio.

cussionem sufficere proportionem quadruplam; imò plusquam quadruplam, quæ est inter hos numeros fractos $\frac{1}{2}$, & $\frac{1}{4}$, sed & D. Io. Alphonsus Borellus in Respons. ad D. Michaellem Ang. pag. 25. censet percussione mensurandam ab excessu prædicto, licet non semper. Sed in hac Responsione quædam ex parte vera, quædam omnino falsa continentur. Verum est Graue non impressurum corpori subiecto totum impetum acquisitum in descensu non ob corporis subiecti antecedentem motum, cum quo comparandus est motus grauis, & excessus huius supra illum; sed ob subsequentem fugam corporis subiecti, qua statim post contactum fugit, & aut percussione totam, aut eius validitatem magna ex parte deuorat, iuxta infra dicenda in secunda probatione. Falsum verò est, ad percussione quadruplo maiorem sufficere Grauis motum æqualem, & vniformem, cum sola acceleratione vnitatis minori, & in sola numerorum fractorum proportionem fundata. Proportio enim, quæ est inter duos numeros integros, non potest eadem esse inter numeros duos alteros pares, etiam si illis adhæserint fractiones, & numerator fractionis vnus habeat ad numeratorem fractionis alterius eam proportionem. Neque enim valet hæc proportio si dicas vt 1. ad 4. ita 10. $\frac{1}{10}$. ad 10. e $\frac{1}{10}$. Sed hæc, vt 1. ad 4. ita 10. $\frac{1}{10}$. ad 40. $\frac{1}{10}$. In nostro igitur casu, quia percussio-num differentia exprimitur in numeris integris eiusdem speciei, verbi causa in pedibus aut vncijs & tanta est, vt maior sit integra vnitatis, imò multis vnitatibus integris, oporteret, vt illi in impetu per Graue acquisito responderet differentia velocitatis in integris numeris eiusdem speciei secundum eandem aut proximam proportionem. Exempli gratia globus Eburneus ex altitudine pedum 15. dimissus tanta vi percussit subiectum marmor vt sursum resilierit per lineam reflexam digitorum 92. idest pedum 7. $\frac{2}{3}$. dimissus autem ex altitudine pedum 60. licet resilierit ad digitos 340. quia dimissus fuit supra pavementum lateritium, non supra marmor, resiliisset proxime ad digitos 368. idest pedes 30. $\frac{2}{3}$. quadruplo plures. Sicut ergo ex quadruplo maiori reflexione colligitur percussio quadruplo maior, sed includens minorem, ita impetus, ac velocitas huius grauis tota, & acquisita in duobus secundis horarijs, quibus descendit ex altitudine pedum 60. deberet esset quadruplo maior impetu, ac velocitate in priori secundo acquisitis. Hoc autem Graue in Aequatore ex dictis num. 41. in priori secundo horario conficeret obliquo descensu pedes 1698. $\frac{4}{10}$. ergo

his quadruplicatis fierent pedes 6792 $\frac{16}{100}$, quibus si demas 1698. $\frac{4}{100}$, restant pro motu posterioris secundi pedes 5098. $\frac{12}{100}$. Hoc autem velocitatis incrementum impossibile est in hypothese motus Telluris, cum vix perveniat ad unum pedem vi motus diurni, cum aliqua fractione; Ergo hæc hypothesis falsa est. Non est igitur *Iniustitia* requirere ab hac hypothese, id quod deberet præstare consideratis percussione differentijs, & quia id præstare non posset, eam falsitatis damnare. Sed *iniustitia* est per solam proportionem inter numeros fractos, stante paritate numerorum integrorum, velle satisfieri proportioni, quæ inter alteros duos numeros integros reperta sit. Perinde ac iniuste ageret qui ex contractu Societatis, deberet Titio aureum 1. Caio 4. & daret Titio aureum 1. Caio autem aureum 1. & quartam partem aurei, vel Titio aureum unum & $\frac{4}{100}$. Caio autem aurum 1 $\frac{4}{100}$. Adversarij autem considerant, quid non potest fieri in hypothese motus Terræ, non quid deberet fieri, si salva esse debent experientia.


- 61 *Respondetis* Tertio cum D. Io. Alphonso Borello in Resp. ad D. Michaellem Ang. Riccium à pag. 25. & de Vi percussione propos. 58. Validitates percussione obliquarum mensurari ab impetu physico, & reali obliquo BF, vel FK, tunc tantummodo, quando corpus percussum stabile manet, & præterea excipit ictum perpendiculariter. At (ut eveniret in hypothese Copernicana) si corpus percussum moveatur versus easdem partes, & excipiat ictum oblique, tunc validitates percussione mensurandæ sunt, non ab impetu physico, & reali factæ per viam obliquam, sed à simplici impetu casus per lineam perpendicularem, vel à sinu anguli incidentiæ, id enim à se demonstratum asserit. Sed ego nego, & pernego id demonstratum esse ab illo ut patet ex dictis num. 56. quibus adde effectum physicum, ac realem, qualis est percussio, prærequirere impetum realem ac physicum acquisitum per illam viam, per quam realiter graue descenderet; hæc autem esset unica via obliqua BFK. per lineam autem perpendicularem BCH, non descenderet nisi apparenter, & ipsemet Borellus hunc descensum non audet appellare physicum, & realem. Ex eo autem quod per viam obliquam fiat percussio in corpus fugitivum, sequitur quidem, quod non fiat tota, & maxima percussio, sicut fieret in ictu perpendiculari supra corpus immobile, sed non sequitur fieri, ab impetu per diuersam lineam mensurato, utrobique enim mensura percussione sumenda est ab impetu verè, ac realiter acquisito per lineam, per quam

quam physicè ac realiter, & non tantum per falsam imaginatio-
nem factus est motus. Et ideo si percussio facta per FK, in K, est
multo validior quam facta per BF, in F, necesse est ut motus per
FK, fuerit multo velocior, quam per BF, quia (cæteris paribus ut
eueniret in casu nostro, maior percussio maiorem impetum phy-
sicum, ac realem supponit. At D. Borellus in Resp. ad D. Ric-
cium pag. 25. dissimulans, vel oblitus limitatiuæ clausulæ impo-
nit Manfredus, & Nobis id affirmatum à nobis absque limitatio-
ne illis verbis: *E questo l'afferma il detto Padre vniuersalmente
senza niuna eccezione come si vede nel suo Almagesto Nono, nella
sua Astronomia Riformata, & in questa risposta del Manfredi.* At
D. Manfredus pagina 74. & Ego in Astronomia Reformata pag.
85. columna 1. versu 9. & 29. expressè adieciimus limitationem
per clausulam *Cæteris paribus*. Nam si percussio maior sit per
viam perpendicularem & cætera sunt paria; maior impetus in-
perpendiculari realiter præcedit; si sit in obliqua & cætera sunt
paria, maior impetus realiter præcedit, nec oppositum vnquam
demonstrabitur. Præterea D. Borellus falso mihi imponit, quod
existimauerim in hypothese Copernicana corpus percutiendum
manere immobile, qui toties oppositum expressi, & tamen au-

det pag. 32. dicere: *Il primo soggetto Orizontale riceue la per-
cossa oblique, e di più non è stabile come il Padre sup-
pone, ma scorre à trauersa, oportebat produ-
cere vbinam ego hanc stabilitatem.*

supposuerim. Sed condo-
nandum D. Borello,
quod nimis fe-
stinanti
calamo hæc effu-
derit.

62 Ex ipsismet Aduersarijs Argumentum hoc lucratissimum ad hominem vt aiunt, valens adiectis Considerationibus nostris, quibus intelligendis repetatur huc figura num. 55. exposita Argumentum est huiusmodi. Graue naturaliter descendens, posito motu Telluris, aut corpus subiectum non percuteret; sedmero contactu illud assequeretur, aut non eo impetu a quo percussisse compertum est. Promero contactu videtur dici posse corpus B. eodem momento, quo tangit corpus F. nihilo velocius decursurum per F G. quā corpus F. fugiendo ictum decursurum sit per eundem F G. Quare




cum pari velocitate vnum insequatur, alterum fugiat; non videtur secutura vlla percussio. Verum quia subiectum corpus F. impediret corporis B. delati in F. vltiorem descensum per FK. non videtur ex hac resistentia impediri posse totalē percussionē. Verius igitur videtur aduersarijs corpus B. non percussurum corpus F. toto suo impetu per BF. acquisito, sed solo illo, quo excedit velocitatem corporis C. delati in F. qui excessus repræsentatur per FL. qua portiuncula BF. excedit arcum CF. sed hic excessus vix est considerabilis comparatiuē ad validitatem percussionis, vt dictum fuit num. 60. Ergo non fieret percussio adeo notabilis, ac sensibilis, qualis experimentis certis comperta est. Idemque valet de excessuum FL. & KM. differentia comparata cum differentia percussionum in F. & in K. Dixi argumentum hoc valere, ad hominem, quia reuera fuga antecedens contactui per CF. nihil impediret aut diminueret ictum factum ab impetu acquisito per totam BF. sed perinde esset ac si in illo instanti Deus produceret corpus C. in F. esto fuga subsequens contactum, minueret ictū.

Tertia Probatio Minoris, quoad partem negativam.

63 In experimentis motus reflexi, vel obliqui narratis num. 26. & factis in atrio Collegij nostri postico, seu rustico ita exigente oportu-

portunitate fenestrarum, ex quibus globi dimittebantur; marmoris planities infra horizontem versus Ortum ferè Acquinotiale inclinata fuit per Gradus 10. & Reflexionis obliquæ linea semper declinauit Orientem versus, nec tamen magno angulo recessit à perpendiculari sed posita marmoris planitie vt AB. infra horizontem CD. Reflexionis linea EF. deflexit versus Orientem O. factò angulo FEG. cum perpendiculari GE. Hoc experimentum dico sal-



uari non posse in hypothesi motus Telluris præsertim Annuæ, in quo Graua descenderent in duobus prioribus secundis horarijs per lineam ferè rectam, sed horizonti terrestri penè parallelam cum inclinatione à perpendiculari grad. 89. min. 58. sec. 5. $\frac{1}{2}$. in priori tempore, & in posteriori grad. 89. min. 5. sec. 36. ex dictis num. 45. Ex vna enim parte iam ostendimus num. 50. ad 56. Graua non descensura per lineam perpendicularem EG. realiter; sed apparenter tantum; realiter autem per transversam. Iam si hæc linea transversalis fuisset parallela plano marmoris AB. certū est nullam percussione[m] facturam fuisse, sed decursuram per AB. absque vlla Reflexione: quia vt optimè dicit D. Io. Alphonsus Borellus de Vi percussione propo. 37. & 38. Si corpus aliquod moueatur per lineam æquidistantem superfici ei alterius corporis duri nullam percussione[m] in eo faciet; ergo si marmoris superficies inclinata fuisset, ita vt angulus GEB. fuisset Graduum 89. & minutiarum quot supra diximus, descensio transversalis fuisset parallela ipsi AB. absque vlla percussione, & reflexione.

At fuit minus inclinata illa superficies, ita vt Angulus Inclinationis GEB. fuerit Grad. 80 & Incidentiæ BED. grad. 10. vt in experimētis diximus, ergo globus grauis non potuisset transversali descensu cadere supra punctum E. sed impegisset in latus Occidentale marmoris inter B. & D. & Reflexio fuisset versus Occidentē; supposito autem solo diurno motu, ad impediendam Reflexione[m] Orientē versus, sufficeret inclinare marmor, ita vt Angulus GEB. esset grad. 89. vel 88 & minutiarum, quot num 41. deduximus. At his minutijs neglectis sufficeret inclinare illud plusquam grad. 4. multo magis sufficit inclinare illud sic, vt Angulus incidentiæ BED. sit grad. 10. vt nos fecimus. Scimus hoc Argumentum, non valiturū contra eos, qui mordicus defendunt realem descensum

Gra-

Grauitum in hypothesi Copernicana faciendum per lineam perpendicularem, sed quam inualidæ sunt, imò falsæ illorum imaginationes, potius quàm reales, tam validum est argumentum hoc contra illam hypothesim.

Quarta Probatio Minoris, quoad partem Negatiuam.

64. Hactenus supposuimus cum Copernicana hypothesi, posito Telluris motu, Grauia dimissa per aërem, descensura obliquo descensu mixto ex circulari versus Orientem, & motu deorsum versus Centrum Terræ; qui nobis vnà translatis si intra Atmospharam quiesceremus, appareret fieri per eandem perpendicularem. Experimenta enim manifesta euincunt Grauia sibi dimissa non designare lineam circularem, circa Centrum Terræ, nec per eam per vllum horarium scrupulum flecti Orientem versus, sed statim deorsum moueri. Sic Globus argillaceus priori secundo horario in descensu apparenter perpendiculari pertransiuit pedes 15. in fine autem posterioris secundi, pertransiuerat pedes 60. Sed Posito Telluris motu, & proprietatibus ei naturaliter debitis Grauia non deberent vnquam descendere aut non nisi post notabile tempus; Motus enim Grauium Orientem versus adeò velox esset, comparatiuè ad motum deorsum grauitati debitum, vt huic, vel semper, vel diu præualeret huncque omnino vel diu impediret; Motus enim prædicti globi deorsum fuit pedum 15 at motus Orientem versus vi diurnæ vertiginis in Aequatore vno secundo horario esset pedum fere 1700. vi autem annui motus, esset pedum 37670. ex dictis num. 41. & 45. Videmus autem aquam infusam paruæ situlæ funeque manubrio illigato, rapidè circumactam in plano verticali, quando in superiore semicirculo gyri reperitur, non descendere ac ne guttam quidem deorsum labi, vsque adeo præualet grauitati impetus in gyrum à manu impressus, qui tamen multo minor est impetu diurnæ, & annuæ vertiginis, quæ non permetteret tempus descendendi deorsum, sicut velocitas situlæ circumactæ non dat tempus, vt vel vnica gutta delabatur, & vna arena, si situla impleatur arena. Videmus item globum bombardæ horizontaliter explosæ priùs ferri per lineam ad sensum horizontalem, quàm per lineam parabolicam incipiat descendere, (quidquid gratis & contra experimenta dicat P. F. Stephanus de Angelis in Secundis Considerationibus pag. 104.) Quia, impetus ab exhalatione ignea impressus præualet prioribus gradibus impetus à Grauitate

re producti, donec posteriores præualeant; & impetus igneus decrescat. Quanto magis impetus diurnæ annuæque vertiginis, qui tantus esset, & nunquam decresceret, impediret aut totalem, aut subito factum descensum Grauium? Rationabiliter ergo philosophando ex natura rerum aut Grauia posito motu Telluris nunquam vel serò descenderent, aut quia reipsa citò & statim descendunt, reiiciendus est motus Telluris, ut repugnans effectibus, qui ex ipso naturaliter sequi deberent.

Quinta Probatio Minoris quoad partem negativam.

- 65 Experimentis evidentissimis constat Grauia dimissa per Aërem cadere perpendiculariter supra corpus subiectum, supra quod prius dimissum fuerit perpendiculum funiculo appensum. Proiecta quoque sursum perpendiculariter aut recidunt deorsum per eandem perpendicularem, aut non multis passibus longè ab illa, quod certius fit balistis, quam sclopis aut bombardis. Esto ut refert Fr. Stephanus de Angelis in Secundis Considerationibus pagina cētesima, Renatus Carthesius vsus sit bomba perpendiculariter erecta, & obfirmata qua 24. vicibus sursum explodente globum, cecidit globus bis Orientem versus & vicibus 22. versus Occidentem, unde Carthesius argumentum sumebat pro diurno Terræ motu, cui globus in ascensu, ac descensu non omnino obsecundans reciderit Occidentem versus; sed oportebat exactè numerare tempus descensus, & computare, quot interim pedes vi diurnæ vertiginis versus Orientem in arcu illius paralleli transire deberent. Nos verò è contrario ex relapsu prope eandem perpendicularem sumimus argumentum contra motum diurnum Terræ; Globus enim argillaceus dimissus ex rostris superioris Turris Asinellæ, casu perpendiculari peruenit ad inferius pavementum quatuor secundis horarijs, nec à perpendiculo ultra vnum, aut alterum pedem absuit, interim vero in Parallelo Bononiensi, vi diurnæ vertiginis transiisset arcus pedum 4840. ex dictis num. 41. quare si globus ille à Terra auulsus non participaret de motu Telluris diurno, sed prævalente gravitate per breuissimam viam tenderet ad centrum grauium, debuisset relabi deorsum in locum à perpendiculo priori distantem pedibus circiter 4840. At spectata rerum natura, & physicè ratiocinando iuxta finem à natura intentum, corpora grauia Terræ non adhærentia, sed libertati suæ relicta, & dimissa per Aërem deberent ad centrum grauium per quàm breuissimam

mam viam descendere, nec vlla solida ratio à priori adduci potest, ob quam, vel ab intrinseco, vel ab extrinseco deberent imitari motum diurnum Telluris cui enim bono hæc imitatio? An vt vnirentur cum suo Toto? sed hoc melius fieret cadendo per breuissimam lineam: esto supra diuersam partem superficiæ terræstris; An vt melius se haberent, & in loco sui conseruatio quiescerent? At hoc non consequeretur aqua dimissa perpendiculariter supra igneam fornacem, & si Occidentem versus esset lacus vel fluuius à perpendiculo illo distans pedes circiter 4840. melius illi esset cadere supra lacum, vel fluuium talem.

An vt eodem momento Sol apparenter oriretur Telluris puncto, & Graui dimisso? Sed hoc exactè fieri non posset, quia graue ex altiore loco citius videret Solem, absoluto autem descensu videret Solem alio momento. Quòd autem à posteriori necesse, fuerit Copernico Diurnum motum tribuere omnibus corporibus contra montes, aut intra Atmosphæram comprehensis, quantumuis à Terra separatis, hoc non tollit quia fictio illa sit violenta Grauib, adeoque absurda, nec infringit Argumentum nostrum.

Epilogus.

- 66 Manet igitur comprobata *Minor Argumenti* num. 57. propositi, quoad partem *Negatiuam* eiusdem minoris, nam si in hypothesis motus Telluris Diurni, vel etiam annui, Graua non descenderent supra corpus perpendiculariter subiectum, sed procul ab eo multis centenarijs pedum versus Occidentem iuxta dicta num. 65. Imò nunquam aut seriùs descenderent, quàm nunc descendunt iuxta dicta num. 64. Vel si descenderent quidem obliquè in spatio Mundano, sed ob motum æquidistantem plano subiecti corporis æquali motu fugientis, illud non percuterent toto impetu ex longiore intervallo acquisito, sed solo illo excessu velocitatis, quo Graua superarent velocitatem corporis subiecti versus Orientem delati, iuxta dicta num. 62. Vel denique descendendo per lineam transuersalem, Graue aliquod in posteriori secundo non confecisset physice maius spatium quàm in priori atque adeo non lucraretur tanto maiorem impetum, quàm cæteris paribus prærequiritur ad percussiones totalem, & integris numerus expressam differentiam, iuxta dicta à num. 58. ad 61. Si hæc inquam disiunctiue, licet non omnia coniunctim, euenirent, vtique posito Telluris motu Diurno solum, vel Diurno

Diurno simul, & Annuo Graua corpora de scendendo per Aërem naturaliter, non percuterent subiectum corpus eo modo, quo percussisse certis experimentis compertum est. Quæ fuit Minor Argumenti num. 57. adducti.

- 67 Quoniam verò Argumentum prædictum diximus non semel esse *Physicomathematicè euidens*. Assueti autem euidentiæ Mathematicæ, nec satis distinguentes euidentiæ physicæ limites ab euidentiâ purè Mathematica; misturam quoque Physicomathematicam non agnouerunt; operæ pretium fuerit reddere his rationem nostræ appellationis. Et quoad *Mathematicam* quidem physicæ admixtam, aut in physica fundatam facilis est ratio; quia scilicet in aliquibus pro syllogismis, eorumque propositionibus probandis, Trigonometria, aut Arithmetica, quæ sunt species Matheleos vsi sumus, vt pater à num. 41. ad 45. & alibi non semel. Quoad euidentiâ verò physicam supponimus ex dictatis à nobis in cursu philosophico, euidentiâ Physicam esse illam, quam acquirit intellectus præuijs, sensationibus, quibus innixus propositiones quasdam immediatè intra se format, vel mediante inductione sufficienti per experimenta sensibilium. Supponimus præterea euidentiæ Physicæ, posse Mathematicè nedum Methaphysicè subesse falsum, eique subintelligendam tacitam conditionem; quod aliter per absolutam Dei potentiam, aut aliunde non fiat; quod quamdiu non fiat, & fieri non demonstratur; non destruit euidentiâ physicam, sed is qui illam præhabuit manet in possessione suæ euidentiæ. Exempli gratia, euidens physicè est Graue omne sibi dimissum per medium leuius descenditur deorsum; item combustium omne tangens combustibile illud combusturum; item Lunam si incidat in Vmbra Terræ Ecclipsim passuram, item granum sinapis multis leucis distans ab oculo non posse ab oculo nudo videri, & sic de similibus; & tamen Mathematicè, non est impossibile, quod corpus, supra quo descenditur esset Graue, moueretur sursum, & ad Graue immotum perueniret, esto videretur graue descendisse; potestque diuinitus impediri combustio, & conservari in Luna lumen à Sole semel receptum; & angulus quo physicè non potest videri à longe granum sinapis, potest mathematicè ex Opticæ præceptis ampliari, vt factum est per Telescopium, cuius beneficio physicomathematicè facta sunt visibilia multa, quæ physicè non erant visibilia oculo nudo,

Quare
Argumentum
nostrum
dictum
sit
euidens
Physico-
mathema-
ticè.

Persistendo itaque intra limites physicæ euidentiæ, diximus euidens
 esse percussionem corporis nunquam validiorem fieri, nisi, cæte-
 ris paribus, corpus percuiens maiori impetu, atque adeo, maiori
 velocitate motum fuerit; & ex notabiliter maiori percussione fa-
 cta, colligi præcedentem percutientis corporis velocitatem; Tan-
 tam autem præcelsitatem impossibilem esse naturaliter, si Graui-
 a descenderent per viam solum obliquam in figura nu. 55. expo-
 sita demonstrauius ratiocinio Physicomathematico. Graui-
 a denique non descensura per eandem perpendicularem realiter, in-
 qua accelerarentur tanta velocitate, quantum exigit validitas
 percussionum, ostendimus fundati in inductione physica, quia
 nullum corpus vnicum mobile habens duplicem virtutem mo-
 tiuam versus diuersas mundi plagas; mouet seipsum totum, aut
 eandem sui partem, vel punctum motu continuè successiuo per
 diuersas actu lineas; si vtraque virtutem exercent, sed per vnicam
 lineam, in quam conspirat vtraque virtus. Neque huic euidentiæ
 derogat, quod Mathematicè non repugnet idem mobile prædi-
 ctum designare duas lineas, aut nos possimus sola imaginatione,
 illius viam designare per diuersas lineas, in quarum punctis suc-
 cessiue reperiatur. Propterea nusquam diximus Argumentum
 nostrum esse *Mathematicè*, euidens, sed *physicè*, vel etiam ob in-
 termixtas Geometricas, & Arithmeticas demonstrationes, *Physi-*
comathematicè. Quod si aliquibus tale non videatur, id non ex
 obiecto prouenit, sed ex dispositione subiecti, Physicam euiden-
 tiam non agnoscens ubi non est euidencia Mathematica,
 vel quia in probatione *Minoris* Argumenti num. 57.
 propositi multi discursus interueniunt, & fundan-
 tur in alijs à num. 49. relatis, non mirum est
 si non appareat aliquibus euidencia ex
 tot syllogismis, ac prosyllogis-
 mis dependens. Sed his
 non obstantibus
 esto sequens
 Proposi-
 tio.

Consideratis probationibus pro Argumento num. 57. proposito adductis. Physicomathematicè evidens est, non tamen Mathematicè Terram nec Diurno solùm, nec Diurno simul, & Annuo motu moueri.


CONSTAT ex dictis à numero 42. ad 67. inclusiue eandem euiden-
tiam habet Argumentum P. Francisci Mariæ Grimaldi quo
Physicè euicit fore, vt globus bombardicus explosus recta hori-
zontaliter Meridiem versus, aut Septentrionem, percuteret sco-
pum oblique: cùm nunc percutiat directè. Impossibile enim est
naturaliter idem mobile, & vnicum absque motu alterius mo-
bilis, moueri continuè per diuersas lineas: proinde impetus im-
pressus ab exhalatione ignea, & virtus motiua globi Orientem
versus conspirarent in vnicam lineam curuam, & obliquam, &
globus, aut perforaret scopum oblique, aut oblique frangeret,
aut reflexione obliqua resiliret. Sed qui Grauia descensura si-
mul per viam obliquam realiter, & per eandem perpendicula-
rem recta imaginantur: in hoc quoq; casu putant globum bom-
bardicum, non solo obliquo tramite, sed recto quoque iturum,
ac percussurum: & sic eludere conantur vim argumenti. Exem-
plum verò bombardico globo exploso versus meridiem à bom-
barda supra nauim velocissimè currente Orientem versus, & re-
cto istu percutiente, non habet paritatem nisi nauis tantum, ac
tam praualentem impetum imprimat globo, quantum interna
facultas diurni motus imprimeret globo bombardico. Tunc au-
tem dico fore, vt percussio esset obliqua, neque oportet sibi sin-
gere oppositum, sine accurato experimento, si tamen est possi-
bile, vt nauis intra duo Secunda horaria tam velociter currat,
quam Tellus diurna vertigine, qua in Aequatore transiret pedes
3400. seu passus 580.

Obiectiones pleræque solubiles sunt ex dictis à num. 49. ad 67. pla-
cet tamen quibusdam alijs respondere.

Obiectiones Reliquæ dissoluntur.

68 Si posito Telluris motu Grauia descenderent per viam obliquã,
& simul per eandem perpendicularem versus centrum Terræ,
physico ac reali motu, conficerentque in ea spatia proportiona-
lia quadratis temporum; percussiones fierent, sicut factas esse
certis experimentis constat, atque adeo Argumentum num 57.
propositum non esset Physicomathematicè evidens. Sed posito
Telluris motu Grauia sic descenderent, quia haberent duplicem

virtutem locomotiuiam, vnam motiuam antrorsum, & obliquè versùs Orientem; alteram nempe Grauitatem motiuam deorsum per eandem perpendicularem, quæ mouent graue sicut in adiecto schemate. manus A. moueret Globum B. perforatum & insertum ferreo filo inflexibili BC. affixo in puncto C. ita vt hoc manente posset filum circumduci versùs D C. si ita illud versùs CD. impelleret, vt simul deorsum per filum idem, globum ageret, quando enim filum ex BC. perductum esset in CD. iam globus B. reperiretur in E. & ita per lineam BE. delatus esset, vt simul physicè ac realiter pertrāsisset fili partē DE. Nec interest utrū vis motiua sit intrinseca, an extrinseca, imò id magis verificari posset de vi duplici intrinseca.




Respondeo data *Maiore* negando *Minorem*, cuius probatio multipliciter infirma est, tum quia supponit Grauiam descensuram non obstante prædominio virtutis circumlatiue supra Grauitatem aut descensuram statim, quod esset contra rationabilem conformitatem effectus cum sua causa, vt dictum fuit num. 64.

Tum quia supponit Grauiam descensuram per eandem apparenter lineam perpendicularem, & non potius multis centenarijs pedum Occidentem versùs, quod esset consentaneum fini à natura Grauium per se intento iuxta dicta num. 65. Tum præcipuè quia supponit fortiorem virtutem locomotiuiam in Grauib. nempe motiuam circulariter à minore, quæ est grauitas, modificandam, ne per eundem circulum moueret; minorem autem maiori præualituram omnino, & motum suum perfectum per eandem perpendicularem operaturam, quod est contra rationem, & contra inductionem factam in alijs mobilibus corporibus, in quibus virtutes motiue in diuersas mundi plagas ita conciliantur, vt conspirent in vnicum motum continuum ex parte, non ex toto respondentem singulis virtutibus. Sic Planetæ ab Apogeo ad Perigeum, sic volucres transversali volatu sursum, aut deorsum volitant, sic flumina descendunt per alueos suos; sic fulmina, & quandoque grandines obliquè cadunt in Terram, & sic de cæteris, versùs duas mundi plagas continuè motis: Vnde physicè est euidens vnicum idem mobile non posse mouere totum se, aut eandem sui particulam naturaliter in diuersas mundi plagas continuo motu; Exemplum autem de Globo per filum fer-

reum deorsum actō ab eadem manu , quæ interim circumducatur filum ferreum, claudicat, quia in eo sunt duo corpora mobilia, distincta realiter, quæ mouentur, imò tria, videlicet globus, filū ferreum, & manus. In casu autem grauium esset vnicum mobile, in quo si alterutra vis motiua præualitura esset, deberet præualere, vis motiua versus Orientem; Si autem neutra præualeret, motus fieret per vnica transuersalem, loquendo physicè & iuxta naturam mobilium. Nam Mathematicè ac Metaphysicè non negamus posse imaginatione concipi, imò per aliquam aliam virtutem fieri motum per eandem perpendicularem, quam Grauia non transferrent secū realiter, & cuius ad motū non mouerētur.

- 69 Obijcies secundo cum D. Io. Alphonso Borello de Vi Percussionis propos. 58. pag. 111. sequi ex nostra sententiā validitates percussio-
 nis posse esse signum euidentis nauis quiescentis, etiam quando nauis velocissimè transfertur. Quod vt melius intelligatur esto hic figura num. 55. exposita æquiualens figuræ à Borello adhibitæ, & vt pateat quam perperam repræsentet Lectori nostrum ratiocinium exscribamus fideliter eius verba. *In navi potest à summitate mali B. demitti corpus grane B. nedū quando nauis in portu quiescit sed etiam quando velocissimè excurrit per maris superficiem: & in primo casu grane B simpliciter descenderet per lineā BCH. perpendicularem ad horizontem HK. secundo verò casu efficeretur motus mixtus per lineā curuam BFK. Quando ergo dubitatur an nauis quiescat in portu vel velocissimè transferatur, tunc iuxta hanc sententiā validitas percussio-
 nis factæ à grani cadente à summitate mali, indicabit, & docebit, an nauis in portu quiescat, vel per maris superficiem spatietur, scilicet quotiescumque percussiones factæ à Grani B. cadente in C. & H. eandem proportionem habuerint, quam impetus simplicis descensus, hoc erit criterium, quo euidentia physicomathematica certissimè euincitur nauim non moueri, sed in eodem loco persistere.*



Respondeo negando ex nostra sententiā sequi prædictū indicium, seu criterium euidentis de quiete nauis, potius quàm motu, obmani-

manifestam disparitatem : Nam vt paritas esset inter motum nauis , & motum Telluris Copernicanum , oporteret vt graue B. moueretur velocissimè versùs eandem partem,versùs quam nauis mouetur,& aequali velocitate.& vt vi huius motus,impediretur,aut modificaretur motus grauis deorsum,ne descenderet per eandem perpendicularem BCH. in spatio Mundano , sed ex duplici vi contemperata descēderet per solam transuersalem BFK. tali vniformitate , vt aequali tempore tanta esset physica linea pertransita FK. quanta BF. atque adeo non acquisiuisset maiore impetum percutiendi in K. quàm in F. Hac enim proprietate in Graui B. supposita, sequeretur, percussione non fore validiore in H. translato ad K. quàm in C. translato ad F. quod si maior percussio obseruaretur in H. quàm in C. tunc esset indicium, aut nauim quiescere aut cum ea non moueri graue pari velocitate ac nauim versùs eandem regionem, sed simplici motu perpendiculari moueri per BCH. sed has proprietates non habent grauia respectiue ad motum nauis , quas habere deberent grauia in hypothesi Copernicana respectiue ad motum Telluris . Proinde hinc ex validioribus percussionibus sensu manifestis, inde ex impossibilitate validioris percussionis ex altiore loco , quæ sequeretur ex motu Telluris factò per solam viam transuersalē BFK. bene & euidenter infertur Telluris quies; esto ex percussione validiori grauis ex summitate nauis dimissi, nō bene inferatur quies nauis . Perperam itaque ac Paralogisticè D. Borellus ex nostra sententia pag. 112 infert hanc consequentiam . *Qua propter quotiescunque graue à summitate mali B. efficiet percussiones in C. & H. aequè validas ac sunt impetus eorundem descensuum, habebimus euidentiam physicomathematicam ; quòd nauis non excurret per maris superficiem sed omnino in portu sistitur, & quiescit.* Iterum enim negatur consequentia ob disparitatem adductam .

- 70 Sed vrgebis experimentum , quod coràm se factum in triremi supra Sequanam multis cum testibus affirmat Petrus Gassendus Epistola 1. ad Petrū Puteanum de *Motu impresso à Motore Translato* . dimissus enim ex summitate mali lapis quantumuis nauim velocissimè currente , decidere visus est prope mali pedem per lineam parallelam malo, ita vt dimissus versùs proram non attingeretur à malo, dimissus autem ex parte puppis non defereretur à malo; Quia scilicet manus impetum sibi à communi motu nauis impressum, imprimebat lapidi. Interim tamen existentibus in ripa , & non participantibus de motu nauis , apparebat lapidem suo descensu describere in spatio mundano , imò in aëre lineam curuam

curuam, ergo in hoc casu lapis æquali velocitate, ac naus mouebatur antrorsum, alioquin non cecidisset per lineam perpendiculari malo parallelam. Hoc posito sic licet argumentari. Potest lapis ex summitate mali nautici dimissus, moueri transuersaliter æquali velocitate ac naus. & tamen in descensu apparenter perpendiculari tantam percussione facere, quantam indidem dimissus faceret quiescente naui, & multo maiorem, quam ex humiliore mali parte dimissus. Ergo & quodlibet Graue dimissum ex summitate Turtis, posset moueri transuersaliter æquali velocitate, ac Tellus, & tamen in suo descensu, qui nobis vna translationis appareret perpendicularis, eandem percussione facere, quam nos fieri experimur, stante vt supponimus Terra, & tanto maiorem, quanto ex altiore loco dimitteretur. Ergo ex percussionum diuersitate, & proprietatibus motus Diurni, vel Annui, Telluris, non infertur euidenter quies Telluris.

Respondeo distinguendo Antecedens, illudque concedendo si motus naus impressus mediante manu lapidi non præualeat impetui à gravitate producto, sed respectu huius, sit exiguus, aut per curuam lineam in spatio mundano descriptam lapis non feratur vniformitate motus, sed per eam realiter acceleretur tantumdem ferè quantum acceleraretur in perpendiculari stante naui. Secus autem nego antecedens. Nam si præualeat impetus à naui impressus, & adeo, vt per curuam viam lapis ab initio ad finem casus vniformiter deferatur, non efficiet tantam percussione, quantam si naus staret; nec tanto maiorem ex summitate dimissus quam ex humiliori parte mali. Neque hoc aut contrarium expertum se dicit ibi Gassendus. Quem tamen miror ibidem tam asseueranter, & toties dixisse pilam sursum perpendiculariter proiectam ab homine curru velocissimè delato, relapsuram intra currum, imò in manum proijcientis. Quandoquidem in experimentis Academiae Florentinae, sub protectione Serenissimi Principis Leopoldi, qui pro sua in me singulari munificentia eorum volumen dono ad me misit, pagina CCL. lego bombardulam erectam fuisse perpendiculariter supra currum sex equis raptatum, explosumque ferreum globum libralem, prius quidem stante curru, & tunc globum recidisse circa os bombardulae, postea raptato velocissimè curru, incitatisque equis supra planitiem aequalissimam, postquam currus transierat cubitos 64. relapsum fuisse globum rectè extra currum procul à bombardula cubitis circiter 4. idque iteratis sæpius explosionibus euenisse. At adhibita magna balista globum plumbeum teruncialem, post

emenſos à curru cubitos 68. recidiſſe retro longè à curru cubitos 6. globum autem argillaceum poſt curſum cubitorum centum, recidiſſe retro procul à curru cubitis 17 $\frac{1}{2}$. vnde aliqui in Galilæi opinione confirmati ſunt, aëris reſiſtentiam non parum detrahere velocitati grauium in deſcenſu, & plus reſiſtere minus grauib. Viderint ergo Gaſſendi Sectatores, quomodo eius aſſerta quoad hoc conſiſtere poſſint cum experimentis tam accuratè & circumſpectè factis.

- 70 Tandem poſſet quis ita ratiocinari. Non eſt impoſſibile accelerationem illam realem quam numero 41. in motu diurno, & num. 45. in motu Annuo deprehendimus, licet modicam ſufficientem eſſe ad efficiendam diuerſitatem illam percuffionum, quam experti ſumus, eſto ſi Terra ſtaret, longè maiorem diuerſitatem percuffionum experturi eſſemus, grauitate tunc nihil impedita, aut modificata à motu circulari. Ergo ex diuerſitate percuffionum nunc nobis comperta, & ex modica acceleratione in hypotheſi motus Telluris reperta, non inferitur euidenter falſitas huius hypotheſeos, & quies Telluris. Reſpondeo concedendo *Antecedens*, & Conſequentiam de ratiocinio *Mathematico*, aut *Metaphyſico*. Non poteſt enim Mathematicè conuinci talis impoſſibilitas. Sed nego vtrumque de ratiocinio, & iudicio *Phyſico* fundato in experimentis per ſenſationes factis, quibus inductione ſufficienti conſtat, nunquam coëteris paribus fieri validiorem percuffionem, quin præceſſerit maior velocitas, & impetus proportionatus exceſſui percuffionis. Nam ſi quis neglecto experimento ſenſuum dicat poſſibile eſſe, vt adiuncta vna ouicula duobus equis quadruplo maius onus, aut quadruplo maiori velocitate illud trahant, Mathematicè conuinci non poterit, & tamen phyſicis experimentis repugnabit. Et eadem reſponſio valet pro aliquibus alijs argumentis à nobis adductis lib. 9. *Almageſt*; Noui contra motum Terræ.

- 71 Poſtquam P. Joſeph Ferionius in Matheſi vniuerſaliter ac profundè doctus, legit meam hanc Apologiam, ſcripto mihi tradidit ſequentem obiectionem, non aſſerendo, ſed dubium proponendo, & eius ſolutionem à me deſiderando: Verba eius ſunt inſcripta:

Legi maxima animi mei voluptate argumentum phyſicomathematicè euidens R. V. quod mihi videtur ad omnem geometricam & phyſicam acriuiam euidentiſſimum. Occurrit tamen exigua difficultas animo ſubmouenda, circa ſolutionem quintæ rationis num. 54. propoſitæ, quæ ratio erat huiusmodi. Diſtancia, & re-

& recessus grauium descendendum à termino à quo, & accessus ad centrum Terræ, quod est terminus ad quem, mensurantur in sola linea perpendiculari ad horizontem, vt in figura num. 49. explicatur. Ergo graue per eam perpendicularem accedit ad centrum Terræ. Responsum est, concedendo antecedens de distantia, negando de accessu quatenus hoc nomen supra distantiam minorem, significat motum localem. Contra distinctionem videtur esse experimentum mechanicum, fundatum in illo vniuersali principio mechanicarum motionum, quod nimirum potentia minor præualens ponderi absolutè maiori per machinam, velocius mouetur pondere, ita vt sit maior proportio velocitatis potentie ad velocitatem ponderis, quam sit reciproce grauitatis ponderis ad grauitatem potentie. Hinc si in machina, maior sit proportio velocitatum, quam potentialium reciproca, potentia minor præualebit maiori. Imò, vt obseruat P. Honoratus Fabri in libris de motu, qua proportionem imminues motum ponderis, infra motum potentie, vel augebis velocitatem potentie supra velocitatem ponderis, eadem proportionem maius pondus mouebis. Ex hoc quoque principio ratio redditur æquilibrij à Galilæo, in libro de Insidentibus humido scripto Italicè.

Pesi assolutamente disuguali, alternatamente si contrapessano, e si rendano di momento uguali, ogni volta,

che le loro grauità con proportionem contraria

rispondono alle velocità de lor moti;

cioè che quanto l'vno è men

grave dell'altro, tan-

to s'ij in con-

stitutio-

ne

di muouersi più veloce-

mente di quel-



lo.

Quo principio supposito.

Sit norma rigida DAE,
æqualium brachiorum,
versatilis circa centrum
A, è cuius extremis D,
& E, demittantur per-
pendiculares D.B. E.H.
quæ mensurabunt di-
stantiam grauium à cē-
tro motus: si enim fiat,
vt BA. ad AH. ita reci-
procè pondus D. fiat
æquilibrium per 6. &
7. æquiponderantium
Archimedis; & si graui

D. addatur granum K. descen-
det D. pondus minus in C, & E.
pondus maius ascendet in G, &
ita minus pondus ratione ma-
chinæ præualebit maiori: ergo
ex supra allato principio, pon-
dus D. mouebitur velocius, quā
pondus E, velocitate reciproca
gravitatibus; neque enim potest
potentia minor præualere ma-
iori per machinam, nisi sit illa
velocior. Atquæ pondus D. non
mouetur velocius quam E, pe-
nes arcum DC, vt potè æqua-
lem arcui GE, ergo ista veloci-
tas est æstimanda, penes per-
pendicularem DB, ita vt veloci-
tas D. ad E. sit vt DB. ad GF. ergo
perpendiculares sunt men-
sura velocitatum, etiam si graui

per eas non incedant, ergo
etiam licet graue in primo secundo horatio incedat per curuam
BF. & in posteriori secundo horatio per curuam F.K, quæ curuæ
sint physicè æquales, adhuc poterit esse, tanto velocior descen-
sus per FK. quam per BF, quanto perpendicularis F.I. est maior
perpendiculari C.B. plane sicut in figura normæ mechanicæ, li-
cet graui D, & E, eodem tempore moueantur per arcus æqua-
les



les DC. GE, tamen motus grauis descendens ex D, in C, est tanto velocior motu grauis ascendens ex E, in G, quanto perpendicularis DB. maior est perpendiculari GF. Proposui, hanc obiectionem Excellentissimo Domino Doctori Geminiano Montanario, visa est illi solutione digna quam à nullo melius, quam à R. V. præstolari licet.

72 Respondeo primo, *axioma illud mechanicum potentia minor præualens ponderi absolute maiori per machinam velocius mouetur*, non esse verum vniuersaliter, nisi sub intelligatur duplex limitatio. Prima est, quod potentia minor à centro circa quod moueri debet, physico, ac reali motu, magis distet quam pondus maius, ideoque suo reali motu possit describere arcum similem quidem arcui descripto à maiori pondere, sed maiorem eodem tempore, adeoque velocius moueri velocitate realis motus: vt euenit in omnibus machinis statæræ aut vectis vim habentibus. Sic in præmissa figura si in vecte ABC. centrum motus sit in B. & pondus maius in C. pondus autem minus, aut potentia minor in A. poterit hæc præualere circa B. eodem tempore describere, suo reali motu, arcum maiorem, quam describat à pondere C. At si pondus, & potentia, per talem machinam constituentur in distantia æquali à centro sui motus, & ita rigide ac firmiter compacta, vt tam pondus maius, quam potentia minor, cogantur moueri eodem tempore per eiusdem circuli peripheriam, vt potè ex eodem centro descripti, axioma illud huic casui applicari non potest: neque vt euadat vniuersalissimum, quærenda est alia via, per quam potentia minor non moueatur realiter; velocitas enim vera est proprietas veri, ac realis motus, à vero ac reali impetu causati: Et axioma illud de tali velocitate intelligendum est, vt potentia minor quando mouetur deorsum, præualeat ponderi maiori sursum eleuato, præualeat inquam, vi impetus sui, sed aliunde adiuti ad præualendum, cuiusmodi est adiuumentum vectis &c.

Secunda limitatio est, quod potentia minor aliundè non compensetur, ac iuuetur, nec æquiualeat potentie maiori, vi cuius æquiualeat maiori velocitati, atque adeo moueatur velocius, non formaliter, sed æquiualeenter. In casu autem proposito si collocetur norma rigida DAE. cum ponderibus D. & E. in plano verticali, ita vt figuræ DAE. potentialiter triangularis, centrum grauitatis sit in petpendiculari AG. & maior pars figuræ nempe segmentum AMD. cum pondere D. æquiponderet segmento minori AME. vna cum maiori pondere E. sumpto,

tunc poterit fieri æquilibrium, & addito minimo pondere K. fieri motus deorsum, vi potentie æquivalenter maioris, seu cum æquivalentia velocitatis.

Respondeo secundo, non minorem imò potissimam esse difficultatem in reddenda ratione à priori, ob quam in casu normæ rigidæ, potentia minor D. possit æquivalere maiori pondere E, & efficere æquilibrium, quàm hac ratione reperta, reddere rationem ob quam, addito minimo quouis pondere K, dimoueri possit ab æquilibrium, & moueri localiter deorsum. At quando manet in æquilibrium & in quiete nullus est realis, & verus motus ipsius D. ergo nec velocitas vera, ac realis, quæ supponit verum realemque motum, ergo tunc nulla est velocitas maior potentie minoris, cui possit adscribi vis æquiponderandi maiori pondere: & in hoc casu nullum habet casum linea DB. comparata cum FG, quia in ea nec motus fit nec mensura motus, si quidem stante æquilibrium nullus est motus actualis. Quamcunque autem rationem adduxerimus pro vi dicti æquilibrij, absque reali motu, illa pariter militabit pro æquivalentia mera velocitatis, exclusiva velocitate formaliter sumpta. Vt nihil dicam de disparitate casuum: Nam casus in obiectione propositus est de duobus.

grauibus, quorum minus graue vi machine vtrumque

æqualiter in eodem circulo eodem tempore mouen-

tis, at in casu nostro vnicum, & idem est mobi-

le quod diuersis temporibus æqualibus de-

beret moueri reali velocitatis incre-

mento proportionato, & ido-

neo ad maiorem percussio-

nem efficiendam,

quando qui-

dem

cætera physicè pa-

ria sunt.

CAPVT SEPTIMVM.

*De Censuris contra Assertores motus Telluris latis in Sacra
Congregatione Eminentiss. S. R. E. Cardinalium in
tota Republica Christiana Generalium
Inquisitorum à S. Sede Apostoli-
ca specialiter depu-
tatorum.*

74 **N**on esset cur de his hoc loco mentionem facerem, si quidem abundè de his tractaui libro 9. Almagesti Noui sectione 4. à cap. 36. ad 40. & in Astronomia Reformata in secunda Appendice ad primum librum; nisi me ad id compellerent quædam dicta, & typis vulgata à R. P. F. Stephano de Angelis Mathematicum professore in Gymnasio Patauino, & à D. Adriano Hosut in suis Observationibus Gallico idiomate in lucem editis, occasione censuræ latæ à Qualificatoribus d. S. Congregationis anno 1615. vt refertur in *Sententia in Galilæum, & Abiuratione eiusdem* ex qua hæc verba seligo. *Volens proinde hoc S. Tribunal prospicere inconuenientibus, ac damnis, quæ hinc proueniebant & increbresceant in perniciem S. Fidei. De mandato Domini Nostri, & Eminentissimorum DD. Cardinalium huius supremæ ac vniuersalis Inquisitionis à Qualificatoribus Theologis qualificatæ fuerunt duæ propositiones de stabilitate Solis, & de motu Terræ, vt infra.*

- 1 *Solem esse in centro Mundi, & immobilem motu locali, est propositio absurda, & falsa in Philosophia, & formaliter hæretica; quia est expressè contraria Sacræ Scripturæ.*
- 2 *Terram non esse centrum mundi nec immobilem, sed moueri motu etiam diurno, est item propositio absurda & falsa in Philosophia, & Theologicè considerata, ad minus erronea in fide.*

Sententia tamen in Galilæum, & Abiuratio Galilæi fuit anno 1633. die 22. Iunij. Duas prædictas censuras agnouit, & retulit R. P. Fr. Stephanus de Angelis in Primis super Argumento meo Considerationibus pag. 72. sed anno censuratum non appositum; deinde subiungit. Hæreticos posse opinari Sacram Congregationem permotam meis Argumentis Physicomathematicis contra motum Terræ, ad eas censuras deuenisse, & motum Terræ absurdum ac falsum in Philosophia dixisse, ideoque expedire, vt meorum Argumentorum insufficiencia deregatur. Sed quomo-

do possunt Hæretici suspicari hoc; cum Censuræ illæ à S. Congregatione promanarint anno 1615. Ego autem mea Argumenta contra motum Terræ non promulgauerim nisi in Almagesto Nono anno 1651. Oporteret sanè illos ingenti anachronismo annorum 36. peccare. Sed dimittamus hos prætextus; & audiamus potius D. Adrianum Hosout.

- 75 D. Adrianus Hosout in suis Observationibus pag. 49. refert P. Honorati Fabri Societatis Iesu Copernicanos alloquentis hæc verba: *Ex vestris. usque Coryphaeis, non semel quesitum est, utrum aliquam haberent demonstrationem pro Terra motu adstruendo: nunquam ausi sunt id asserere. Nihil igitur obstat, quin loca illa in sensu litterali Ecclesiæ intelligat, & intelligenda esse declaret, quamdiu nulla demonstratione contrarium euincitur: quæ si forte aliquando à vobis excogitetur (quod vix crediderim) in hoc casu nullo modo dubitabit Ecclesiæ declarare, loca illa in sensu figurato & improprio intelligenda esse, ut illud Poeta: prouehimur portu, terraque vrbesque recedunt. Hæc verba, ait D. Adrianus visa sunt multis difficilia, quasi verò possit Ecclesiæ declarare vno tempore sic intelligendam S. Scripturam, & alio tempore aliter intelligendam; vnde colligit P. Fabrum existimasse Ecclesiæ non decidisse hanc quæstionem absolutè, sed prouisionaliter, & sub illa conditione. Quamdiu nulla demonstratione contrarium euincitur: ut impediret scandala, quæ tunc temporis oriri poterant, ex nouitate doctrinæ: Proinde hortatur P. Fabrum, ut Romæ procuret libertatem Astronomis, & persuadeat Ecclesiæ prælati hypothesim motus Terræ, nec esse absurdam, nec falsam in Philosophia nec vllum præiudiciu afferre Fidei, ac Religioni, nec repugnare physicæ aut Astronomiæ. Quod confirmare nititur dicendo P. Ricciolium in suo longo tractatu de Systemate Terræ motæ, respondisse absurditatibus, & falsitatibus, quas Peripatetici allegarunt contra motum Terræ; meum verò argumentum sumptum ex diuersitate percussionum solui posse tribuendo diuersitatem illam differentiæ Inclinationum, quibus Grauiâ descenderent; & pag. 53. Concludit PP. Ricciolium, & Grimaldum existimasse ex nullo alio capite, motum Terræ absurdum esse, aut falsum in Philosophia. Denique obsoletum illud Copernicanorum recoquit, videlicet Sacræ Scripturæ intentionem non esse, docere nos res physicas, aut Astronomicas, ideoque in his materijs non adstringi nos ad eam intelligendam in sensu litterali; præsertim si pro motu Terræ excogitetur aliqua demonstratio non quidem conuincens Metaphysicè, aut Mathematicè.*

maticè, quæ deducat ad impossibile; talem enim demonstrationem non esse expectandam; sed quæ rationabiliter conuincat, cuiusmodi putat esse argumentum sumptum ex nuperrimo Cometa. Ita summam ex Adriano, fusiùs ista explicante, quibus, vt & nos summam respondeamus.

76 *Primò dicimus, Ecclesiam per Summum Pontificem, non decidisse ex cathedra loca Sacræ Scripturæ de Telluris immobilitate & Solis motu, intelligenda esse ad litteram. Id enim si decidisset certissimum esset, non posse excogitari vllam veram demonstrationem pro Terræ motu, Solisque immobilitate. Siquidem definitiones S. Sedis Apostolicæ immunes sunt ab errore tam speculatiuo, quàm practico ob assistentiam diuinam à Christo promissâ, absq; limitatione Petro, & successoribus eius, in ijs quæ aliquo modo concernunt Fidem ac Religionem Christianam, vt latè ostendimus in nostro Opere nuper edito de huius Immunitate; hanc aurem quæstionem non spectare solum ad Physicam & Astronomiam, sed etiam ad Fidem, & Religionem infra ostendemus.*

Secundò dicimus, Censuras contra Terræ motum asserentes, iatas de mādato Summi Pontificis à Qualificatoribus Theologis, approbatas fuisse à decem Eminent Card. S. Congr. Inquis. & iterum à septem Cardinalibus sententiam ferentibus contra Galilæum, vt retulinus lib 9. Almag. Noui pag. 477 & 499. vbi notanda illa verba Inuocato igitur Sanctissimo nomine Domini nostri I E S U C H R I S T I, & ipsius gloriosissimæ Matris semper Virginis M A R I A E: per hanc nostram definitiuam sententiam, quam sedendo pro tribunali de Consilio & iudicio Reuerendorum Magistrorum Sacræ Theologia, & Iuris vtriusque Doctorum nostrorum Consultorum proferimus &c. & post pauca. Dicimus, pronunciamus, iudicamus, & declaramus Te Galilæum supradictum, ob ea quæ deducta sunt in processu Scripturæ, & qua tu confessus es, vt supra, te ipsum reddidisse huic S. Officio vehementer suspectum de hæresi, hoc est quod credideris, & tenueris doctrinam falsam, & contrariam sacris, ac diuinis Scripturis Solem, videlicet esse centrum Orbis Terræ, & eum non moueri ab Oriente in Occidentem, & Terram moueri nec esse centrum Mundi. Antea vero à S. Congregatione Iudicis emanauerat Decretum, quo fuerunt prohibiti libri qui hunc Terræ motum & Solis quietem adstruebant: Vt prorsus tolleretur tam perniciosa doctrina, neque vltcriùs serperet in graue detrimentum Catholice veritatis; & ea declarata, fuit falsa & omnino contraria Sacræ ac Diuinæ Scripturæ. Quæ verba referuntur in sententia prædicta contra Galilæum.

Tertiò,

Tertiò dicimus tam Eminentiss. Cardinales, quàm Theologos Qualificatores S. Congr. Inquis. absolutè, & non tantum prouisionaliter, seu pro tunc temporis, tulisse dictas censuras supponentes pro certo, nunquam posse demonstrari contrarium: Esto facta suppositione demonstrationis de motu Terræ, oppositum censere deberent alij Qualificatores eius demonstrationis periti. Ego tamen pro ea indagine quam profectus sum lib. 9. Almag. Noui sect. 4. videor mihi posse securos reddere dictos Qualificatores, non posse siue à motu Cometarum, siue aliunde deduci argumentum physicè nedum Mathematicè euidens pro motu Telluris; esto enim aliqua phœnomena aliquorum imaginatione videantur congruentius explicari, attribuendo motum diurnum Terræ, alia tamen rationabilius ad captum humanum facilius explicantur, supposita Terræ immobilitate.

Quartò dicimus, primariam quidem intentionem Eminentiss. Cardinalium S. Officij Inquisitionis, & Qualificatorum eius fuisse damnare opinionem de motu Terræ, & Solis quiete tanquam hæreticam, vt pote directè contrariam Sacræ Scripturæ ad litteram intelligendæ, vbi non est necessitas (sicut non est in casu nostro) aliter eam interpretandi, id enim directè pertinet ad Officium S. Inquisitionis deputatæ ad causas fidei, & hæreseos discernendas. Nihilominus secundaria intentio Qualificatorum fuit anteuertere obiectionibus, quas quidem posent ex Philosophia, vel Astronomia emendicare dicendo (sicut nonnulli inscitò plane discrimine de animæ rationalis immortalitate) iuxta lumen quidem supranaturale, & Sacram Scripturam Solem moueri, Terramque stare; at iuxta Philosophiam, & lumen naturale Solem stare, Terramque moueri: Ne id igitur posset quis dicere, & Scripturæ contraponere philosophiam, addiderunt eam opinionem absurdam, & falsam esse in philosophia quoque, nempe in Physica, quæ nititur experimento sensuum in motu corporum dijudicando.

Quintò dicimus falsum esse, Me aut P. Grimaldum existimasse, opinionem de motu Terræ Solisque quiete, non esse absurdam, & falsam in Philosophia. Esto enim multa contra illam argumenta ostenderim, non habere tantam euidenciam, quantum eorum authores putabant, & quædam nata esse ex imperfecta notitia hypotheseos Copernicæ; Alia tamen Argumenta contra Terræ motum Solisque quietem partim physicè, partim physicomathematicè mihi euidencia protuli lib. 9. Almag. 9. sect. 4. cap. 19. 20. 21. 29. 30. Meum verò argumentum ex validitate,

percussionum, quæ sunt notabiliter maiores, quo Graui ex notabiliter altiore loco dimittuntur, non posse solui ex diuersa inclinatione, vt putat D. Adrianus, ostendi supra nam. 19.

Sexto dicimus, licet primaria intentio DEI, qui est author Sacræ Scripturæ, fuerit docere homines, quæ ad salutem æternam, atque adeo quæ ad Fidem, veramque Religionem, & mores veris Dei cultoribus conuenientes pertinent, & reuelare obscura ea, mysteria quæ sunt per se de Fide, nec lumine naturali certò sciri possunt; multa tamen esse, quæ licet lumine naturali attingi possint, ex Sacra tamen Scriptura confirmari possunt, & euadere de Fide per accidens, quatenus reuelata obscure à Deo; cuius modi est Solis motus, & stabilitas Telluris, quæ ad Religionem pertinent ac Fidem Catholicam; quatenus Sacra Scriptura commendat in his diuinam potentiam, sapientiam, prouidentiam, nosque inuitat ad laudandum Deum tanquam authorem, & conditorem motus Solis, & stabilitatis Terræ, vel tanquam authorem miraculorum, quibus naturalis cursus Solis aliquando inhibitus est. Falsa autem esset & præpostera laus Dei, fundata in falsa stabilitate Terræ, & falso motu Solis. Non rescribo hic plurima loca Sacri textus, nec inanes solutiones Copernicanorum, quia id abundè præstiti lib. 9. *Almag.* Noui scilicet. 4. à cap. 36. ad 40. & iterum in *Astronomia Reformata*, in Appendice ad librum de Sole. Ex quibus constare potest, non solum Regulam generalem esse, vt Sacra Scriptura intelligatur in sensu litterali, quotiescunque nulla necessitas compellit ad sensum alienum aut figuratum, sed etiam ea loca, quibus Deus nobis reuelauit Solis motum, & Terræ stabilitatem, vnanimi consensu Patrum Sacrorumque interpretum ad litteram intellecta fuisse, & ex Tridentino Concilio in professione Fidei, sic esse intelligenda. Neque his regulis obstat difficultas concipiendi mente, seu imaginandi Motum Telluris, & Solis quietem, ob quam difficultatem videatur Deus debuisse se accommodare captui populi, cui videtur Sol oriri, & occidere, Tellus autem stare. Multa enim alia captu difficiliora reuelauit, cuiusmodi est peccatum originale, sine actuali culpa posterorum Adæ, reddere posteros eius (excepta Deipara Virgine) peccatores, & filios iræ; item ob vnicum peccatum mortale damnatis ad Inferos nunquam Dei Misericordiam remissuram poenam; item Mysteria Trinitatis, Incarnationis, Baptismi, Eucharistiæ &c. Deinde cum ex vna parte præuiderit Deus controuersiam hanc de Sole ac Terra excitandam, poteritque ita de his in Sacra Scriptura loqui, vt salua

veritate non deciperemur ex eius loquendi modo, & difficultatem imaginationis popularis aliquo indicio leuare, & tamen toties Solis motum, & stabilitatem Terræ nobis afferuerit, absque vlllo indicio contrariæ hypotheseos, non est dicendum eum subticuisse veram hypothefim, eò quod vulgo difficilis creditu visa sit; præsertim cum docti viri facile possent persuadere imperitis Telluris motum, si illum Deus in Scripturis indicasset, & loco motus diurni Solis dixisset, Terram quotidie Dei præcepto verti & Soli obuiare, vt ab eius radijs illustretur successiuè vicesque diei, & noctis suo motu peragat. Et quando CHRISTVS dixit: *Qui Solem suum oriri facit super bonos, & malos; Si Sol non moueretur equè faciliè dicere potuit: Qui Solis radios facit à Telluris habitatoribus bonis, & malis, participari. Vel Qui facit, vt habitatores Terra boni & mali Telluris motu & Solis radijs fruantur.* Sed quid nos homunciones tentamus Deo formulas loquendi præscribere, aut ex nostro ingenio vel genio erga aliud Mundi Systema, recedere ab expressis diuini eloquij characteribus? At de his satis ad retundendum D. Adriani eiusque similibus conatum.

F I N I S.

Pag.	Lin.	Errata	Corrige	Pag.	Lin.	Errata	Corrige
2	6	Eccentricorum	Eccentricorū	70	20	eo	&c
3	12	Phyloſophiz	Philosophiz	71	42	proprium	proprium.
8c	17			73	5	concurrer	concurrent
5	10	Nafut	Hofut	74	5	incidere	incedere
7	16	accelerentur	acceleraretur	74	29	Quoniā ſint	Quoniā ſunt
7	17	dum Graue	Graue	76	4	percuffiones	percuffiones
7	33	num.8.	pond.8.	78	33	æqualis; Ferè	æqualis ferè
7	36	nifi pedes	minus quàm pedes	82	8	poſſet	poſſit
18	28	medium, quid	medium quid	84	14	Impetu à quo	impetu, quo
22	32	nominemus	nominamus	86	28	acquam	aquam
25	31	contractu	contactu	87	33	abſuit	abſuit
80	4	numerant	numerabat	87	34	arcus	arcum
30	10	digitorum	digitorum	88	16	contra mōtes	intra montes
42	16	idem quem	idemque	88	17	quia	quin
47	6	ſpecialem	Spiralem	91	7	includiue ean- dem	includiue. Ean- dem
68	13	motu 3.	motu. 3.	101	22	increbreſce- ant	increbreſce- bant.
70	6	acta	actu				

ADP 1461 402